

**S P E A K E R**

'Pathianin mi duhsak bik a nei lo tih dik takin ka hria e. Nimahsela, hnam tin zingah tupawh amah tih fel taka ti apiang a lawmzawng mi an ni thin'.

Tirhkohte 10:34,35

Starred Question No. 181-na zawt turin Pu K. Lalrinliana i lo sawm ang

**PU K. LALRINLIANA**

Pu Speaker, ka lawm e. Ka zawhna Health Minister chhan atan Starred Question No.181-na (a) Health Worker Staff Nurse, Laboratory Technician leh Microscopist te hi an awmna hmun turah an indaihlohna avangin an awm lova. An pawimawh si a, lakbelh tum ani em? (b) Bairabi PHC hi a Building a tlu tep tawh a, sak that tum ani em? (c) Kolasib CHC a Isolation Ward Building sak that tum ani em?

**S P E A K E R**

Chhang turin Minister zahawm tak Health changtu Pu R. Tlanghmingthanga i lo sawm ang.

**PU R. TLANGHMINGTHANGA  
MINISTER**

Pu Speaker, member zahawm tak, Pu K. Lalrinliana zawhna chhanna chu

(a) Health Worker, Staff Nurse, Laboratory Technician leh Microscopist te hi sorkarin phalna min pek theih chuan lak belh tum ani. (b) Bairabi PHC sak that tumna a awm rih lo. (c) Kolasib Isolation Ward sak that tum ani.

**PU F. LAL THANZUALA** : Pu Speaker, a in Relate tho va. Starred Question 200-naah hian a awm a. Hnahthial damdawiin hi sak that tumna a awm em ?

**PU R. TLANGHMINCTHANGA : MINISTER** Pu Speaker, Hnahthial PHC sak that tumna a awm mai rih lova. Hetihlai hian Hnahthial mai nilo, PHC hrang

hrang hi a tam zawk chu kum 20 kaltaah te khan vantlang thahnem ngaiina hnatlanga an lo sakte a ni a. Chumi avang chuan sak that tum lo han tih laia kha sak that chu kan duh vek a. Kolasib Isolation Ward sak that nan chuan cheng nuai 8 kan han dah a. Chu chu tum kan han ti ngam a. Sak that hi a ngai deuh vek a. Central-ah Rural Health Care Mission hhuaiiah hian sak that tura proposal kal mekin chumia chu kan Chief Minister zahawm takin a zinna hnuhnung berah khan Union Health Minister hnenah kan DPR te theihuhin an kutah a awm mek a. Hnahthial mai ni lovin PHC leh Sub-Centre dang dangtc. Quarter te pawh tihthat a ngai nasa a. Chuvang in hemi hi meeting hnuhnung bera min sawihmuh leh ani pawhina Project rawn siam rawn u an tih angin. Project kan siam zova. Chu kan Project chu Union Health Minister hnenah theihuh a ni a, ngaihtuah mek ani. A lo chhuah dan a zirin kan sak that tura hi kan rilruin kan chhut kan chhut tawh ani.

**PU H. LALSANGZUALA** : Pu Speaker, Central Medical Store, Zemabawkah sawn damdawi saw tunah an nei lo hle nia hriat a ni a. Thingtlang lampang tena an mamawh an rawn lakna-thingtlangah damdawi neilo tak tak te an awm a. Hei hi sorkarin damdawi hi hei aia tam stock dan a awm em ?

Tin, Civil Hospital-ah thingtlang atangin damlo te an rawn phurlut a, chawp leh chilhin damdawite lei an ngai nghal a, chungah chuan Emergency ah thisen chaw, damlo harsa tak tak te tan an mamawh chawp leh chilha hman chi hi sorkar hian hei aia tam hian a tihsak thei em ?

**S P E A K E R**

A relevant chiah lo na a, a chhan theih chuan kan Minister khan han chhang sela.

**PU R. TLANGHMINGTHANGA  
MINISTER**

Pu Speaker, tuna Pu Lalsangzuala rawtna leh zawhna kha a lawmawm hle a, kha kha kan nei lo chung chungin

Emergency-a damdawi zanlai ani emaw engtik hunah pawh an hausak vanga damdawi leina tur ka nei alawm tih avanga hliam leh mangang hi an ni chuang law. Neilo ber berte pawh harsatna tawk an nih avangin he Sorkar han tanir chhoah khan Emergency-a hliam tuar thut te, chu damdawi lei a ngai thin a. Stock a awm loh avangin. Chutah chuan, damdawi pek loh chuan thih mai hlauhawmte an nia. Chutiang atan chuan Provision a awm bawk si lova. Kan Doctor leh Nurse Duty ten an lo in thawhlawmin mangang zualte anmahni Pocket atangin an lo lei chawp sak thin a. Ka hming lo zuk la rawh u tiin Doctor Attend tuten an ti thin a. Chutiang chu kan hria. Chuvangin, Emergency a Casualty a kal an nih chuan a tlachawpin damdawi hi pek loh lak thin nise, Emergency leh Life Saving tihte, chutiang chuan provision kan siam ta a. Kan la kalpui thei tawng tawng a, beiseinain kan kal a, ba a tam hle tawh a. Casualty a kalte reng reng chu lei chawp ngai lovin sorkarin lo bat sak rawh se kan ti a, kan ba zel rih chu ani a. Tin, damdawi tam zawk tih lai hi kan duhtusam ani thova. keini pawhin, mahse, kuminah 3 crores kan beisei lain 1 crore dah sak kan ni a. Chuvang chuan, kan khawp kham love tiin kan Member zahawm tak rawtna ang type khan damdawi leina loh theih loh a kan hman tur atan kan Chief Minister hnenah pawh kan dii belh mek a, beiseina sang tak kan nei ani tih ka chhanna ani e.

**S P E A K E R**

Starred Question 182-na zawt turin Pu Lalhlengliana i sawm ang.

**PU LALTHLEGLIANA**

Pu Speaker, ka Starred Question No.182, Sports & Youth Services Department changtu zahawm tak chhan atan - Sport lamah Mizoram in hma a sawn nasa hle a, infiam mite tan sorkarin eng angin nge hma a lak tih ka zawt e.

**SPEAKER**

Chhang turin Sports Minister zahawm tak Pu Z. H. Ropuia i lo sawm ang.

**PU Z. H. ROPUIA  
MINISTER**

Pu Speaker, Mamit bialtu zahawm tak Pu Lalthlengliana zawhna chhanna chu hei hi ani e - Sorkarin kawng hrang hrangin infiam mite hamthatna atan hetiang hian hma a la ani.

(1) Mizoram incentive cash award: The Mizoram Incentive Cash Award Rules, 2001 chu infiam miten National, International level leh competition a ti tha te tan kum 2002 atangin hman tan ani.

(2) Infiam mite mamawh ber pakhat infiamna hmun buatsaihnaah ngawrh taka hma lak ani a, State Sports Complex te, District Sports Complex te, Central ah theihluh ani a, a vaia estimate kan theihluh tawh hi 17.35 crore ani.

(3) State level Sports Association hrang hrang te National level competition pawimawh bikah chuan an tel theihna ngei turin ruahmanna siam sak anni in kumin chung ngei pawh hian State Level Sports Association te anmahmi National Federation theuh te buatsaih championship tournament ahte telin hlawhtlinna tha tak an nei chho mek ani.

**PU LALTHLENGLIANA**

Pu Speaker, Aizawl khawpuia infiam mi hian infiamna hmun tha an mamawh hle a, Lam-mual te hi tun aia tha zawk

hian siam dan a awm em? 400 mt track ang tal hian siam theih nisela. Tin, ka bial Lengpui te khu a climate hi phai lam climate te nen a in ang deuh a, hmun vawtah kan training a, hmun lum takah kan infiam a, chu chuan kan infiam mite a ti chau thin a, khulaiian khuan Zoram hmun tin ami ten an chhawr theihna tur tak Sports Complex puitling International standard te pawh siam theihna hmun awm thei turah kan ngai a, min ngaih pawimawh sak hram seia ka duh a. Aizawl khawpui leh a chhehvelte tan engkimah kan hman loh theih loh Assam Rifles field hi tih puitlin dan a awm em, thlang lam atangin lung remin emaw, concrete a a siap te chhunin zau takin harsa lo taka siam theihthe pawh niin a lang a, chung chu ruahman tumna a awm em tih ka zawt duh ani.

**PU LALRINLIANA SAILO**

Pu Speaker, kan Minister khan a chhannaah khan infiam mite mamawh ber hmun chungchang a sawi a. Hmanni khan

General Discussion-ah khan kan sawi a, Constituency tinah Playground puitling min tihsak thei lawm ni tih kha kan duh dan ani a, 11<sup>th</sup> Player tih theihna tur, kan Minister hi a chak khawp mai a. lawmawm ka ti khawp mai kawng lehiamah chuan pakhatna ni ta se. Pahnihnaah chuan, nimin min leh khan dar 5 1/2-ah ka thlang chhova, Durtlang Playground chungchangah khian ka han en a, dar 6 khan ka awm tawh a. Lung thlang lama an rem khi hmun a awi duai mai a, khilai mite rin danah chuan kawngpui leh lung rem inkar khi a va uihawm ve, mimal tana zuah ani em ni tih ngaih dan a awm nual a. Chuvangin, khilai hmun develop nan hmun chuang anih hmel flat mai a, a uihawm h le mai a, engatinge khi khi an tih duah mai tih leh khilai khi engtinge tih zel an tum. Tin, khilai area a mipui khi rawn anni ve em, Durtlang VC emaw infiam mite emaw kha tih ka zawt e.

**PU ZODINTLUANGA**

Pu Speaker, zawh belhna Sports Council kha dan lo taka thiah a ni a, Court in inthlang leh turin a rawn ti a, kan Minister zahawm tak pawh kha chanchinbute a kan lo hmuh damin pawisa chawi tura tih ani a, kha kha a chawi tawh em tih ka zawt hmasa duh a. Tin, Sports Council inthlan that lehna tur, hi Association hrang hrang an inpuahchah mek niin ka hria a, he Sports Council din leh tur hi duh duh a thiah leh mai mai tur nge a dan dik ang thlapa function tir tawh tur tih ka zawt duh a. Tin, pahniha Youth Services chungchangah hian NCC te Session hmasaah pawh ka sawi tawh thin a, ngaihthah an hlawh em em a, an pawimawh zia chu kan hro tlang vek a. Youth Services-ah Scout & Guides-ah hian activities leh pawisa tam tak hman anni a, NCC ah te hian tun aia nasa zawk hian hma a lak ve theih tawh ang em? tih a ni a. Pathumnaah chuan Incentive Cash Award pawh kha session hmasa pawh Khan "Kan pe dawn", tih kha ani a. Hei tun thleng hianin Thalai tam tak la ve tura inngai Session hmasaah kan Sport Minister ina a puan pawh a lawm a kut lo bengte pawh khan vawim thleng hian, "Kan la hmu lo", an ti a. Khangte kha engtikahnge a pek theih ang tih ka rawn zawt e.

**PU LAL THANHAWLA**

Pu Speaker, Thenzawl khel-mual saw Mizoramah chuan tha ber pawl a ni a. Engtia cheithat tum nge tih ka hre duh a. Tin, Residential Hockey School saw engtinge Mizoram sorkar hian a enkawl? Engtia tih zel nge a tum?

Tin, tun November thla khian Gauhati-ah National Games nei tura inpuahchah mek a ni a, kan State thenawmte chu hei chanchinbuah pawh mhmuh vekin ka ring a, an inpuahchah nasa hle a, keini State hi Sorkarin nasa takin a inpuahchah a, a State Level Association te, keini State hi eng angin nge a inpuahchah ve, enganginngge Sorkar a inhuam a, engngeni hma a lo lak tawh? Medal tam tak kan lak ve theihna tur atan kan prospect a tha em em a, engnge kan inpuahchahna.

**SPEAKER**

Chhang turin Minister i lo sawm leh ang.

**PU Z. H. ROPUIA  
MINISTER**

Pu Speaker, Mamit bialtu zah-  
awm tak zawlina (1) A.R.  
Ground chungchang kha kan  
hre theuh a. A.R. (Ground hi

kan ta a la nih chiah loh avangin hma a lak ineh rih lova,  
amaherawhchu, kan zavaia thahnemngaihna avang loh kan Chief  
Minister te leh Planning lamte thahnem ngaihna avangin sawmi tinzawn  
sawn 50 crores kan dil a, 400 mt Track line leng turin, eight line,  
chutah chuan Twelfth Finance Commission in 25 crores minrawn pe a.  
Hemi hmang hian hmalak tum a ni tih ka han sawi hmasa duh a. (2)-  
na Lengpui Field chungchang kha Lengpui hi nichina bialtuin a sawi  
ang k han kan infiamnaa kan zu hman ber hi phairam lum a ni a,  
"Helai hi hmun rem leh thate pawh a awm ang", kan ti a.  
Amaherawhchu, khumi Airport tih hmansawna tura International  
Airport thlang leh nakina Air Bus-te pawh tum theihna tura khumi  
prove tum a nih avang khuan a Security Area-ah khulai ram rem lai tak  
maia khu a lo luh avangin duh angin hma a lak chhonzawm theih ta lo  
va. Ground remchangte kan hmu thei anih chuan siam sak chu kan tum  
tho ani tih kha kan chhanna ani.

Tin, Khawhai bialtu zahawm takina  
Constituency tinah hian Football Playground puitling hi min siam sak  
se, tih hi a dik khawp mai a. A tul pawh a tul kan ti a.  
Amaherawhchu, tunah hian Central Scheme a kan han tih theih ang ang  
china han tih hian Central khu tunah hian Sport Policy-ah hianin  
ngaihnan an thlak rih a. Hma a lak chhonzawm hleih theih lo rih a. A  
chhan chu Planning Commission heng infrastructure development te hi  
direction state-ah pek ni tawh se, tiha kha a rawn tih avangin heng  
Central a kan han dil theih ang chin kha kan dil chhonzawm thei rih ta  
lova. Tlem ngaih chan deuh a, constituency field puitling la nei lote  
pakhat tal nei tura hmalak ni seng, tih kha ka chhanna a ni.

Tin, Durtlang lungrem khi a thlang  
a la awm duai si a, hei hi engtinge inhmun atan te reserve a ni lo  
maw tih kha chu Sport lam chuan thahnem kan ngai a. Mi inhmun kan  
reserve ve ngai lova a tih belh nan mi inhmun kan dil zawk ani.  
Amaherawhchu, khilai khi kawng bula han rem mai khian retaining  
wall a sang lutuk dawn a, pawisa a ngai hmem dawn si a. Tin, chubakah  
a hlauhawm dawn a, chuvang chuan tulai kan ngai loin, kan senso tur  
leh pawisa neih dante ngaihtuahin thil tul em emah kan ngai hrih lova,  
tin, a hlauhawm bawk si a. Chu chu kan tih lohna chhan a ni. Tin,

khilailah khian Football Ground, grass ground atan siam tum a ni a. Amaherawhchu, gallery khi ka pawisa neihin duhthusamin a daih dawn loh avangin helaia hi ropui tak chuan kan ti thei lovang a.

Tin, "Hockey ground lamte hi khilailah khian a leng thei hram lo maw?" kan ti a, kan pawt zing viau mai a, duhthusamin a leng lova. Amaherawhchu, practice ground te khawtlang mipui leh Association duh danin helai hi chu siam belh a thei se tiin kan reserve a, practice ground talah helaia hi neih theih nise tiin ruahmanna kan siam bawk a ni.

Tin, Buarpui bialtu zahawm tak zawhna Council kha thiam loh a chang a, pawisa chawitir a ni a. A chawi tawh em? tih kha Rs. 5000/- chawi turin thiam chantir hian tihah, min khingtute khan Council a hih leh kha an dil ber a ni a. An dil an hlawhting lova, tin, kan Council thiah kha an pawm bawk a. Amaherawhchu, in thiah danah hian in barakhaih lutuk deuh a ni, in dan hman a dik love, tihna lam ni lovin Principle of natural justice a kalh deuh a ni lawm ni? Zangna dawmnaah Rs. 5000/- hi chu lo tum sak ve teh u, High Court-ah te an inseng hnem si. Nuaih dawn an inseng mai thei a, chuvangin 5000 te hi chu lo tum ve rawh u. Zangna dawmnaah min tiah kan ngai a, kan lawm hle a. A rang thei ang bera pek tum ani.

Tin, a duh hun huna thiah leh tura din em ni tiha kha dan lo anga a kal a nih chuan Sorkarin a la ngaihtuah zel ang. A din dan Act leh Principle kalha Council kha a kal anih chuan Sorkarin a ngaihtuah tha zel thei ang. Tichuan, NCC te duhsakna hi Session himasaah pawh kan sawi tawh a. Chuvang chuan kan Planning te leh kan Chief Minister in ngai pawimawhin NCC Battalion din belh a nihnaah te cheng nuai 10 min rawn pek belh a. Scouts & Guides kha chu Activities lo nei sa a nia. A pangngai baka NCC ina kan Earmark bakah nuai 10 te belhin hma chak taka lak a nia. Training te kan State Centre ah an nei mup mup ani. A lawmawm hle ani. Tin, Incentive Cash Award hi Exam uluk a lo ngai khawp mai a. National Level Participation te han en hian Recognise chiah lo Tournament tam tak International Level-ah pawh Federation ten an Recognise lohte a awm thin a. Certificate te lo fello palhte a awm thei a. Chungte chu Exam anih hnuin tunah hian final in pawisa draw anih veleh tunah hian sem turin peih fel ani tawh ani.



Tin, kan Opposition Leader zawhna Thenzawl hi Playground tha a nia. Engtia chei nge tum anih tih kha tunah hian mam takin Hockey Ground a hmana chei mek ani. Kum 1 Women Residential Hockey Training Centre ah Permanent Ground-ah hman a nia. Chubak te chu Football ground-ah hman a nia. Kan ngaihtuahin football ringawtte hi Discipline anih loh avangin kan Talent te hmanna turin hei hi Permanent a Hockey Ground a neih kan tum a. Chumi a chu Project te siamin crore 4-5 inkar kan peih tawh a. Saw saw Asto turf Ground atan Central-ah Project kan theh thla mek ani. Tin, Residential Hockey Ground hi Sap nen Joint Venture a Agreement engkim sign ania. Mahse, Central khu an chaklo em mai a. Hmannia National Level Conference kan neihah pawh henge te hi kan han sawi chhuak ve a. An tihtur ang an la ti lova. Chumi Joint Venture a, an tihtur ang an la ti lo chung pawhin State sorkarin kan sum neih ang ang atangin kan kalpui zel a. An Agreement kan sign anga an ti thei lo anih pawhin State sorkar hian Residential Hockey Coaching Centre-ah kalpui tlang tum ani tih kha kan sawi duh a.

Tin, National Games atana inpuah chah dana hi an la in peih chhuah loh em avangin kan han in puahchah a, kan han chawl leh a. National Level leh NE-ahthe kan han Participate a, in warm up nan. Tin, Discipline zawng zawngah hian kan tel thei lova. Qualified a ngai a. Women Hockey Training Centre kan nei a. Hemi hmeichhe ho pawh Junior te te khan Senior ah an qualify ani.

**SPEAKER**

Starred Question No. 183-na  
zawt turin Pu R. Lalzirliana i  
lo sawm ang.

**PU R. LALZIRLIANA**

Pu Speaker, Animal Husbandry & Vety Minister chhan atan - Saitual Sub-Town Area chhunga AH & Vety Dispensary hi AI Centre atan min puan sak ve thei em?

**PU LALRINCHHANA  
MINISTER**

Saitualah bawng kah raina chu dah a tum a. Engkim peih fel thawkhat ani tawh a. Reiloteah hawn ani dawn.

Pu Speaker, Saitual bialtu zahawm tak zawhna chhanna chu - AH & Vety Department chuan AI Centre (Cattle)

**SPEAKER**

Starred Question 184-na zawt turin Pu Lalhmingthanga i lo sawm ang.

**PU LALHMINGTHANGA**

tumna a awm em ? tih hi Minister i/c Health & Family Welfare chhan atan ka zawt e.

Pu Speaker, ka zawhna Starred Question No. 184 Lunglei Civil Hospital-ah Child Specialist dah thuai

**SPEAKER**

Chhang turin Minister for Health & Family Welfare, Fu Tlanghmingthanga ilo sawm ang.

**PU R. TLANGHMINGTHANGA :  
MINISTER**

Pu Speaker, member zahawm tak zawhna chhanna chu Lunglei Civil Hospital-ah hian Child Specialist Dr. Doris Lalnunmawii dah a ni a. A zawm tawh e.

PU LALHMINGTHANGA

Pu Speaker, zawhbelhna, kan  
Minister zahawm tak leh  
House hriattiruan, nimirah khan  
Information ka hmu a. Pa

pakhat a hming chu C. Lalchhanhima kum 29 mi a ni a, a pa hming  
hi Zapianga Zobawk ani a, a nupui chu Sangpui a ni a, fa 3 te tak te  
te an nei a. A pum a nat nasat em avangin Zobawk atang hian ni  
19.3.2005 khan Lunglei Civil Hospitalah admit ani a. Tichuan, an lo  
enkawl a, thisen pawh unit 5 lai an pe a, mahsela, a that theih chuan  
vak loh avangin ni 21.3.2005 khan X-Ray turin an ti a, X-Ray atang a  
Radiologist te hmuhchhuah an finding chu a pumpui a lo pawp a,  
perforation alo awm a. Chu chuan na nasa tak a siam sak a ni tih ni  
21.3.2005 hian hmuh chhuah a ni a. Tichuan zai turin ni 22.3.2005 ah  
khan buatsaih chhoh tura tih ani a, mahse hemi ni hian a zaitu tura tih  
Doctor hi Hospital lamah a rawn lang iawk si lova, ani a pumna hi a  
na tawh si a, zai thuai thuai kha a nghakhlel a min zai rawh u, tiin a  
chiau a chiau a. A chhungten Doctor chu a In lamah an zu zawng ta  
ringawt mai a. Ani, buhfai ngaihuahin a chhuak daih mai tih an lo  
hrilh a, tichuan Civil Hospitalah chuan an buaipui chho ta zel a,  
Doctor chu a rawn thlen hmam an hrilh hria a, a dihmunte kha  
chutah an han buatsaih chho dawn a. hmimhlum petu tur Doctor kha  
alo awm leh ta lo bawk si a. Tichuan tlai dar 5:30 ah ho damlo hi a  
lo thi ta ani. Hei hi telephone in Chiang takin min rawn hrilh a.  
Hetiang a damlo na tak mai, a natna te pawh Chiang tak X-Ray a zawn  
chhuaha stomach perforation ani tih hriat a zai ngai ni si, mahse  
thawktute inthlahdah vanga nun chan hi a khawngaihthlak em em mai  
a, fa pathum nei, te tak te te an ni a, pa ber a lo thih takah chuan an  
khawngaihthlak hle ani. Hei hi kan sorkarin a hriat a tul a. Tukin zing  
khan Civil Hospitalah an hotupa ber va zawt ila a tha ang e ka ti a,  
ka han phone a, mahse, in lamah a awm lova, Office lamah a awm  
bawk si lova, churang chuan ka information hmuh ang ang hi kan  
Minister hnenah hian ka rawn sawi a, hei hi uluk taka min en sak a,  
min chhui sak turin ka duh a ni.

Tin, khami bakah khan kan sawi leh  
duh chu hmannah khan ka sawi a, kan Minister khan a rawn react  
bawk tak nain min rawn react pui tehchian lo deuh a, ka beisei angin.  
Lunglei Civil Hospital sawi chhim lamah chuan Hospital tling awm ve  
chhun ti mai ila a ni a, kan neih chhun ani a, Tahsawn Doctor hi  
nichinah pawh Child Specialist chungchang thu ka zawhnate kha  
hmannah pawh khan a rawn sawi tawh a, zawhna hi a lut tawh a,

zawh nawn ang chu ani chiahlo ang a, engemaw, a wind-up naah khan min hrilh tawh anih kha. Tichuan, kan lawm em em a khatianga Child Specialist min han pek te kha. Tin, sawtiah sawn Specialist hrang hrang hi dah ve thluah an ni tawh a. Saw lai saw, Aizawl atang chuan KM 200 chuang ani a, chhim lam zawng zawng saw, Lawngtlai Hospitalah te, Hnahthialah te, Saihaah te, Tlabungah te, Chawngteah te khatianga anga an fail tawh hnuah Buarpuiah te an fail tawh hnuah Mini Referral Hospital ang deuh hleka an neih ve ani a. Doctor te an awm kim ang reng ve hle tawh a. Pathologist tihte chutiangan Gaenynecologist tihte leh a hrang hrang i ti mai ang. Amaherawhchu, an tlakchham saw Investigating Materials kan ti mai ang a, Machinery chi hrang hrang te, tin, Diagnostic equipment tih ang hote an tlakchhan ani ta a. Hei lamah an rawn refer pheh ve nasa em em a. Aizawl chu Mizorama Civil Hospital kan neih thatna ber a ni a, rawn refer loh theih ani lova, mahse, saw saw Doctor dah belh tamlo pawhin equipment lamah hian uluk zawkin thuam ta ila, a hmunah sawn thil tam tak investigate thei ta sela, tichuan prompt action engkim an la thei ve ang a, Aizawl Civil Hospital dawttu, chhimlama mirethei te thien ve phak tawkah hian siam chhoh ni thei sela a thain ka ring a. Chu chu kan sorkarte hian chutianga zawngte chuan hma min lak sak thei ang em? Sawtilaiah sawn khawh hrang hrang tam zawk Doctor tena tha zawka mi natna an chhui chhuah theihna tur leh treatment an pek theihna turte an pe thei ang em? A building nise an sa tha viau tawh si a, tiin zawhna kan siam bawh ani e. Pu Speaker, ka lawm e.

**SPEAKER**

Pu R. Lalzirliana.

**PU R. LALZIRLIANA**

Pu Speaker, hei helaiah hian mahni bial chungchang ringawt han sawi hi a hrehawm khawpin ka hria a. Ram rorel-

tu tur tena mahni bial han tih fo hi a inthlahrun awm a, amaherawhchu, tih loh theihloh na lai hi a awm ve thin a. Tahchuan kan ti ve leh tho ang a. Saitual bialtu Central atanga lo kal ten Department hrang hrangah hetiang ang tho hian hmundang kilkhawrah pawh hna kan thawk a ni a, an ti a, an hruaina thinte a ni a. Thil endiktu lo kal te, chutiangan chuan Department hrang hrang ten hna nasa takin min thawh

sak a lawmawm ka ti khawp a. Chutih rual chuan kan Hospital hi hmanah khan kan Home Minister zahawm takin min han hawn sak tawh a. PHC atangin CHC ah kan kai chho va. Tichuan a pangngai remg kha kan la ni chho ta mai a. Tunah hian Doctor Specialist te hi a engemaw ber tal hi khawngaihin min dah sak thei lawm ni? Damio khi, khilai vela tam theih dan chu sawi a ngai lova, kan hria a.

Pahnihnaah chuan, hri in kai awl deuh te tan hian kan in awm pawlh nuaih mai a. A building in a daih tawh lova, a ram erawh chu kan ngah mai a, tahkhan Insolation Ward emaw, chutiang anih loh pawhin tuna CHC Office khi Isolation Ward a dah a, CHC Office tur dang tal min sak sak thei lawm ni tih ka zawt leh ani e. Ka lawm e.

**PU R. TLANGHMINGTHANGA :  
MINISTER**

Pu Speaker, ka beisei fo thin, mahse member ten min vei pui lo viau em ni ti a ka lo vui rilruk deuh thaw tawh in bial chhung a Damdawi in hi in sawi lo em mai ka ti a, mahse vanneihthlak takin vawin min rawn vei pui a, mi 2 in lo lang kha ropui ka ti.

Lunglei Hospital in vei zia te lo lang kha ropui ka ti a. Saitual Hospital pawh in vei zia te, a dang reng reng pawh han sawi sen loh kha a awm a. Tuna zawhna lo kalah khan Lunglei Civil Hospital a Child Specialist awm lo kha dah vat kan tum a, a bialtu a awm lo a, Saiha ami kha kan la thla a. Saiha lam khan kan indaih lo e an ti a, an release phal lo a. CEM te, Medical lama kan hotu ten kan release thei lo tiin an lo tang ye a. chutih lai chuan midang kan han dah tur te kan han dap chuk chuk lai khan vanneih thlak takin Saiha a Dr. Doris-i khan a rawn zawm ta a, an vui viau ang tih pawh kan ring a. Hei min chhuah chhal nghal turin bialtu awm lo hlauh chance han la ila, kha kha Saiha a mi kan lak thlak kha in ngaihdan engatinge in ti mai thei a. Lunglei saw Child Specialist post bik atan naupang ward a hranin a awm ani. Hospital dangah chuan naupang ward hran a la awm lo bawk a. Kan Doctor dang la kep angin, a ward hranpa awm lo chu kan ti a, priority kan pe a, Lungleiah kan dah thla ta ani a.

Chutih rual chuan Saiha a bye ani, tunah Doctor an awm tawh lo ani tih pawh kan hria a. Mipui pawhin

engatinge tiin ngaihdan pawh an siam a, an vui vai deuh a, a awm hle a, chutih lai chuan Specialist hi dah dan kan zawng mek tho ani tih kha Saiha pawh kan sawi kep a. Khatia Lunglei damdawi ina khatiang ang thil lo awm kha paw ka ti tak meuh a, an bialtu pawh ka share pui a. Pachan chang taka ihil a rawn report kha lawmawm ka ti a. A report-naah. Kha thil thleng crawh kha chu ka la experience ngai loh ani a, kha laiah khan engemaw Doctor indaih lohna avang tih kha a chiang a. Kan Doctor pakhat chauh an nin hian an ward pakhat chauh enkawl tur hian 24 hrs. mi pakhatin englaipawhin duhtusamin a enkawl thei lo ani tih lai kha han kal chhuah zawk leh engemaw tul zual khawsakna atan leh chhungkua problem leh thil tam tak lo awm thei anih laia kan hrethiam em em in khatiang thil lo thlong kha Doctor concern tan pawh mualpho na tawp engin lo lang mahse, lehlamah an harsatna leh problem han sawi se anih tak hi mawle ti a kan sawi tur tho anih ka ring a.

Engpawhnise, in thlahdah vak hrim hrim a thil anih tur ang ni lo hi sorkarin a ngai thiam lova, chulai thil chu member in a rawn sawi takah chuan lo en chhoh a, thil awmdan hriat chian kan lo tum dawn ani tih kha ka sawi duh a. Hnathawk tute hian mahni tana hnathawk emaw th chang a awm thin a, ka kal chhuahnaah pawh Lunglei leh a hla lam ka thlen lai pawhin ka sawi fo thin chu vawinah Doctor te hian Nu leh Pa leh chhunte, unau te tana rawih in ni lo, mipui a ruaitu in a rawihna chhan chiu midang tan ani e tih kan sawi uar viau a. Transfer chungchangah pawh chu chu kan sawi fo thin ani.

Helai hi improvement tur tam tak awm in kan hria a. Hospital chungchanga building tih te. Saitual bialtu in a rawn sawi te a hmunaah keipawhin ka hmu a. Doctor pawhin Office mumal leh a hranpa awm levin an ti bawrh bawrh a ni tih ka hria a. CHC ah chuan Doctor awmdan tur bithliah vek ani a. Chungah chuan hmun li a thena hmun khat pawh hi kan thleng zo lo ani a. Chutihlai chuan Doctor awm miah lohna khua, Hospital nise hmun 20 chuang kan la nei ani bawk si a. Mi 21 training mek an awm a, chung pawh chu kum 1 ah 7 ang lo kal let te an ni a. Chungte chu kan han in hnemna a ni lo thei lova, engpawhnise, Specialist awm hi rei vak loah chuan Hospital kan neih tlangpuiah hian a nihdan tur nithei lo mah ila, a chanve tal thien chhoh kan nghakhlel mang e. Hmun thuma then a hmunkhat pawh kan luah thei si lova tih te kan ngaihtuah laiin Specialist lo chhuak tur hi kan nei nual a, chungah chuan beiseina kan nei a. A detail in sawi thei lo mah ila, Isolation

Ward pawh hi Hospital enkawltuten an siam hrim hrimah hian a awm tur ani a. Chung chu kan sorkar in a a hriat reng mahse tunah han tih mai theihna kan nei silova, Central Sorkarah heng kan mamawh te hi kan thlen mek ani, cheng vaibelchhe sawmnga Project kan siam a, chungah chuan a bik takin Aizawl leh Urban nilovin thingtlang atan Hospital te leh ek in pawh nei tha mang lo te, damlo leh Doctor te an intawm nawk nawk a chutiang dinhmunah chuan kan ding ani a. Chuvang chuan helai hi chu a vei awm khawp ani tih lai kha kan chhan theih tawk nise, theihtawp kan chhuah ani tih kha min lo hriatpui ka duh ani.

**SPEAKER**

Zawhna kha a kual tha bawka, a chhanna pawh a kual tha hle mai. Starred Question 185-na zawt turin Pu

Sailothanga Sailo ilo sawm ang.

**PU SAILOTHANGA SAILO**

Pu Speaker, Labour & Employment Minister chhan atan, Mizoramah lehkhathiam hna hmu lo Matric chin chunglam

mi engzat nge awm? tih ka zawt e.

**PU Z. H. ROPUIA MINISTER**

Pu Speaker, Kawnpui bialtu zawhna chhanna chu. Employment Exchange a Matric chin hna neilo in registered zat

chu, 15284 ani.

**PU SAILOTHANGA SAILO**

Pu Speaker, Employment Exchange a in register chauh anih hmel a, an chhanna kha, in register lo pawh tam tak

awm turah ngai ila, ka zawh belh duh chu, 2005-2006 tun kum thar lo awm turah hian Mizoram sorkarin heng lekhathiam hna hmu lo tan hian hna a remchan dan angin siam sak a tum em ? lo tum ni ta se mi engzat tan nge a siam sak ang tih kan zawh belh duh a, a chhan chu State hrang hrang te kan hmu a, a thenah chuan target siamin, 2005-2006, 2006-2007 ah lekhathiam hna hmu lo te tan chuti zat target siam in state sorkarin an siam thin a, chumi zulzui chuanin he sorkar hianin eng rilru nge a neih tih kha kan zawt belh leh duh ani.

**PU LALDUHOMA**

: Pu Speaker, zawhna chhanna dang a lo lan kha chuan Employment Exchange a in register hrim hrim hi singthum chuang zet kha ani a, engpawh chu nisela kan problem hian tak anih chu a Chiang mai a, hemi ti reh tur hian United Nations hmuaia Youth Summit Campaign an tih te hi eng angin nge kan sorkar hian hman tangkai a tum chutiang ang chi emaw a dangte pawh ramdang a kan thalai ten hna an hmuh theih dan kawng hi eng angin nge ruahmanna a awm, sorkar thenkhatah chuan licence officer te pawh dah in heng kan thalaite buaipui dan hi a ngaihtuah theih lawm ni tih leh heng Baffacos kan tihah te leh Mau atanga thil siamna kawngah te leh thildangah recovers kan neih sate belh chhan hian kan thalaite hi privatisation a ei an zawna kawng tur mumal deuh hi zawn sak a tha hle ani. Hemi kawng zawng hian sorkarin eng ngaihtuahna nge a hman tih ka zawt ani.

**PU Z. H. ROPUIA  
MINISTER**

: Pu Speaker, zawhna neitu zawhna kha, lekhathiam hna hmu lo tan hian, hmanni a kan Chief Minister in a sawi kha kan hriat theuh ka ring a, kan rilruah hian sorkar hna tihna ang hian a kawk deuh hlek thin a, kan thalaite rilruah pawh hian, Non-plan a pawisa kan hmuh belh te nen a theih ang ang a Department hrang hrangin a loh theih loh tul ang te chu lekhathiam hna hmu lo tanah te hna ruak hnawh khah hi sorkarin a tum chho ani kha kha ka chhanna nise. A zat kha chu chuti maia sawi theih ani lova, a theih dan a zir nise. Tin, hna siamtu kan ni lo tih kha ka chhanna nise.



Tin, Ratu bialtu zawhna kha ramdangah kan thalaite thawh dan tur kawng hi sorkarin dap dan kawng a ngaihtuah em tih a kha, hetiang anga ramdanga hnathawhna zawng hi an awm a, mahse, ramdang a kal hi tih mai mai ani lova, sorkar pawhin an ngaihtuah pui dawn a, amahni pawhin zir ve a ngai a, chung tur chuan sorkar pawhin pawisa te a han dah chhin a, amaherawhchu, kan official te nen an sawi hovin ramdanga luh a harsat em avangin Burma refugee anga luh dan kawngte pawh kan dap tho ang te an han ti a, kan thalai te'n tlem harsatna an tawh ani ang tih kan ring deuh a. Burma refugee han chawm ngawt thu a awm bawh silova, chuvangin Planning hovin ngawi tih rawh u, kan la inpeih lo deuh ani awm e an ti a, awmze ne deuh hleka kalpui angai anih hi ti a, chu chu an thlir nawn mek a, tin, tunah hian Labour & Employment atangin Embassy hrang hrang atang te a, employment han nei thei awm chi kha lo dap turin kan Resident Commissioner te hriattirin Commissioner hova bawhzui mek ani tih kha ka chhanna pakhat chu ani a, a pahnihna BAFFACOS ah te hian tih kha, kha kha a lawmawm khawp mai a, hengte hi Self-Employment Scheme te hi engtinge kan tih ang tiin State Level Committee kan han din a, amaherawhchu, kan Committee din hi Ministry kan chelh ve hma ani a, ka beisci aiin ala zim deuh a, heta sawi ang hian heng ang Department hrang hrang te funkhawm deuh hian Self-employment Scheme te ngaihtuahpui tur Committee zau zawk a din State Level leh District Level-ah ngaihtuahna hman mek ani, tih kha chhanna ani a, ka lawm e.

**SPEAKER**

An la duh khawp lo deuh ani ang, Pu Liansailova.

**PU H. LIANSILOVA**

Pu Speaker, a in relate tho in ka hria a. Hei hna ruak hi engemaw tlem a zawng lak chu a awmin ka hria a. Hetah

hianin Employment Exchange lam atang hian Labour & Employment lam atang hianin Compulsory Notification of Vacancies Rules, 1959 kha eng angin nge a Department hian a bawhzui a, a hman, tin, Dan bawhchhia te lo awm ta selangin a Dan ang taka umzui ani ang em? tih kan zawt duh ani e.

**PU SAILOTHANGA SAILO**

Pu Speaker, ka zawh tur tak  
kha ka hma ami in a rawn  
sawi a, kan zawh leh duh chu  
Sorkar ve lem chuan target a

nei tur ani khawp mai a, a dik tak in B.A/M.A kan pass in kan tum  
chu sorkar hna ka thawk ve ang tih hi kan society ah chuan a lian em  
em a, han hnial thu pawh a cheng lova, sorkar ve lem chuan a tih theih  
a tlem emaw a tam emaw target a nei tur ani a. Harsat ang angin a  
tlem anih chuan a tlem ang a, a awlsam deuh chuan a tam mai tur a  
ni a. Chu avang tak chuanin kan thalai lehkhathiam chinchang hrela  
tam tak pawh an awm thei a, an thiamna zawnah chuan an thiam viau  
thei a, chuvangin engemaw an hna zawnsak turin Public Sector-ah  
emaw Private Sector-ah te emaw tal hian he sorkar hian kawng  
kawhhmuh dan hi a zawng thei em, aio zawng tawh anih pawhin tun  
aia nasa deuh zawk hianin han zawn zel dan ala awm lawm ni tih kha  
kan zawt duhin kan hre duh ani e.

**SPEAKER**

Chhang turin Minister i lo  
sawm ang.

**PU Z. H. ROPUIA  
MINISTER**

Pu Speaker, nichina Aizawi  
N-II bialtu zahawm tak ina  
a zawhna kha hmanni a ka  
sawi kha a hre tawhlo anih ka

ring deuh a. Hemi Employment a hmaruak Notification kha kan  
Notification Rules ang khan engatinge in tihloh tih kha, kan han  
bawhzui khan Direct a recruitment lo ti ho te keimahni State thuneihna  
piahlam thil te ani a, a chhan chu kan hriat angin Labour & Employment  
hi State list anih loh avangin helaiah hian Dan leh dun thleng pawha  
han en khan tihtheihna chin thui tak an lo neih aavangin tlemin  
harsatna kan nei chho ani tih kha a chhanna pakhatna mise. Tin, Pu  
Speaker, a hriat loh a zawt a, a hriat thar turin kan hrih anih chu.

**PU H. LIANSILOVA** : Pu Speaker, a bawhchhetu Department kha Rs. 2500 thleng chawi theihna pawh kha a awmin ka hria a. Implement loh hrim hrim anih vang ani mai lo maw?

**PU Z. H. ROPUIA MINISTER** : Pu Speaker, State list anih loh dan chu kan Officer Retired tawh a nia, a hriat ka ring a, kan tih theihloh chin thil awm te a awm thin ani tih kha kan hriat ka duh a ni.

Tin, pahnihna, tum ram hi nei reng reng ila tih kha, keini te pawh kan lehkha zir lain B.A kan pass chuan sorkar hna kan thawk ang a, han tih kha a dik a, amaherawhchu, Pu Remsiana tih ang deuhin engkim khawl ti a sam mai hi a awl khawp mai a. Sorkar hna tihah eng ber nge Engineer nge a tum khatiang deuh khan tawng pawng zau deuh a zirlai pawh hian, kan zirlai pawh khan duhthu sam a awl thin a, chuvang chuan sorkar kan ohhang phawt ang e. Pu Speaker, min lo ngai thiam se, a duh leh a zawt leh mai dawn nia. A theih ang ang chu kan sorkarin tul ngawih ngawih hi chu hnawhkhah kan thalai lehkhathiam te tanah kan tum chho ani tih chu kan Chief Minister zahawm tak pawh khan a sawi tawh a. Tin, Employment chungchang Private sector ah te an luh theihna turin ITFT ah te leh hmun hrang hrangah Tourism atangte pawhin hma lak ani a. Amaherawhchu, hetiana training chhuah theih ngang loh han train hlei thei lo Degree nei te pawh hi kan awm ve thin a, heng hian harsatna min nei tir a, chulajah chuan mi 300 chuang heng tanah hian ruahmanna siam a niin training an nei a, tin, private sector khawih khawiah emaw hnawhluh anni a. Tin, chubakah DOEACC te nen tangrualin hemi call centre ho-ah hian Recruiting Agency te kovin hma kan la a,

**SPEAKER** : Starred Question 186-na zawt turin Pu Andrew Lalherliana i lo sawm ang.

**PU ANDREW LALHERLIANA** : Pu Speaker, ka lawm e.  
kan Minister Sports and  
Youth Services Department  
in-charge zahawm tak chhan

atan ka zawhna -

- (a) Khawzawl Mualvawm Field siam nan sorkarin sum engzatnge a sen tawh ?
- (b) Pavillion Dressing Room leh Toilet siam nan bik sum engzatnge ruahman leh hman tawh anih ?  
tih kha a chhan atan ka zawt e.

**PU Z. H. ROPUIA  
MINISTER**

Pu Speaker, Khawzawl bialtu  
zahawm tak zawhna chhanna

(a) Khawzawl Mualvawm  
Field siam nan Rs. 33,48,340/-  
senral a ni.

(b) Pavillion atan	-	Rs. 4,31,000/-
Dressing Room	-	Rs. 1,13,415/-
Toilet	-	Rs. 61,377/-
<b>TOTAL</b>	-	<b>Rs. 6,05,792/-</b>

Hengho hi ruahman a ni a. Tin, a hman tawh  
zat chu :-

Pavillion atan	-	Rs. 2,81,560/-
Dressing Room	-	Rs. 1,13,415/-
Toilet	-	Rs. 61,377/-
<b>TOTAL</b>	-	<b>Rs. 4,56,352/-</b>

**PU ANDREW LALHERLIANA** :

Pu Speaker, hei a chhanna kha  
kan hmu a. A Field khi chu  
tikhian zawh khat deuh ang  
khian a lang a. A bik takin

Pavillion, Dressing Room leh Toilet siamna bik khi hei a pawisa hman  
a tam hle a. Mahse, Pavillion khi a ban pawh an la phun kim to a ni.

Mahse, nuai li chuang hman a ni a. A dang Dressing Room te phei khi chu sawi tlak ani lova. Han en khian a Chiang mai a, khi khi investigate a ngai a ni. A pawisa hmandan khi chhui a ngai a ni. Chu chu kan Minister khian khawngaih takin a chhui thei em? chhuitu a ruat thei em? Tin, a zawhna turin khawngaih takin sum hi a sanction belh thei lawm ni? Tih kha ka han zawt nghal a ni.

**S P E A K E R**

: Aw le, a dang chu i la tawh lo mai ang u, kan zo tawh a, hei heta tang chuan a ngil khawp a, kan zo chiah chian a ni. Mahse, hun ka belh hret dawn a, han chhang law iaw sela. A vai khan a thain ka ring a. A tha kan ti mai em - Awle, a chhang turin Minister i sawm leh ang.

**P U Z. H. R O P U I A  
M I N I S T E R**

: Pu Speaker, heng avangte hian enfel mek anih avangte hian Council thunawi a tam phah reng a ni. Chuvangin A.C.B Case-ah hengte pawh hi enfel mek a ni. Tih kha ka chhanna ni mai teh se. Hemi hi thil awmdan chiangkuang taka pawisa fel tawh lo te, en anih chuan kan State Share atang lo chuan hei hi a tih theih tawh lo ang a. Central pawisa hi kan nei tawh lova. State Share atanga ngaihtuah belh dan kawng a dinhmun enfel hnuah ngaihtuah a ni ang.

**S P E A K E R**

: Awle, zawhna leh chhanna wawinah hian kan lo hmang zo leh ta a. Vawiin hian Distinguish visitor kan nei a. Pu Vanlalzawma Lok Sabha M.P zahawm tak kan Proceeding te ngaithlain a lo tel ve a ni. Kan Member zahawm tak tak te Pu Sainghaka leh Pu K. Lianzuala dam lohna avangin an lo kal thei lova. Tin, tulna dang avangin Pu P.P. Thawlia leh Pu S. Hiato te kan zingah an lo tel thei lova a ni. List of Business ah kan kal ang a. Member zahawm tak Pu Zodintluanga, Starred Question No. 146-na ni 29.3.2005 a chhuak tih dikna rawn lay turin Pu Tawnluia, Minister zahawm tak i lo sawm ang.

**PU TAWNLUIA  
MINISTER**

Question No. 146 put by the Hon'ble Member Pu Zodinluanga on 29.3.2005 thank you.

Pu Speaker, with your kind permission sir, I laying on the Table of the House a copy of correction to answer to Starred

**S P E A K E R**

A copy kha member te hnen-ah han sem ni sela.

**PU TAWNLUIA  
MINISTER**

kha 23.11.2004 tih tur a lo ni a,khalaite

Pu Speaker, typing mistake a an lo tihsual palh hlauh a ni tih kha ka han saw duh a. A ni a inang a, ni 23.10.2004 tih kha ka han sawifiah duh ani e.

**S P E A K E R**

ka adjourned tak kha kan ngaihtuah dawn ang a.Chumi hmian ka ngaihtuahna kalvel a relevant thovin ka ring a, Member zalawin tak ka in tih thin angin a relevant thovin ka ring a, ka ngaihtuahna kal vel pakhat ngaihtuahna a in lo dah ve a ka duh ka sawi zawk ang a. Hei Demand for Grants kan sawi te hi chuan mahni bial chungchang te sawi a lo rem ta a. Mitinin a chance kan neih hi a tha viau a. Bill

...950/-

kan sawi hi chuan Legislature Party in a Member kan neih dan a zir hian hun te hi in sem ta ila, hun kan duh thawh ang reng a. A sawitu tur kha kan duh leh pakhat kan ruat ang a, tam deuh pawn. Darkar khat dawn te pawh sawi thin ta sela. Tikhan uluk deuh a rawn study a kha mipui leh House tan pawh hian a bengvar thlak awm mang e aw tih kha ka ngaihtuahnaah hian a awm reng thin a. Khatiang a Legislature Party tam dan a zir khan hun insem ni ta sela. Chiang manglo a minute sawm vel han sawi puat puat ai hian kan duh ang em? a tha zawk ang em tih hi ka ngaihtuahnaah a awm thin a, chu chu kan sawi chhuak ve mai mai a ni.

Tin, kan discussion-ah hian Chair lam Address lova Member leh Member in Address lamah hian kan kal lek lek ta a. Kan Minister ten an wind up lai te pawh hian. Khalaiia kha chu Chair lamah khan in rawn in tih kual tur a ni tih kha kan rilruah hian hre thar leh ila a tha awm e.

Aw The Mizoram Passengers and Goods (Taxation) Bill, 2005 hi House ngaihtuah tura rawn move turin Minister zahawm tak Pu Lalrinchhana lo sawm ila. Hei hi hmannah introduce tawh a ni a. Tunah move turin ilo sawm ang u.

**PU LALRINCHHANA** : Pu Speaker, ka Bill The Mizoram Passengers and Goods (Taxation) Bill, 2005 vawiinni-ah move he House leh nanging min rem tihsak avangin ka lawm a. Tichuan he Bill rawn awmdan phungah hian Mizoram sorkar chuan Notification No. A.46011/1/98-GAD (pt) dt. 25.3.2005 ah khan Taxation Department in Passengers and Goods Tax subject an lo kenkawh thin kha Transport Department-ah Transfer tur a ni tih order a lo chhuah ta a. He thil an tihna chhan hi Passengers and Goods Tax hian tax lakna tur a huam chu Motor leh lawng atanga Passenger leh bungrua phurina tax lak tur a ni a. Heng thil hi Transport Department in a an buaipui ve thil a ni a. Motor leh lawng hi. Chu chu anih avangin he subject hi Transport Subject anih avangin a tax lak pawh hi Transport Department in kengkawh selangin a fel thei zawk ang a, tluang zawkin thil a kal thei ang a tihna avangin Mizoram sorkar chuan hetiang hian Transport kuta awm turin a

rawn buatsaih ta a ni. Chuti anih chuan hemi tax lakna tur Passanger and Goods Tax Act Taxation Department in a lo neih 1988 a alo neih leh a rules The Mizoram Passangers and Goods (Taxation) Rules, 1989 hemi hi siam that a lo ngai ta a. He dan hi Taxation Department dan a ni a. Chu chu Transport hian a hmang ngawt thei silova. He dan hi Transport dan a thlak thleng a lo ngai ta a. Chu chu anih avangin tuna kan Bill rawn put luh The Mizoram Passangers and Goods (Taxation) Bill, 2005 hi kan rawn pulut ta a ni.

Tichuan hemi rual hian a hna hi Transport Department in a ken nghai tur anih avangin a rules a pawh Act tur Bill kan rawn putluh rual hian buatsaih nghal a ni a. Tunah hian a rules pawh a buatsaihna lamah chuan buatsaih fel ti tih a ni ve tawh tho a ni. Tichuan he thil kan han kalpuinaah hian he dan in a bungrua leh passanger te hnena a chhiah lak dan a buatsaih hrang hrang ngun takin kan thlir a. Mipui atangin Taxation Department in a an lo kalpuina kha complaint a awm lem iova. A Department kengkawh tute pawn a dik lohna awm engmah sawi an nei iova (amend a ngaihna lai awm). Tin, Transport Department pawh hian ngun taka an thlirin he dan hi a chhunga section hrang hrang leh thil tih dan tura hi tih danglam ngai awmin a hre iova. Amaherawhchu, Taxation Department dan kha Transport dan a siam a ngaih avangin chumi siam ngai lai chiah chu a thlak thleng ta a. Tichuan kha dan a rawn langah khanin section 2(a) a Board tih kha Mizoram Board of Revenue tih kha tun Transport in a han kenah hi chuan telh ngai lovah an ngai a. Chuvang chuan an delete a.

Tin, Section 2(d) a Commissioner tih kha Taxation-ah chuan Commissioner kha an Department head a ni a. Transport-ah chuan Department head kha Director tih anih avangin Director ti a thlak a ni a. Tin, Section 2 (h)-na a Quoted Act kha quote sual leh siam that ngai a awm a. Chuvang chuan hetiang MV Act 1939 Act 4 of 1939 Act tharin a thlak tawh avangin MV Act 1988 Act 59 of 1980 ti a thlak a ni. Tin, chulovah chuan Taxation Department in Passanger and Good Tax Act an siamah hian section 30 a awm a. Tichuan Transport Department in he a dan hi Transport dana luahlan tir a lo tul tak avangin he danah hian section 1 siam belh a ni a. Chu section siam belh chu Repeal and saving tih kha a ni. Chumi bak chu a chhung thuah hian thlak a awmlo khawp mai a. Tin, helaia a chhung thu a lang pakhat thlak danglam leh chu Appeal to the Board



of Revenue tih kha tihdanglam a ni a. Chumi tih danglamnaah chuan secretary hnenah tihturin thlak danglam a ni a. Appeal to the Secretary tiin thlak danglam ani bawk a ni. Chutiang chuan Board tih aiah Secretary in helai section-ah hian thlak a ni a. Chutiang bawkin The Commissioner ti a ziah awmna apiang kha Director tiin thlak a ni ta a ni. Chutiang chuan he Bill hi Transport Bill in kan rawn buatsaih a. Tichuan he Bill hi kan lo pass thei a nih chuan Taxation Department Act Mizoram Passengers and Goods (Taxation) Act kha The Mizoram Passengers and Goods (Taxation) Act 2005 tiin Transport danah siamin a lo awm dawn ta a ni. Chu chu tuna kan Bill rawn put luh hi a ni a. Chuvang chuan a chhung thu han tih danglam a awm vak lova a hming kan han thlak a. A Department neitu tih danglam a nih avanga Department tharin a an ken theihna tura siam remna mai a ni a. Chuvang chuan he Dan hi harsa lo tea he House hian mi a pass sak mai ka beisei a, chu chu ka sawi theih tawk a ni e. Ka lawm e.

**S P E A K E R**

Minister zahawm takin a Bill chungchang a rawn sawifiah ta a. Kan sawi ho ang a, hun a hek loh nan clause by clause a sawiho lo khan kan tihdan thin angin a pumpui khan sawiho leh mai ila a tha maiin ka ring a. Tin, kan tihdan thin angin Member te minute 10 theuh kha hun in pe leh ila a tha kan ti mai em? Tunge han sawi tan ang. Pu Andrew Lalherliana.

**P U A N D R E W L A L H E R L I A N A**

Pu Speaker, ka n ding hluai na a, nidang anga khatiang hun pawh hman a ngai lova, hmanlai a ni a, zawhfiah tur hote ka nei chauh a. A chhan chu kan hmanlai hi Motor nei chuan kan pe a kumtin. Chuvang chuan a danglam lo turah ka ngai a, a rate a rawn sawi pawh hi sawi ngailo a ni. A Financial Memorandum-ah hian. Amaherawhchu, Transport Department in an khawn takah hian a hma a thlahnih chhunga nuai 250 a hmuh atang khan nuai 268 ve hmu

turah an inggai ta a. Khataah khanin nuai 17.1 vel khan hmuhbelh tura beisei vang khan niawm tak a ni a sawi. Khami kha clarify deuh mai mai kha engtinngge tipung mang si lova a thatna tur kha nakina a wind up a a sawi leh a sawi ang a, chumi tih lovah chuan Pu Speaker, kan ding hluai na anga hei hi chu ngaihtuah ngai lovah kan hmanlai a nih avangin chu chu ka sawi mai a ni e.

**PU LALDUHOMA**

Pu Speaker, kei pawh tawite han hriatfiah duh nei mai ka ni a. He dan hi tunhma a Taxation Department in an kenkawh kha Transport Department in an kengkawh ve thung dawn ta a, chumi atan chuan dan siam rem a ngai a ni mai a. Khalai siamrem ngai, Technical thil kha a nul angin an rawn buatsaih tha tawkah ka ngai mai a. Sawi pawh tul ka ti law. Amaherawhchu, objects and reasons leh financial memorandum atang hian 1999 atangin he dan hnuaiah hian Taxation Department hian chhiah a lo la tawh tih a lang a. 1999-2000 atang khan 2003-2004 thleng, kum li chhung a nih chu, chumi chhung chuanin nuai 250 vel an khawn chhuak a tarlan a ni a. Transport Department in a lak chuan kumkhat chhung nuai 134 khawwn chhuak thei tur angin a rawn in ziak a. Hei hi min hriatfiah se ka duh mai a ni Engatinge Taxation Department ina aan chan laia an khawn tlem em em a. Transport in a chan dawn avanga Revenue chu a lo pun hluai dan tur hi, an khawn tha bik dawn deuh ta em ni? Tichuan hemi tellova Transport Department in Revenue an chhun luh thin leh hemi tel nena han belh phei hi chuan kum tin nuai 606 rawn chhunluh theih an inhuam ta ani a, a lawmawm viau a. Amaherawhchu hemiah hian a Staff mamawh belh chungchang te sawi a awm miah lova, Staff awmsa in a kengkawwh zo tawk turah ngai ila, a lawmawm hiei hiei a. Tin, Taxation Department hi an zangkhai leh sawt dawn tihna a nia. Nimin lamah khan post 110 kha pek belh tur a ni tih kha a ni a. Kawng leh lamah chuan Taxation Department hi an zangkhai sawt dawn a ni a. Computerise a ni dawn bawh leh nghal a. Manpower mamawh tlem sawt tur ni awm tak an nih laiin kan pek belh dawn tihna a ni maw? Hna hmulo tam tak kan neih laia hna thar siam a ni hi chu tupawhin lawmawm kan ti alawm. Amaherawhchu, a mamawh zual zawk an awm ve a. Chulai chu min han hriatfiah se ka ti mai a ni. Tichuan, a bak hi chu ka ngaihdanah chuan han chai tehchiam pawh ngai lovin kan pass thei mai turaah ka'n dah deuh va.

PU LALHMINGTHANGA

Pu Speaker, sawi tur vak  
pawh ka nei chuang lova,  
kan Minister zahawm takin

a sawi khan a fiah viau a, a  
Department kha Taxation atangin Transport-ah a in transfer dawn a ni  
mai a, thu neihna hi. Amaherawhchu, hetilai Financial Memorandum  
tihah hian in Rough Estimate for Collection of Passengers and Goods  
Tax an ti ta a, Sl.No. type of Vehicles an tia Numbers of Vehicles, Rate  
per annum tih te, Tota Amount tihte hi a awm a. Han hriatfiah kan  
duh deuh chu Type of Vehicles han tih hian Taxi, Jeep, Jonga tih te  
an la awm a, Jonga pheih chu hei a number a tlem tawh viau a, Gypsy,  
Wonton, tih te, tin, LCV tih hi Sumo leh Savary tihte hengho hi em ni  
ber ta! 371 awm tih lai hi min hrilh Chiang ta selangin, a dang ho  
Jonga, Jeep tih ang ho Gypsy tih te hi a hming hian a dah si a,  
chuvang chuan LCV khan eng chin hi nge a huam tih kan hro duh a.

Tin, hei Taxi chungchang  
thuah hianin 3448 hi kan number of Population nona han khaikhin  
chuan a tam lam hi a ni tawh a, mahsengin permit hi pek chhoh zel ni  
mai hian a lang a, hei hi employment generate tu ve pakhat a ni a,  
chuvang chuan miin onvestment siam a motor te an lei tawh chuan a  
number kan tih tam lutuk hian a tu a tan mah hlawk lovin a siam thei  
a, a tam tak hi chuan loan la ten Taxi an run a, kha kha an  
repayment chungchang thuah te number a lo tam lutuk chuanin harsatna  
a lo awm thei a, chuvang chuanin hemi number hi a pung chak em em  
in a lang a, tin, a stand pawh kan nei tha tawh si lova. engtiang angin  
nge tilaiah te hianin sorkar hian ngaihlan a siam ang! Tunah 3448 hi a  
tawh thaw khat viau lawm ni? a theih pheih chuan heng ai hian tlem  
mah selangin ti khan eizawna atana hmang tute tan thil a lo  
zangkhai ang a. Chutiang deuh hlek chuan hemi a chi hrang hrang  
entirnan HMV goods tih te, hemi motor vehicle goods ah hian 2449  
kan nei a. Ram dang atanga rawn lut hemi Composite Permit te leh  
National Permit te nen hi chuanin heng pawh hi a tam fu mai a, heng  
lai hi a rationalised chi a ni em? ni loven tih te kan zawt duh a. A  
Tax lam pangah chuan thahnem ngaih chu a ngai hle nachungin. Tin,  
Auto Rickshaw hi 1252 kan nei a, heta a lan danah hian heiai hi zau  
zawh deuh hlek a khawlian deuh in ti mai teh ang Group Centre tih  
anga kan sawi thinah te hianin permit te pek belh theih a nih hian  
engemaw mi rethei in a Emergency ah te pawh han human theih tur a  
man te a tlawm a, tin, Employment a generate a, tin, a leitu tur tan

pawh a Capital Cost a kha a sang vak lova, chunglaite chu kan zawh duh lai a ni a. Pu Speaker, thil dangah phei chuanin chuti takin engmah lo hman tawh leh lo kalpui tawh Department pakhat in a a tih a danga kal leh mai tur kha a nia.

A tawp bera kan sawi duh chu heng hi chu thil awmsa a nih rual hian hemi Tax kan han lak ho reng reng a hi kan sawi ang hian khua leh tui tena kan luhur a ni ngawih ngawih mai a. Kawng hrang hranga hetiang a sorkarin a sum a lo hmuh theihna tur leh khua leh tui a sorkara kan va pek tuhna tur hi. A hman chhuah lehna lamah hian kan sorkar hi perticent, altitudes leh a kal hmang hi tunah hi chuan kal san deuh hlek tawh selangin thain a rin awm a. A chhan chu heng Tax chi hrang hrang hian in party zawngin a awl theih chuang lova, tu pawn kan chawi ta vek a, khami in a ti tur a, a zuk tihah kha chuan motor neitu pawh a thliar theih lova, pek vek a ni a, ram ta a ni a, hnam ta a ni a, he pawisa chauh ni lo pawh hi Tax chi hrang hrang chhiah chi hrang hrang. Tin, Tax kan han tih ni chiah lem lo Revenue chi hrang hrang tam tak tunah chuanin Mizoramah hian a lut ve tawh a. India ram mi ten an chawi thin kan chawi loh awm chhun chu Income Tax a ni tawh mai a, a dang phei hi chu ramdang aini kan chawi tam zawk tawh mah mah em aw! Tih tur a nia. Hetih lai hian sorkarin a tih tur bul pui ber chu khua leh tui te reng reng kha motor tax chungchang thua a ni emaw, thil dang reng rengah hetiang ang chawi tur a neih a kha pe thei tura individual family chhungkua an economic dinhmun chawi kana pawimawh a. Tin, pawisa a hman chhuah lehnaah pawh mi zawng zawng huap a, welfare state a nihna anga Party line ni lova, contract te hi sem a beneficiaries te hi thlan a chutianga anga development hna te pawh hi a execution-ah pawh, a beneficiaries a kha sem rual ngai a ni a. Helalah hian Tax kan lak tam rual hian kan sorkar thilungah chu chu a duty a ni, khatah khan sanctity vawn a ngai a ni, Democracy Sanctity vawn a ngai a ni tih kan sorkar ten hre thei se a tha in ka hria a. Entirnan, han chhut ta ila, in tih hi zawt ta ila, sorkar lam atanga engmah an thuan pawh hmu miah lo, mahse, a pek lamah chuanin an thawh chhuah harsa tak, thlansa chunga an thawh chhuah leh kut kea an haichhuah, an sundawnnaahte pawh chutianga an haichhuah, sorkar leh ram leh hnam a changkanna tur leh sorkarin revenue a neih theihna tur atana chung lut hi an ta em em tih hi sorkar hian hria selangin, churang chuan a hman dan turah hian hleih neihna hi bo chho sela. Kristian ram kan nihna hi a inhmeh dawn a. A matter of principle leh a matter of policy angin kan sawi duh a. Tuna

kan sorkar kalhmang kan han experience ah hi chuanin helajah hian a fair tawk lo em em mai a. A huathawktu tur angahte leh sorkar atanga contractual benefit neih theih tur angahte engemaw guidelines te pawh nasa taka bawhchhia in mahse thuneihna hmanga thil tih hi a tam riau mai a. Chulai tak chu kan sorkarte hmenah hian kan chah nawn leh duh a. Kha kha rilru chhia nilovin hnam tan, in itsikna nilova Kristian ram kan ni a. Tin, Welfare State kan ni a. Tin, mizo chu kan State-ah mi tlemte nuai 10 pawh tling lo, inhmel hriat deuh vek mai, in unau tlang vek, thisen pawh la inzawm tlang kan ni a. Mathusela anga dam rei phe chu awm se chuanin a tu a fate kan la ni vek mai a ni. Kum 300 pawh kan history hi kan la chhiar thei lova. Ani kha chu kum 900 leh tih kha a dam daih a ni a. Chutiang ang khawpa compact society kan nih laia hleih neihna nasa lutuk favouritism nasa lutuk hi tax te kan khawn tam si hi chuan sorkarin bansana mi zawng zawng tana ang khata khua leh tuite ena pawisa a hman chhuah hi tulin ka hria a. Chutilai chu kan sawi lang duh nghal a ni e. Pu Speaker, ka lawm e.

#### PU SAILOTHANGA SAILO

Pu Speaker, tam sawi pawh ka tum lova. Helai a rate laite hi han zawh lawk ka duh a. Min rawn clarify sak theih chuan ka lawm khawp ang a. Motor, chi 18,20 ang a ni a. Helajah hianin JCB hi Rs. 2000/- an rawn ti a. Chutih laiin heavy vehicles te heti zat hi a lo ni a. JCB hi a tlawm lutuk lo maw kan ti deuh a. Achhan chu JCB bikah hian private in kan hman dawn hian a to nasa a. Hemi JCB bik han tih tam leh hi a va tha em kan ti deuh a, heng Road Roller te, Excavator te chu thudang nisela. JCB ber mai hi a thawk chhuak tam si a. A mante pawh a lo tam nge nge a. Hei ai hian han tih san leh hret theih dan a awm lawm ni tih kan sawi duh a. Tin, Pu Speaker, han tih takah chuan tawngkam hnih khat chauh. Hei 2004-05 chhung hianin nuai 472 lai khawn chhuak hi a ropui ka ti a. He Department chungah hian lawmthu han sawi hi chakawm hian ka hria a. Tun hmain Transport Department te he House-ah ngei pawh in sawi kan lo ngaithla thin a. Kan lo condemn dawn tawh, kan black list dawn tawh heti tak maia hma an sawn thar hi lawmthu kan sawi ve duh hrim hrim a. Tin, hemi tuna motor an list thlak anga an beisei dan chuan kum tin nuai 134 hi engti kawng zawng pawha hmuh hrim hrim

an in beisei hi a lawmawm riau a. Tin, tuna Land & Tax anga kan tih theih phei chua nuai 606 lai kan han beisei a ni a. Hemi kan beisei anga a hlawhtlin theihna tura pakhat tuna kan sawi JCB lai tak hi han tih san leh deuh theih em? tih lai kha ka va ngai pawimawh deuh em.

**PU R. LALZIRLIANA**

Pu Speaker, an han tih takah chuan ni e kha tuna a sawi kha a dik hlein ka hria a.

Tin, tractor te hi a thawh chhuahte hi engti tura kan hman deuh ber nge ni hetia Agriculture lam leilet tura kan hman deuh niin a lang a. Rs. 1300/- lai kan han ti a. Hengte pawh hi ennawn a nih rau rau chuan ennawn hi a tha riau hian ka ring a. Nia Land Development atana kan tih chauh tak tak hi a ni a. Helaia a rate an zu tehna hi eng hi nge ni ber? Motor len lam nge, a phurh chhuah tam lam nge, a tira a thar a horse power atangin nge engngeni kan han tehna ber hi kei ka hre lova. A rih lam zawng a nih chuan Road Roller te pawh hi a dik thei tho ang a. Amaherawhchu, excavator te pawh hi recovery kan rihto em ni ka hre chiah lova. Hengte hi chu a thawh chhuaha kan teh dawn a nih chuan a tam hrim hrim mai. Tin, JCB hi chu darkar khata Rs. 1500/- thawk chhuak thei a ni a. Heng HMV (Heavy Vehicle) te Rs. 2500/- kan han ti a. Bus te Town Bus te, bazar bus te, heng ai hian a let tam takin a thawk chhuak thei a. A neitu a zirin nge kan teh? Khalai kha a pek tur hi chian a tha khawp mai.

**SPEAKER**

Le, Member ten hriat chian duh eng eng emaw an nei a. Khangte han sawifiah pahin kan Minister khanin wind up

tur pawh a awm chiah lo'na a, wind up tho sela. Pass han dil nghal sela a tha ang e.

**PU SAIKAPTHIANGA**

Pu Speaker, hun a rawn hman hmam State dangin an lak ve zat hi motor hrang hrang ah hian min hrith tel thei em

le? Kan North East State ho?

**PU LALRINCHHANA  
MINISTER**

Pu Speaker, sawi kim loh ka neih chuan min zawt nawn mai ula, a thain ka ring a.

Pawisa beisei chungchang hi Taxation Department atanga Transport a kal a remchanna pakhat chu pawisa Tax pek chungchang hi an a. A dik tak chuan Taxation Department hian motor neitute nge Khang tak kha an hretlang tak tak thei lova. Tin, a Tax petute pawh hian Taxation Department lampang lo mangnghih tawh an awm a. Transport a an pek tawh chuan Taxation Department lama pe tur neiah pawh inngai lo tam tak hi an awm flat mai a ni. Khang avang khanin Taxation Department ina an ken hian Tax hi an khawn kim thei flat lova. Harsatna a tawk a ni.

**PU ZODINTLUANGA**

Taxation Department chuanin sahbawn mum khat thlengin kan neih leh neih loh an hre thei a. Motor neih leh

neih loh a kha chu a harsa lutuk lovang khalai kha chu a point a kha chu a dik vak lovin ka hria. An lakna laia kha chu.

**PU LALRINCHHANA  
MINISTER**

Pu Speaker, engpawh nisela a motor control tu an ni lova. Motor condemn leh motor lei-belh registration zawng zawng

kha Transport Department thil a ni. Taxation Department hian hei hi up to date in an hre kim tak tak thei lova. Khang avang khan harsatna a

awm a ni. Amaherawhchu, Transport Department anih chuan road Tax te leh engemaw leh Transport kha chuan motor registration engkim an vawng vek a. Khami atang khanin he Passangers & Goods Tax hi thla tinin emaw, kum chanve danah emaw khatianga an lak naah khan a kimin an collect thei dawn a ni. Khatia a kima an collect theih dawn avang khanin pawisa hmuh tur hi a pung thei tura beih a ni. Chu chu helaia Transport in an lak dawn tak avanga pawisa hmuh tur lo pung tur anga a lanna bul chu chumi kalhmang avang chuanin beiseina sang zawk kan nei ani tih kha kan tarlang duh phawt a. Tin, post thu-ah kha chuanin luiah hian Road Tax ilo hi motor zawng zawng atang hian khawn vek ani tho. Chumi khawntute chuan he Passengers & Goods Tax hi an lo khawn veleh mai dawn a. Mihring tihbelh a ngai dawn miah lo. Chuvang chuanin pawisa lamah Financial thilah te, pawh khan hnathawktu lakbelh a khatiang a sum sen belhna tur kha a awm dawn lem lova. Chung avang chuanin hnathawk tu tihbelh a ngai dawn lo tih kha kan han tarlan duh pakhat ani a. Tin, motor a light vehicle rau raute pawh hetia tax chawi dan tur leh engemaw han tihdanglamna hi heng light vehicle ho hi a weight a in ang lova an weight a in an loh avang hianin an chhuah chawi tur ilo pawh Road Tax te leh thildangah te pawh danglamna a awm thin a, chu chu a nih avangin hengho hrang hrang pawh hi Taxi te, Jeep te, Gypsy te, Jonga te heng hrang hrang pawh hi a rate hi a hrana kalpui deuh a ni tih kha kan han tarlang leh duh a. Tin, kan han tarlan leh duh a chu, a rate thuah hian tunah chuan a bul fan tur kan ni a. Taxation Department ina an lo lak ang rate leh an lak dan ang phung khan kan la phawt mai dawn a ni. Chu chu tunah hi chuan kan copy nghal thuai phawt mai a ni. Chutiang ang chuan kan kal phawt mai ang a. Tichuan kan han kal thui deuh hnuah tihdanglam ngai anih chuan tihdanglamna tur la ruahman ani ang a. Tin, engtin a.....

**PU SAILOTHANGA SAILO**

Pu Speaker, hetah hian a lang flat lova nia. Others tihah khan. (Bulldozer hi an register ngai lo ania aw).

**PU LALRINCHANA MINISTER**

Pu Speaker, nia hei a rate kan rawn ziah chhuah Financial Memorandum a kan rawn ziah chhuah a hi Taxation



Department ina an lak dan phung ani a. Hemi ang bawh hian tunah chuan kan lak vek phawt a ngai dawn a ni. Tin, hetiang a lak dan rate tur hi a Act a dahluh hi chuan a buaithlaka amendment a harsa a. Chuvang chuanin sorkar in a remchan ang hun huna a rate a tihdanglam theihna turin a rules lamah a rate lak dan tur hi ziahluh in a awm zawk a ni. Chutiang ang chuan kan kalpui a ni. Tichuan nichina member zahawm tak, Pu R. Lalzirliana rawn zawhnaah pawh khan hemi motor thliar hran dan hi kan sawi ang khanin a hnathawh theih dan a zir, a load a zir chu ani tho bawh a. Tin, a motor weight a zir khanin chhiar hran in a awm a ni tih kha kan tarlang leh duh mai a. Engeni han sawi hmaih ka nei em aw, kan zawhna atiangin.

**PU LAHMINGTHANGA**

Pu Speaker, Taxi number tih tam zel loh lai kan sawilaite kha a sawi chi em? A tam viau tawh mai a. 3000 chuang a nerfu tan hian a hlawk tawhlo lutuk a, chuan loan a an lakte ani si a. A thenin an rul thei lova an mangang a. Tin, a stand a hi kan harsa viau tawh bawh si a, han tihlem lampang te, tin, ontirman, Auto Rickshaw hi sorkarin engemaw khaw lian deuh Group Centre-ahte pek theih hi chuanin mirethei deuh pawhin an neih theih tawh mahse. Emergency thilahte an chhawr theih viaute kha a lo ni a. A tihpun theih thung em? Tin heta Light Commercial Vehicle han tih hian engchen ngeni a huam? Eng vehicle hi nge? tih laite kha kan zawh duh a chu a ni e.

**PU LALDUHOMA**

Pu Speaker, chhiah lak tur mena sorkar hi a men tak rau rauah hi chuan Entry Tax lak te pawh hi ngaihtuah na an nei em? Hei hi a nuai tel tak taka a lo luh vena tur anni a, sorkarin chulam te chu ruahmanna rilruah an nei tawh em? tih kha ka han sawi te duh a ni.

**SPEAKER**

: Entry Tax kha chu hmannah  
khan Taxation Minister khanin  
a sawi lang deuhin ka hria a.

**PU LALRINCHHANA  
MINISTER**

: Pu Speaker, a engpawh nisela,  
helaiah hian L.L.V tih hian  
helaia a bika rawn lam loh  
ho light vehicle si kha a

huam vek a ni, tih kha kan tarlan dan ni mai se. Tin, a motor control  
thuah hi chuan a dik khawp mai a, hemi public service tura motor hi  
theih ang anga control hi a tuin kan hre tlat mai reng a, kan intam  
chhuah zo a, a dik tak chuan Aizawl khawpuiah pawh hian Bus leh  
Taxi hian a khat lutuk tan tawh a, chuvang chuan ka hmanhmawh em  
mai ke in ka lo kai teh ang, tih palh a awl tawh a, bazar pheiah hi  
chuanin hemi State Transport Authority Board hian uluk taka an en  
atangin tul bik tak tak nia an hriat chinah an pe chhuak a, kan kalpui  
danah pheih chuan tunah hian 2000 deuh thaw a awm tawh tlat mai a,  
chutah chuan 2000 hi chu cross lo ila, kan ti ringawt mai a ni,  
chutiang ang chuan a kal a, chuang chuan a rawn dil thar reng reng  
pawh hi STA Board in uluk takin rawn ngaihtuah ula, a mamawh dan  
a zira bus hi pekchhuah nisela, tiin kan control a ni. A tlangpui thuah  
Aizawlah pheih hi chuan tul bik takah lo hi chuanin Taxi Permit pheih hi  
chu pe chhuak tawh lo ila, bus te pawh hi a tul bik te loah hi chuan  
pekchhuah lo a tha zawk ang e, kan ti hial a ni, chu chui tuna kan  
control dan leh kan kalpui dan a ni e.

Pu Speaker, kan sawi ang  
khan he dana hi Taxation Department atanga Transport Department in  
an han kenkawh ve anga, a tul ang ang chu lo enthat zui ani anga,  
chuvangin, vawiinah Mizoram Passengers and Goods (Taxation) Bill,  
2005 hi he House hian lawm taka min pass sak turin ka rawn ngen e.

**PU SAIKAPTHLANGA**

: Pu Speaker, a hmaa ka zawh-  
na, State dang hian engzatnge  
an lak ve reng, tih kha, a  
bikin North-East kan thenawm

te ho hi hriat a chakawm khawp mai a.

**SPEAKER**

State dangten eng angin nge Passengers and Goods Tax hi an lak ve tih kha Kawrthah bialtu, zahawm tak khan a rawn zawt a.

**PU LALRINCHHANA MINISTER**

Pu Speaker, chutiang ang detail chu tunah mai chuan han sawi a harsa deuh ang a, a tul angin Department lamah

pawh lo tih chian mai nise a tha ang a.

**SPEAKER**

The Mizoram Passangers and Goods (Taxation) Bill, 2005

hi ka buk ang a, Kawnpui

bialtu zahawm tak rawn ngaih

mawh JCB te Road Roller te rate hi a va hniam ve tih kha chu Road Roller leh J.C.B te kha chuanin Passanger an phur thei tlem deuh ani ang e, i ti rih mai ang. Truck te ai chuan an phur tlem ngei ngei turah ngai phawt ila. Awle, Minister in sawifiah tul te a rawn sawifiah ta a, pass a rawn dil bawk a, kan buk ang a, 'The Mizoram Passangers and Goods (Taxation) Bill, 2005' section 3-31, body of the bill hi pass remti apiangin, 'remti' ti rawh u le, remti lo kan awm em, kan awm chuan remti lo, ti rawh u le. Awle, section 3-31 of The Mizoram Passangers and Goods (Taxation) Bill, 2005 chu House in lungrual takin a pass ta ani. Hei hi bill a tel a ni. Section 1 short title leh section 2 definition hi pass remti apiangin 'remti' ti rawh u le, remti lo kan awm em, remti lo kan awm chuan 'remti lo' ti rawh u le. Awle, House in 'The Mizoram Passangers and Goods (Taxation) Bill, 2005' section 1 leh 2 chu lungrual takin a pass a ni, hei hi he bill a tel a ni. Tunah a tawp ber atan, 'preamble' hi pass remti apiangin 'remti' ti rawh u le, remti lo kan awm em, remti lo kan awm chuan 'remti lo' ti rawh u le. Awle, The Mizoram Passangers and Goods (Taxation) Bill 2005 preamble hi House in lungrual takin a pass ta a ni, hei hi Bill-ah a tel a ni, tichuan The Mizoram Passangers and Goods (Taxation) Bill, 2005 chu House in lungrual takin a passed ta a ni.

**PU LALRINCHHANA  
MINISTERS**

Pu Speaker, ka lawm e.

**SPEAKER**

Awle, tunah chuan vawiinni leh kan session a kan business hnuhnung ber kan la chho ang a, chu chu 'The

Aizawl Development Authority Bill, 2005' a ni a. Hei hi a copy kan in sem a amaherawhchu Good Friday te anih avangin introduce na hun kha a awm ta lova tunah he Bill hi House a introduce phalna Minister zahawm tak Pu H. Vanlalauva han dil sela, a tha ang e.

**PU H. VANLALAUVA  
MINISTER**

Pu Speaker, ka lawm e. Ka Bill 'The Aizawl Development Authority Bill, 2005' hi he House zahawm takah introduce ka rawn dil e.

**SPEAKER**

Kan remti em? Awle, House in introduce a remti a, a copy kha sem lawk tawh ani a, tunah House-ah introduce pahin

ngaihtuah turin rawn move sela, a tha ang e, i lo sawm ang u.

**PU H. VANLALAUVA  
MINISTER**

Pu Speaker, ka lawm e, Mizoram State Capital Aizawl khawpur' than chak zia kan hretlang theuh a. Plan loh

khawpui a nih avangin kalkawng chepzia te, kan tawt zia leh traffic jam nasa lutuk avanga harsatna kan lawh nasat zia te a hmutute leh hretute vek kan ni a. Tin, khampang leh hmun him lo, remchang lo tak takah te RCC building kan sa in thenkhatte phei chuanin kan thingril ban phun mai mai ni te pawhin a lang a. Bawng ram tla hi an ral chinghnia emaw a lo kalin mei kawhin an tlan a, amaherawhchu, an thawm an han hriat loh chuan muat let liamah ralmuang takin (ni awmin) hnim an pet leh mawlh mawlh mai a fur a lo ni a, kan in leimin ten a hnawl a, lei a lo tla hniam a, ka mang ang a kan tap a, kan buai em em a. Amaherawhchu, khua a lo thal a, khawilaiah pawh in sak kan ngam leh mai a in kan sa duh leh mai zel a. Tin, in satute lah hi a luhlul leh a huaisen, pawisak nei lo apiang hi kan dingchang ta emaw tih turin vantlang ram leh kawngpui te phei chu chin tawk awm lo lekin kan nek duh a. Hetiang zela kan kal hi chuan tun atanga hun rei vak loah kan Aizawl khawpui hi chenna tlak lovah, chenna ngam lovah kan siam mai dawn niin a lang ta a. A neipa leh midang ngaihtuahna rilru nei vak lote phei chuan kan insak duhdan leh kan compound kan humhalh tum dan leh duhdan te han en hian a mangan thlak tak meuh a. Chuvang chuan kan Aizawl khawpui hi a hrehawm mai nilovin chhial rupna kan thieng mai ang tih pawh a hiauhawm ta em em a ni. Chuvang chuan Aizawl Development Authority bill bi buatsaih loh theih niin a lang ta lova. Pu Speaker, kan Aizawl khawpui venna tur a kan dan neih 'The Mizoram Urban Regional Development Act, 1990 leh Rules 1998' te hi tha thawkhat mahse duhthu a sam lo em em a. Tin, a inforce tu thuah te pawh a hranpa inforce tu kan nei vak lova. LAD wing pakhat Town Planner, anmahni hna pawh thawk seng lova kan ngaihten an han zak zeh a. Chuvang chuan a mangan thlak lutuk deuh ta in a lang a. Chumi avang chuan Aizawl Development Authority bill, 2005 hi buatsaih loh theih ni pawhin a lang ta lova. Aizawl city master plan te leh khawpui dang master plan te, sorkar hmun pawimawh hrang hrang plan te pawh Town Planner te hial siamin sorkar pawhin kan approved tawh hlawm a nih kha. Amaherawchu, kan khawpui bikah hian harsatna namen lo kan tawk a. Chuvang chuan kan Aizawl khawpui chenna tlak a, chenna ngam leh thin thi a kan mut theuh theihna tura enkawl tur hian Aizawl Development Authority Bill, 2005 hi buatsaih loh theih loh niin kan House Leader, kan Chief Minister zahawm tak hian hria in hei hi kan tih makmawh a ni a ti thin a. Lichuan a kaihhruaina leh remruatna in helam kawnga mithiam bik leh experience tha tak tak te pawh lo nei tawh te finna leh rem hriatna te hmangin he Aizawl Development Authority Bill, 2005 hi buatsaih a ni ta a.

Tin, Aizawl Development Authority Bill, 2005 hi Delhi Development Authority Act, 1957 dungzui a buatsaih a ni tih hi House kan hrilh duh a. Gauhate Development Authority Act te leh India ram khawpui hrang hrang Development Authority Act te pawh tihl tel chungin, a ni nghahna poi ber erawh chu Delhi Development Authority Act kum 50 tel an lo hman tawh dan, a tul ang zel a an lo siamthat tawh thim Court thu tlukna hrang hrang te en a, chumi rem a an lo her rem tawh Delhi Development Authority Act hi kan entawn leh kan inngahna atan chuan hman a ni a. Delhi leh Aizawl khawpui hian in anna neilo hle mahse mizo zia leh nunphung te tihl chungin Aizawi khawpui leh a chungga chengte tan a tha ber tura mithram bik ten an ngaih a duanchhuah a ni a.

Hetah a Bill a kan han hmuh ang hian thupui hlawn hrang hrang pariat(8) ah then a ni a. Chapter one(1) ah chuan a thupui kente, chapter two (2) Aizawl Development thu neitu leh a thil tum te, chapter three (3) ah hian master plan leh zonal (bial bik) Development plan te, tin, chapter four (4) ah hian master plan leh zonal development plan tih danglam, siam rem tur te. Tin, chapter five (5) ah hian ram leilung develop-na chungchang thu te, tin, chapter six (6) naah hian ram lcilung lak leh tihral chungchang te, chapter seven (7) naah sum leh pai leh endik chungchang te, tin, chapter eight (8) naah hian thudang eng eng emaw nepnawi a ken tel te tiin dah ani a. Tin, Pu Speaker, helaiahi hian kan sawi leh duh chu Aizawl Development Authority leh Municipality hi a in dip dallo tih hi member ten kan hriat chian atan a pawimawh hle in ka hria a. he Bill kan ngaihtuah leh kan sawiho turah hian India ram khawpui Delhi leh khawpui hrang hrangah Municipality Corporation an awm a, Development Authority a awm bawk a an mawhphurhna ve ve tha takin, an thawk a, a indip dallo tih hi kan hriat tawh mah nisela kan sawi nawn leh ka duh a, Delhi-ah te pawh Municipality Corporation chak takin an awm a, hna an thawk reng a, chutih lain Delhi Development Authority in chak takin hna a thawk reng bawk a, an in dipdal hauhlo ani tih kan hria a, kan ramah hian Municipal Corporation emaw Council emaw Town Committee emaw pawh kan la nei rih lova, chumai chu nlovim Local Body an tih pawh kan la nei rih lova, Local Body aiah V/C kan nei ani tih kan hria a, he Aizawl Development Authority Bill hian kan V/C te kutah mawhphurhna tam tak a nghtat nghe nghe ani tih pawh kan sawi lang duh ani. Tin, Pu Speaker, he ka Bill hi a kip a kawia vawinniah hian sawi ka tum lova, thiam pawh ka thiam lova,

kan sawi tak ang khan a tawp lama Statement of Objection and reason  
 tinah hia a kalphung tlangpui pawh sawifiah ani a, in, financial  
 memorandum ah hian sum mamawh tur zat pawh tarlan a ni a, detail  
 calculation erawhchu tarlan ani rih lova, thawktute kum khat hlawh daih  
 tur leh Office bul tanna a senso tur tlangpui tih la ani rih mai a, heng  
 sum mamawh tur hi Non-plan atanga beisei thei kan ni dawn lova, State  
 Plan Fund atangin ruahman tur niah kan ngai a. Tin, Aizawl  
 Development Authority hi a function tak tak hun chuan sum engemaw  
 zat la lut ve thei tura ruahman leh duan ani a, chuvang chuan a function  
 tak tak hunah chuan amah a intodelh em loh pawhin mamawh sum tak  
 lak la lut thei turah kan ngai a ni. Tin, Pu Speaker, kan ngen lawk duhna  
 che chu Aizawl Development Authority Bill, 2005 hring hi (ngaihtuah  
 chhuaktu hi) kan House Leader zahawm tak hi ani a, chuvang chuan  
 member sawitur ten an sawi zawhah hian kei min sawn hmian member  
 tena an hriat duh he Bill atanga hrilhfiyah ngai leh member te zawhna  
 chhanna hrilhfiyah ngai te hrilhfiyah turin kan House Leader Chief  
 Minister min sawm sak turin ka ngen lawk duh che a, a chhan chu a  
 hringtu ngaihtuah chhuaktu leh heng zawng zawnga bul min tum saktu  
 anih avangin Member ten kan hriat duh te fiahfai taka kan hriat a he  
 Aizawl Development Authority Bill, 2005 hi lungrual taka kan pass  
 theihna tura min hrilhfiyah sak turin kan House Leader pawh min sawm  
 sak turin kan ngen lawk duh che ani.

Awle, Pu Speaker, he Aizawl  
 Development Authority Bill, 2005 hi he House zahawm taka ngaihtuah  
 min phalsak avangin lawmawm ka ti a, vawiinniah hian kan mamawh  
 zia hretu vek kan pih avangin reiloteah sawi tam lova kan pass theih  
 mai pawh ka beisei ani e. Ka lawm e.

**S P E A K E R** Le, chawhma hun darkar chan-  
 ve dawn kan la nei a. He Bill  
 hi Aizawl tan leh Mizoram  
 tan thil thar ani dawn a  
 chuvangin uluk taka kan ngaihtuah ho a thain ka ring a, amaherawhchu  
 kan hun neih tam zia kha kan hriat theuh ka ring a, chuan kan thidan  
 thin angin avai hian sawi pawh, nghal mai ila, tin, hun kan in pek pawh  
 kha midang ang bawk minute 10 lek nua sela a tha in ka ring a, tha  
 kan ti mai em? Anih leh kan Minister in a tlangpui a rawn sawifiah  
 ta a, sawihona kan nei ang a, tunge han sawi hmasa ang? Aw Pu  
 Liansuama.

● **PU LIANSUAMA**

Pu Speaker, Bill tamtak mai  
hun tawite karah kan LAD  
Minister in a rawn pulut a.

a thahnem ngathna a fakawm  
khawp mai a, amaherawhchu keini ho tan leh a ram pumpui tan hian  
thil thar ani a, tuna in sawilan ang khan Pu Speaker, inthlan dawn hian  
Party tin hian mipui te hnenah intiamna kan nei a chung zingah  
chuan Municipal Aizawlah leh Lungleiah leh khaw lian dangah kan  
din ang tiin kan in tiam theuh a, tichuan session hmasa te pawhin  
zawhna kei ngei pawh hian zawtin sorkar in min chhannaah chuan  
Aizawl Municipal Board emaw Corporation emaw hi draft te pawh  
peih ani tawh a, tun atanga hun rei vak lovah hian Bill putluh theih  
kan in beisei' tih te Tin, Village Council thuneihna pek belh  
chungchang thu te kan intiamna ani hlawm bawk a. Chung te pawh chu  
kan zawtin 'hei hi kan tum e' tih ani a. Tin, India ram pumpuiah hian  
tunhma atang tawhin Local Administration a bikin Local Government  
mipui tena anmahni chungchang thu an reha hawizawng hian India  
Constitution hian ruahmanna a lo nei vak lova Directive Principle of  
State Policy tih te mai bak lo chu. Chu chu hrerengin kan hmasawna  
than mawhbawk pakhat ani e tiin Pu Rajiv Gandhi a Prime Minister  
anih lai khan India Constitution siam danglam turin hma lak chihoh ani  
a. A thihsan tak avang in a tak tak erawh chu Pu Narasimha Rao a  
Prime Minister a nih lain India Constitution siam tha in Panchayati  
Raj alo chhuak ta a. Chumi hnuaiah chuan Local Body chi hnih  
Thingtlang Local Body leh Khawpui Local Body. Keimahni a thlang  
tu mipuitena kan aiawh thlan te ro in rei theihna a lo piang chhuak ta  
a. Chu chu hria in keini pawh kan sorkar lai khan kum 1998 March  
thla khan he kan rama hman tur hian Aizawl khawpui leh  
thingtlang lam te pawh huap turin Bill putluh ani tawh a.  
Amaherawhchu, vanduaithlak takin kha session-ah khan No-Confidence  
Motion a luh avangin a hlamzuih ta ani. Tichuan, term hmasa zawng  
zawng kum nga (5) chhung 1998 kum tawp leh 2003 thleng khan he  
Local Body tha tak Aizawl te, Lunglei te leh thingtlang te pawh tun  
ang ngawt lo deuh a min enkawl tur hi kan nei dawn emaw kan ti a.  
District Council Area-ah chuan Village Council leh sorkar inkarah  
District Council Body tha tak a ding a. Chuvangin, MLA leh sorkar  
lam pawh an hahdam sawt a. Lunglei lam te pawh sawn thlah thlam  
niin an inhre thin a. 'Hmasawna in min thlawh khum e' an ti a, an au  
an au va, chhim bial chhantu te pawh a piang a, chuvang chuan, kan  
sorkar chuan tiin Party tin te khan he Local Government siam tur hian  
kan inbuatsaih mek a. Tichuan, chu chu emaw tuna kan sorkar hian an



rawn buatsaih mek tih lain Mauruangi emaw kan zawn dawn tih nak alaiin Bingtaii kan hmu ni hian tukin chu ka in hre flat mai a. Chuvang chuan, ngai haw lo selangin kan ti ang tih chu ti lovang tihna te pawh kha mi ti hrechhuak a. Hei hi kan mipuiten an tawngkhawp lo hrim hrim a, a Bill hrim hrim a hi chu zuk sawisel tur a awm in ka hre hran lova. Amaherawhchu, kan ram mamawh leh Aizawl khawpui chhung mamawh han en hian hei hi ani lo a ni. Tichuan, a Bill Text a lo langah hian he body, Aizawl Development Authority chuanin Delhi Development Authority dan a la chhawng deuh ber a. Mahse, Delhi mamawh leh kan ram mamawh hi an in anglo khawp a, Delhi chu India ram pumpui State Capital ani a, independent sorkar ani. Chuvang chuan, heta Home Ministry te, Urban Development Ministry ten direct a an control ngai lai a awm flat mai a. Chuvang chuan, State sorkar in a Embassy te leh rampawn lampang Sovereign Nation te aiawh tam tak an lokal avangin Delhi mamawh leh Mizoram (Aizawl) mamawh hi a in anglo nasa em em ani. Chumi dungthula dan siam hi a nihlo phawt chulo leha chuan a bill text a kan hmuh dan hian tui supply chungchang thu te electric chungchang thu te, kalkawng te hengah hian he Development Authority hian hma an la dawn ani a. Tichuan, interdepartmental class kha nasa takin a awm dawn a. chuvang chuan, veng thenkhatah chuan Power Supply chu ADA thu a ni ang a, tichuan Aizawl West lam chu he Development Area in section-18 na ina a sawi ang a, a Plan Area hi lo ni ta ila, khulamah chuan ADA hi a thu ang a, helamah hian LAD a la thu dawn em ni ang? Chuvang chuan, kan mamawh puhru lo Dan kan ngaihtuah dawn niin a hriat a. Tin, chu chang chu a nilova, a set up tur hrim hrim hi tunlai khawvelah chuan decentralisation of power tih mek lai hian vawiinnia kan dan in a a rawn ken, hei section 3 na tena a tarlan dan hi chuan over-centralisation ani. Chief Minister in a head ang a. Tichuan, Aizawla MLA 3 (pathum) an tel ve ang a, prominent persons 3 (pathum) an tel ve bawk ang a, chung chu sorkar pleasure chhung chauh an awm ang tih an ni ta phawt a. Kan MLA te kha sorkar pleasure chhung chauh an awm ang a, tichuan, nang hi entirnan, vawiinnia Member ah hian Aizawl bialtu te zingah Pu Liansailova Sailo chu ilo tel ang, naktip chuan sorkar l chungah a lawm lo deuh ve, l bang leh ang tih ang vei vei dan han siam te hi chu a tunlai tawh lo lutuk deuh ani lawm ni? Tin, chulo leha chuan, hetilaia han rem reng reng Commissioner, Commissioner Engineer chumi kha mi, chuvang chuanin kan mipui tena annahni chhawk tura an duh chu he Aizawl enkawl tur pawh hian kan aiawh kan thlan ani an duh ni. A dik takin

● Han sawi ta ila sawmi Millenium Authority te pawh saw kan ngei deuh ani a. Chutihlai kara bureaucrat deuh hliir inrem khawinna Aizawl Development Authority.

**FU H. LIANSILOVA**

Pu Speaker, ka lawm e. Sawi sei tur pawh ka nei lova.

Amaherawhchu, thil awm dan kan hriat ang ang han sawi

chhuah ve kha, ka hma a sawitu sawi kha han thlawp pahin. He dan kan hman tur hi enchian deuh ngaihna awmin ka hria a. Chuvang chuan Select Committee emaw a la enchian leh la zir chian leh rawna kha han thlawp pahin, han sawi ka duh chu hei hi a ni. Delhi Development Act 1957, zulzui leh khami entawna he kan dan hi siam a ni tih kha kan Minister in a sawi chhuah kha, a danan pawh hian tarlan ani a. Delhi Development Authority hi India Parliament Act hmanga din a ni a 1957-ah. Tin, chutih lai chuan Municipality hi constitution-ah hian kan ngaihtlak tawn ang khan provision a tuna a awm dan anga mumal tak hian provide a la ni lo a ni. Tunah hi chuan Constitution-ah, Article 243-ah, 1992 khan dah luh a lo ni tawh a. Chumi hmang chuan, a function tur constitutions tarlan kha he Development Authority tuna kan ngaihtuah hianin, a rawn duplicate ta chiah mai a. Hei constitution 12<sup>th</sup> Schedule-ah hian Municipality emaw in a hmalakna tur chu Urban Planning including town Planning, No. 2 Regulation of Land Use and Construction of Buildings, No. 3 Planning for Economic and Social Development, No. 4 Roads and Bridges, No. 5 Water Supply for Domestic, Industrial and Commercial Purposes, No. 6 Public Health Sanitation, Conservancy and Solid Waste Management, Free Services, khatiang khanin hei, 18 lai mai list chhuah ani a, kan dan hi han en Chiang ila a tum taka chu khalaiah khan a rawn in thawlh lut vek deuh ta mai ani. Chumi ina a ken taka chu hemi Municipality hmuna hi luah tur ani love kan han ti na a, a thawh tura hmalakna atana lo chuan si chuanin, alo hmakhalh dawn tihna chu ani ta ber mai a. Chuvang chuan hei hi tun atana kan mamawh taka pawh nimahselangin kan mamawh ber zawk ni a lang ta a chu, hei hi kan mamawh anih tho tho si chuan, municipality a kha a ni zawk a ni. Kan in leh lo dinna tur te, kalkawng leh vantlang hmun kan sianna turah te, hmun

thar dinna tur thuah te, tuna kan awmdan ngawt ang lo, ruahmanna tha zawk a ngai ani tih hi chu sawi nawn pawh a ngai lova. Amaherawhchu, Constitution Provision anga Authority din tur kan neih reng leh chutianga hma la thei tur awm kan la tih hma si a, lo tlak khalh tir a kha chu Delhi-ah pawh Constitution-ah Provision fel tak a awm hmam Delhi Development Authority a hi 1957-ah anlo din phawt a. Tin, tunah hi chuanin 1992 atangin Municipality hi Constitutional requirement alo ni ta a. Delhi-ah pawh zir chiang ilangin a municipality leh a Development Authority inkarah khuan engemaw duplicacy emaw, thuneihna inehuna emaw a awm ngei chuan ka ring a, mahse rinthu ani a, chu taka chuan zir chian a ii ngaiin ka hria a. Heng Kolkata ah te, khawpui hrang hrangah pawh an lo nei ani thei, mahse an dinmun tur a chu, tunhma a Constitutional Provision fel taka a awm hma a Development Authority an lo siam leh tur Municipal Corporation a tepawh chu, hemi Constitutional Provision a active taka a function theihna tur atana ruahmanna awm hma ve ve ani vek zawkin ka hria. Chuvang chuan tuna kan dinmunah hian hei thil thar han buatsaih tur kan ni a, kan mamawh tak zawk ni a langa hi chu kan in lungrualna theuhah chuan, khawpui enkawlina tur atanah hian, tuna kaan awmdan anglo body thar hi a ngai ani tih chu inhnialna tur thu a awmin ka ring lova. Chu chu kan tih chuan tuna kan Development Authority ina a hmatura kan tih zawng zawng a hi, municipality in a hma tur alo ni ta ani. Tichuan, tunah hian he kan bill hi lo pass ta ila, nakin lawkah municipality bill a kha pass leh ta ilangin, body pahnih, kan siam ve ve leh, Constitutional behchhana kan siam nen khanin in clash na tam tak a awm ang a, pakhat zawk zawk a hi chu kan namnu emaw kan thiat emaw ala ngai tho tur niin a lang a. Hengah hian thil chiang taka kan zir chu a ngaiin ka hria a, kan thil sawi tawh kha a relevant lo na a han sawi chian leh kan duh chu, kan Labour & Employment Minister zahawm tak khanin Compulsory Notification of vacancy thuah pawh khan min han chhanna mai kha chu, tun thlengin thu dik ni a ka hriat nen hian ala in persan a. Vacancy reng reng sorkar hna leh semi government-ah pawh Employment Exchange Notification hi tih vek tur ani, anih loh chuan, open advertisement a tih vek tur ani. Employment Exchange a koh a ngaih kher kher nachhan leh, hemi kan in umzui zel nachhan a pawh hi Constitution requirement ani a, vawiin thlengin ala valid ani. Chuvang chuan khatiang zawng khan dan kan hriat dan leh, a nihna tak kan sawi danah pawh hian kan chianna a hi a pawimawhin ka ring a. Nichina min han chhanna pawh kha lo chian ve na alo ni thei a, mahselangin mitin te, equal opportunity kan neih theihna tur chuan Public Service Commission ani emaw, hna latu, engpawh nise

Department in open advertisement tal Employment a an tih loh chuan hei hi constitutional kalli anih avangin, a valid lo thin ani. Kha kha kan hriat atan ka han sawi nawn duh kher kher a. Chutiang chuan tunah pawh hian keini hianin dan lo pass ta ila municipality a kha, nakinah kan duh leh chuan a lal zawk tura chu constitutional beh chhana kan body din kha ani tur ani. Chuvang chuan hmanhmawh thlak lovah ngai ilangin, thil tam tak sawi tur awm mahselangin khalai principle atang ringawi pawh khan, thil tha kan hotuten in duh hi a lawmawm a, kan ram mamawh tak pakhat pawh ani ang a, mahselangin hei hi chu la zir chiang ilangin, Delhi leh Kolkata te Guwahati ah tepawh engtinge an harsatna an sukian dan leh an lo kalpui dan tih chiang zawka zirna hun nei ilangin, Select Committee ah hei hi dah ila tha in ka hria a, kan session hmasa-ah khanin kan Local Administration Minister zahawm tak khan Village Council leh hemi municipal bill a pawh hi draft mek ani a, rawn chhawp chhuah mai beisei anih thu a sawi a, tin, keipawhin khatah khan heng thil hi thil thar deuh leh mitin te kan interest na anih avangin, rawn chhawp chhuah hmam zau deuh zawka zirna hun te pawh la neih a tha mang e tih ka sawilang ve nghe nghe a, kan Minister zahawm tak pawh khan ka thusawi kha mi a pawmpui viau niin ka hria a, chutiang deuh chuan vawiinniah hian he kan bill a hi a tha hle nachungin, a aia tha zawka kalpui theih dan kawng ngaihtuahna rilru hmangin tunah hian pass ma lovin, Select Committee lamah la zir chiang ila, alo hmang tawh te leh a hmanna hmun ami te, tih dan leh harsatna an neih te emaw a thatna te emaw, zir chiang ila. Tin, kan mamawh tak hemi atanahg tun maiah leh nakin thlenga kan mamawh tak chu. Building Bye-Law hi ani. Kolkata-ah te Delhi-ah te building bye-law an nei a, chumi hmang chuan municipal emaw, Delhi Development Authority emaw chuan khawpuia insak leh vantlang hmun te tha takin an enkawl thei a, mimal insak thlengin an control a, an supervised a ni. Keini chuan he Aizawl Development Authority dan hmangin Engineer te emaw ina an rawn plan ang ang kha khawpui enkawl na teh dan aia hmang mai tur kan ni dawn a ni a. Legislation pawh ni lo, khatiang khan min phuar dawn a ni a. Chuvang chuan mipuiin kan la zo lo deuhin phurrit a la ni, chuvangin Select Committee ah dah kha a tha mai lawm ni tih kha ka rawn dipui a ni e.

**S P E A K E R**

Minutes 5 vel chiah chiah kan la nei, pahnihin an sawi tawh a, Select Committee kha an rawn sawi ri ve ve a. Select Committee hi ka decision pawh nilo hian sawi lan zawk ka duh a. Tunhma khan House-ah khan kan sawi a, tha kan tih chuan kan ti mai a. Mahse, uluk taka han en hian Select Committee tih dawn hian Substantive motion-ah motion kha putluh a ngai a, kha motion-ah khan member turte pawh proposed vek a ngai a. Tin, proposed satliah mai nilovin, member turte pawh khatah khan awm an remti em ? ti lo em tihte pawh kha han chiah kual han chhiar kual hian kan dana hian chiang fekfawk hian a in ziaik lo na a, Parliament Practice chhoh puia te pawh khan a lang a, sub-stantive motion chu kan hriat angin a hma nihnih tal a ni tur a ni tih te kha alo ni a. Mahse helaiiah hian a bill neitu hian consideration tihlai hian a remtih theih chuan a rawn proposed dan hi chhete a awmin ka hria a, chumi niloah chuan member dangte chuan kan duhthu kha kan sawi a ni mai a, uluk taka han en hian sub-stantive motion a, a member turte nen rawt a ngai a ni tih kha ka hriatthiam dan chu a ni a. Tichuan chawl rib mai ila, minute 4 chauh a awm tawh a, dar 2-ah hian kan thukhawm leh a nga. Tichuan kan sawi chhunzawm leh a nga. Anih leh Pu D. Thangliana ilo sawm ang.

**PU D. THANGLIANA**

Pu Speaker, ka lawm e. Vawih Inah Aizawl khawpui ina kan Mamawh em em, Aizawl Development Authority Bill, 2005 alo lut hi a lawmawm hle in ka hria a. A Bill kalphung hrim hrimah hian tel tawklo lai engemaw chu a awm mai thei a. Mahse, Aizawl khawpui mai nilo Mizoram khawpui hian in enkawlina eng engemaw kan neih hi a ngai tawh a ni, V.C thuneihna ringawt hi chuan Aizawl khawpui hi chu min control zo ta meuhlo a ni e tih ngaihtuahna a tam viau thin a. Chumi anih avangin kan mithiamte pawhin municipal dan te hi Aizawlah chuan kan hman ve a hun tawh a ni lawm ni ? tih kha ngaihtuahna te an lo seng tawh thin a. Tin, kan congress unate sorkar lai atang khan municipal hi buaipui chhoh ani tawh a, he MNF sorkarah pawh municipal dan hmanga khawpui in enkawlina tur chungchangte pawh hi ngaihtuah chhoh kha a ni tawh thin a. Mahse, chutiang hmang

tura keimahni lam inpeih tawh lohna avangte leh hman remchang lohna engemaw te avangin nakinah a tul huna tih danglam he dan hian dang chuang si lo, Aizawl khawpui chhung leh Mizoram hmun hrang hrang atana municipal kan neih theih hun a pawh a dan in a dang chuang lo, Aizawl Development Authority Bill vawiinniah siam a han ni hi thil lawmawm tak niin ka hria a, kan khawpui chepzia te kan hria a, kan khawpui a chep avangin dan mumal awm lova kan Development hi a kal avangin khawpui chhungah pawh lirthei ang chite pawh hian harsatna a tawk a, kan motor jam tam tak pawh hi heng avang hian awm niin a lang a, heng chhungah hian mumal zawka kan in sak dan kalphungte enkawl alo nih theihna tur atana kan LAD Minister zahawm takin a kan khawpui insak dan phungte, leimin lakah te leh thildangah pawh chep lutuk lova kan kal theihna tur atana dan a han pulut hi a lawmawm hle in ka hria a. He House zahawm tak pawh hian engemaw tal dan hi Aizawl khawpui hian kan mamawh a ni tih pawh kha hre vek tute kan nih avangin chutiang dan thar Aizawl khawpui enkawl na tur dan hetiang a rawn duan chhuah hi vawiinniah pawh hian kan passed ilan theih kha nisela tiin kan sawm duh a. Aizawl khawpui chauhlo khawpui dangah te pawh heng dan hi hman theih tho tur a ni a. Tin, he danah hian tumah a hmangtu kan la awm loh avangin expert kan la awmlo va. Tin, a ruling lampang kan Minister te pawh he Aizawl Development Authority Bill-ah hian an expert chuang dawn lova, mahse, kan ramin kan mamawh anih avanga hman tura ruahman a ni a. Nimina VAT Bill kan han passed ang deuh khan VAT Bill pawh kha Mizoram kan hman chhohna tur vawikhatna a ni a. Expert tumah kan la awm chuang lova, kan Minister zahawm tak a pulut tuin zuanluh tawp phawt mai hi experience neihna atan a pawimawh a ni, hei hi ramin a mamawh si a, ti a a sawi ang deuh hlek khan vawiinniah pawh hian Aizawl Development Authority Bill, 2005 hi a sawisel ngai leh eng engemaw chu tam mahse kan khawpuiina kan mamawh ngawih ngawih a nih si avang hian a famkimlo laite chu la siam that zel ani dawn a. Chuvang chuan lungrual taka he House hian kan pass mai kha thau ka hria a, kan khawpui hi kan tawt viau tawh a. Khawpui ah mi kan pung chak a, kan chep em em tawh a. Chutiang zela khawpui kan dinchhoh zel nan atan te, khawpui daifema khua kan siam leh zelna tur atan te hian he dan hi thil pawimawh tak mai ani a, hengah hian nichina kan member zahawm tak ten an rawn sawisel thenkhat, hemi a committee-ah hian a Bureverals ho htr an ni e, tihlaia pawh kha a bu kan han en hian ani mai awm mang e, tih theih ani a. Amaherawhchu, kan Chief Minister te leh a changtu Minister te leh kan Legislators ho te, member ni thei tur an ni a. Hengte pawh hi kan duhthu a sam lo anih pawhin, Dan hi siamthat theihloh tawp dan hi a awm chuang lova.

Hei kan India Constitution ngeite pawh vawiinniah hian Amendment vawi 80 chuang daih an tih chhoh tawh ani a. Chuvangin heng kawngah pawh hian a thalo laite, Advise inpe tlangin, heih chu siamthat leh ngai ani e, tia kan duhtu a sam loh avanga han pass loh ngawt kha a tihchiah ka ngai lova. Chuvang chuan he Aizawl Development Authority Bill hi lungrual taka kan pass kha a pawimawh hle niin kan hria a, vawiinniah pawh hian pass ngei turin ka insawm duh a. A bu chhunga a dan neuh neuh leh a eng engemaw ah hian keini pawhin kan hriat ang tawk tawk leh kan phak ang tawk tawkin kan han en ve a, helai hi chu item chuan tih ang turte chu kan han nei ve tho a, amaherawhchu, chuti chung chuan Aizawl khawpui hian a mamawh a kan mamawh, loh theih lohva V/C te ringawt nilova a hranpa a a inenkawina dana hi kan siam ve a ngai tawh ani, tiin Municipality dan kan hman theih hma pawhin he dan tha tak a hi Aizawl khawpui chhungah kan hman theihna tura kan pass tlan mai kha kan ram in a mamawh anin avangin a pawimawh hie in ka'n hria a. Sawi tur tam tak awm mahsela he dan tha tak hi Expert leh hlauhthawn thu-ah helai hi a fel tawk lo deuh ve tih awm mahsela kan hmang chho phawt ang a, a tha zawngin kan kai chho zel ang a, dan nei maih lova, khawpui enkawina dan nei mumal miah lova kan awm hi tunlaia kan changkan tawh dante nena han khaikhin hian a hun tawh lo viau a. Hei kan zin veivah naah te a tha tawh a, ram kan in pawh tawh a, India khawpui hrang hrang enkawldan chuti khati helaihan kan tan a mamawh ve love tih tha awm bawk mahse, kan ram mitin, nun dan an lo siam tawh dungzuiin, kan ram atana kan hmantheih tur ang zawnga he dan hi rawn buatsaih ani a. Chutiang anih a vang chuan vawiinah mai pawh hian lungrual takin, tha takin kan mamawh tawhna avangin, a siamthat ngai laite siam that chhoh zel niin he dan hi pass ila tiin vawiinniah hian kan member pui zahawm tak tak te kan rawn sawm a ni e. Ka, lawm e.

PU R. LALZIRLIANA

Pu Speaker, tawite han sawi ve ka duh a. Hei, Aizawl Development Authority Bill,

2005 vawiinniah sawiho thei tura kan hotuten an rawn chhawp chhuak hrim hrim hi chu a lawmawm khawpin ka hria a. Hmasawn kan duh a. Amaherawhchu, helai kan sawi duh chu kan AIDA Bill hi opposition lam chuan tha kan ti emaw, tilo emaw vang milovin, opposition lam hian engnge kan

sawi? Kan sawi ve te hi ram leh hnam tan pawimawhna a nei em? tih ngaihtuahna nei lem lovin min han nuai liampui ve leh mai dawn niin a lang a, kan rawnate a uang lovang tih a hlauhawm hle a. Han sawi ve kher pawh hi a lehlamah chuan a tullo mang e, a ban tam lam chhuangin min phar thla leh dawn tho tho bawk a, tih te ka ngaihtuah a. Amaherawhchu, kan ngaihtuahnate pawh hi kawng dika hruailuttu a anlo hman ve hlauh takin tun han sawi ve hlek chu ka duh a. A that lohna em em nia ka hriat chu, mipui ringgam lohna tarlanna Bill niin ka hria a. Chu chu India Constitution Amendment - 74-ah chuan State leh III ten khawpui chuan Municipality an nei ngei ngei tur a ni, tih a rawn tariang tawh a. Tichuan, hetiang Municipality ah hian mipui thlan lal ten an awp chhungah mipui tana tha her tur angin hna an thawk tur ani. He kan dan clause - 3-na Sub-Clause thumna A-naah hian kan Chief Minister hi Aizawl Development Authority a Chairman niin thuneihna sang ber chu pek an ni leh ta a. Hei hi a mah mimal Chief Minister zu tling love tihna nilovin, a zahthlak ngawtin ka hria a, a kalphung hrim hrim hi mipui zara ram dinhmun sangbera thu tawh lai ani a. Midangte ngaihtuahna nei hauh lova mipui dipdal zawng leh mipui aiawh lalna kawngdal a dah ani hi tha in ka hrelo a ni. MNF sorkarin hetiang hi a han siam leh ringawt mai thur hi thil zahthlak tak niin ka hria a. Mahni leh mahni inchawimawina, intlansiakna tenawm ta niin ka hria a. Kan Chief Minister hi hetiang hian an han dah leh ngawt nachhan a hi tuna ka sawi kha a dikan ka hria, tlaktum intum siakna mai niin ka hria a.

Ram lalber ani a, a buai a, mi pawimawh ani. Nihna tam tak a nei a, he ruahmanna an siam atanga lolang chu hnathawk tak tak turin an inbuatsaih lemlo niin a lang a ni. Hetiang hi tlak dawn hnaiha thil thleng thin intlawnsiakna niin ka hria a. Tih awmloh tak tak hi tlak dawn hnaihah chuan kan tifo/an tifo reng thin niin ka hria a ni. Hei tuna kan Bill hi Delhi Development Authority Bill te dungthul deuhva siam niawm tak a ni a. In hria a, Delhi Development Authority te chuan mipui aiawh ni thei turin Advisory Council te ta hi an nei a ni, keini chuan helaiah hian chutiang chu kan nei reng reng lo, hei hi a pawh hle in ka hria a. Keini helaia Aizawl Development Authority-ah chuan tuna ka sawi ang mipui aiawh nihna tur leh helaia an rawn thlan lalte awm vena tura kha pakhatmah a awm lo a ni. Tichuan a awmzia tak chu MNF Ministry hnuaiah khawpui enkawl turin Chief Minister leh a hote kha kan khung leh tun dawn tihna a ni ringawt mai a ni. Tichuan MNF mipui hian heta tanga lolang chu mipui an rin ngam lobzia a ti lang Chiang hie in ka hria a. Mipui thlan te himun siam sakna turin hmun siam sakna an nei lo hle in ka hria.



Helaia kan Dan han siam clause palinaah he Aizawl Development Authority member baka thawk tur Officer te, Secretary te, Chief Accountant Officer te leh Officer dang leh a hnathawktu dang lak belh tur anih thu tarian a ni a, tichuan hengho hlawh tur hi kumtin hman tur chu Rs. Nuai sawmnga leh pasarih leh singnga leh sangsarih lai a ni a, hei bakah hian Motor leh thil dang kumin 2005-2006 atana hman tur hi cheng nuai sawmli panga laia belhehah a la ni nghe nghe a ni, tichuan chutiang ang belhehah an nih chu non-plan pawisa a awm tawh loh plan atanga pawh tur ani tih, kan Financial Memorandum-ah hian kan hmu a, hengte hi Dan in plan sum pawh pawh lawk loh pawh hian plan sum hi hnathawh kallai buai khawpin kum dangah pawh kan pawt thin a ni a, vawiinniah Dan a hetiang kan khung pheh hi chuan kan pian sumin a daih loh nasat tur zia hi Department tam tak chuan ka tuar leh dawn a, a pawh hle dawnin ka hria.

Tin, hei a Dan laimuah te chuan a tha, a tha lo vek chu a ni hauh lo ang a, fel tak tha tak lai te pawh a awm ang a, sum lak luh dan te, thuneihna an chan dan tur te, sum endik dan turte kumtin Annual Report House a an pharh leh khatiang famkim lohna a awm chuan he Dan hi siam that theih anih tur thute an ziak a, hengte hi thil thar zawng ani hranpa chuang lova. kalphung pangngai mai ani tih hi a lang niin ka hria a.

Vawiinnia a pawh ber leh tha lo ber nia ka hria taka chu Municipality aia he Aizawl Development Authority (ADA) kan hmanhmawh hmasa ta that mai hi khawpui mipuite hawi her kan han en hian Municipality lo nei ta ila emaw inthlang ta ila, keini lam hi kan tling leh lo mai ang tih hlauh vanga he Dan hi rawn duan chhuah mai nite pawhin he Dan hi a lang thei rum rumin ka hria a, kan in enchian hi a ngai hle in ka hria a, hetiang anga nihna sang takte Minister nihna te kan han neih takah hian kan in hmu ropui lutuk ta mai em ni aw! tihte pawh ka ngaihtuah a, tih tak emah chuan kan Minister te pawh hi Minister kan nih hma kha chuan kan awmna bialah, kan vengah te VCP a an iai ngawih ngawih te pawh kha kan ni mai thei a ni. Hetia nihna pawimawwh tak tak kan han neih tak avanga midangte leng lo em ema zuk hmuhte pawh hi thil pawh tak niin ka hria a. Chuvangin khawpui mipuite rin ngam lohna kan ti lang chiang hle mai hi a pawh hle in ka hria a. Municipality Bill siam turin Term hmasa lam atangin

kan ruai tawh a, tin, Pay Commission te kan din a, mithiam tak tak sum tam tak tak sengin kan ruai a, thil tak tak chungah chuan an rawn ziaak chhuak a, ramim a a kal siamna tur laimu an rawn ziaak chhuak a, amaherawhchu chutrang sum tak tak senga kan rawh a, sorkarin chutiang hmang let duh chuang si lovin, thil dang dang kan han paw chhuak leh thin hi, thil fello tak miin ka hria a, hei hi mahni inhai vurna ringawt Dan siam leh thinna nun ka hria a, hetiang hi kan sim tha zawkin ka hria. Pu Speaker, nichina kan member zahawm tak ten an zawt tawh ang bawk he Dan zawng zawng hi a tha love, kan ti a ni lova amaherawhchu, mipui te pawh kan in ring tawk lova, he Dan hi tumahin kan chiang kuang lova, hemi han ennawn leh nan hian Select Committee-ah khan refer mai ila a tha lawm ni tiin chu chu ka han thlang a ni e.

**SPEAKER**

Pu Andrew Lalherliana, i lo sawm ang.

**PU ANDREW LALHERLIANA :**

Pu Speaker, ka lawm e. Hei vawinah Bill rin loh tak Aizawl Development Authority Bill, kan ngaihtuah dawn a ni

a, khawpui hi manage na hrim hrim hi a kalphung chu sawi loh a! Mizoram chu sawi loh, khawvelah, India ram pawh hi a ni. A kalphung hrim hrima hi chu khawpui in enkawlina hi a autonomous tur a ni a, chu chu a kalphug a ni a. Chumi anih avang chuan Aizawl pawh a lo lian ta e, khawpui hi mahnia in enkawl ve theih tawh a ni a, khawpui dang ang bawkin in enkawlina hi i chher ve ang u tin movement a lian viau a, Municipality Bill te pawh hi putluh hi kan beisei hlawmin, mi thenkhatte phei chuan helam panga nawr tur ang rengin Pressure Group te pawh in siamin hma an la a ni. Aizawl leh a chungah cheng hote-ah hian vote han la ila engnge kan duh ber ang ti ila an duh chu he khawpui hi a in enkawlina tura autonomous body siam a ni. A hming kan vuah danah eng pawh niselangin, Metropolitan Council kan ti dawn nge, Municipal Council kan ti dawn nge, Municipal Corporation kan ti dawng nge, a body he khawpui enkawlina tura kan rilru in a suangtuah danah chuan autonomous body, amah a thui tak thuneihna keng hi kan

duh dan vek a ni. Chu chu khawvel kalphung a ni. Hei hi party tin te pawh hian kan kalkawngah hian policy atan kan lo nei ve tawh a ni, tuna party awm zawng zawng hian. Kan beisei danah pawh kan MNF Ministry pawh hianin Municipal body siamna tur bill te hi a putluh kan ring a, kha kha kan lo beisei tlangpui manifesto te nena en pawhin a ni a. Tah chuanin tuna a dinimun hrim hrim hi han en chuanin centralise sa a ni a. Aizawl administration hi Department hrang hrang a awm a, amaherawhchu PWD te pawhin Aizawl khawpui hik atan Division te kan siam a. Tin, LAD te a awm a. Khaiang khan Department pawhin Aizawl khawpui enkawlina tur hi a tawpah Chief Minister in a khaihawwm turin awmsa a ni. Kalphung pangngai a ni. Tahchuanin Aizawl khawpui in enkawlina tur hrim hrimah hian lo chhuak tur a ni a, beiseinaah chuan ka sawi tawh ang khan Autonomous body tur a lo beisei anih lain. Vawiinnia Aizawl Development Authority hemi Bill kan hmuh hi kan beisei ang a ni lova, tin, kan duh thu pawh a sam lova. A bill hrim hrim han en a helaia Aizawl Development Authority a a changtu tur te, a neitu tur te, a member tur te han en pawh hian a duannaah hian a autonomous lampang leh mipuite duhdan ang deuh a kalpui lam ai mahin hei hi a sorkar hnathawk kut chhuak a ni tih hi a hma a kan sawi tawh ang khan a chiang em em mai a. Mipui aiawh kan han dah te pawh hi MLA te hi kan dah hniam khawp mai. A nihna takah chuan Vice-Chairman hnuaiah te hian mipui aiawh chuan han duang se an dah ngei ngei ang. Amaherawhchu, hetah ABC han chhiar thiak char char a q-naah a awm a, a mawnglam pangah hian. Chuvangin heta tang ringawt pawh hian a duangtu te hi a hriat theih a ni.

Tah chuanin helai Aizawl khawpui in engnge kan memawh kan tih chuan Aizawl khawpui hi tunah hian eng body pawh siam dawn ita lo khat sa lutuk leh thil harsa tak mai a mi luahkhah tawh thil han tih dawn pawhin mipui te cooperation-an atang lo chuan thil tih hleihtheih loh khawpin kan khat sa tawh a ni. Eng Authority pawwn rawn ding dawn se a pawimawh ber chu mipuite, a chhung a mite ngailidan la a chumi te duh dan ang zawnga kalpui loh chuan kawng kan zawh dawn emaw, eng hmunawl awl emaw kan han siam dawn a, mipui tana amenity kan siam tur reng rengah hian a chhunga cheng te tana pawm awm leh anmahni an (participate) an telve na ngei ang chi body hi kan siam a ngai tlat a ni. Chu chu Aizawl khawpui awmdan hi a ni tlat mai a ni. Chuvang chuan a tha ber chu Aizawl khawpui enkawlina tur hrim hrimah hi chuan heng a cheng ten a an duh thal a anmahni aiawh a an ngaih te

hian kan enkawl a tul flat. Chutah chuan amaherawhchu, kan han siam danah hian kha lampang kha ngaih pawimawh a awm talo reng reng a. A body hi 'Over Centralisation' in Centralise sa a in centralise leh zualna tuna a thuneitu te bak mai nilo hian interek hrang taka tlem tiin thuneihna inbel a kalpuina tur chi hi a ni flat a ni. Sum leh pai hman tur pawh hi a tira in manage tur ringawt mai Rs. 102,57,000/- kan han duang chhin a. Pawisa lo kal tur zawng zawng nakinah develop-na tur kan ngaihtuah phei chuan a vaibelchhe tel lo kal tura beisei sa a ni. Chu chu mipui aiawh leh representative reng rengin a khawih ve lova helaia a tlem te 'Over centralise' a Chief Minister hnuaia a tlem tein an manage tur ang reng zawnga kal anih avang hian a ngaihtat thlak loh a ni tih hi mi rin dan a ni nghal hrim hrim a ni.

Tin, tuna a body-ah pawh hian han chhut chiah mah ila a rawn kalchhuah chiah chuan MLA te leh a VC te awm te hi chu an pawimawhna hi a tlahniam nghal ngawih ngawih ang. A participate ve theihna tur hi a awm vak lo. Mipui aiawh MLA pathum han tih te pawh hi a nihna takah chuan recognise party MLA zawng zawng te aiawh hi chu a tlem berah an awm tur a ni. A nihna takah phei chuan party len dan indawt pawn in awm tam hleih deuh mahse a pawl lo. Amaherawhchu, kha khan mipui a represent flat a ni. Chutiang chuan mipui aiawhin a an enkawl a, mipui duh dan anga kal a, mipui zai zap a thil tih hi Aizawl khawpui hian a ngai flat a. He body erawh hi chu authority a lian em em a 'over centralise' deuh mai a in duang sa a kalpui a nihna kawngah hian hei hi a pawm awm loh em em a ni, he body rawn rawt chhuah hi.

Chuvang chuanin Mizoram in a kan mamawh chu Municipality a ni e kan ti a, party tin pawn kan lo ti ve tawh a ni. Chumi han duan a khami te body lian siam a an han function dawn a, chu an 'function' na turah chuan Aizawl Development Authority hi min tanpui turin kan hnuaiah function se kan duh a ni tiin kha Municipal body khan hengte hi chu ta siam chauh zawk tur a ni. Kha vang khan a in leitung tiat. Sakawr hma a tawlailit dah ang deuh a ni a, kal ngaihna a awm flatlo a ni. Municipal body, mipui aiawh thlan tena an hmanrua tura hi kha body awm hma khan kan siam tihna a ni. Khavang khan hei hi a dik lovin ka hria, Pu Speaker, Tahchuanin hei a chhunga body han en hi chuan a bill a a clause te, eng hrang hrang emaw han en hi chuanin, amah hrim hrim han en hi chuanin, khalam

pang kha chu luh ka tum hran lo. Mahse he bill a hi lo tih puitlin anih pawhin a hmangtu tur Aizawl khawpui aiawh body siam anih siloh avangin tun dinhmunah chuan nghak rih ila, la pass lo ila, Municipal body emaw Metropolitan Council te emaw siam phawt ila, chung body in Aizawl khawpui develop-na tur leh a enkawina tura an mamawh ang chi tur rawn ngaihtuah chhuah a, an duhdan ang zawngin Delhi khawpui mil nilovin Aizawl khawpui milin Aizawl khawpui aiawhtu tena ani hman tur an rawn duanchhuah ngei tur ang kha kan la neih zawk ngaiin ka hria a. Chuvangin, he Bill hi chu i pass lo hrang ang u.

Tin, a hma in Municipal Bill emaw Metropolitan Bill emaw he khawpui amah a in enkawina tur Autonomous body siamna tur hi i dah hmasa phawt ang u, chutianga kan tih hunah chuan Aizawl Development Authority Bill to hi a thuneitu dik takin an kenna tur ang hun a lo thlen chuan chutianga chuan kan la siam zawk dawn, nia, tih ka sawi ve duh ani e. Ka lawm e.

**PU K. LALRINLIANA**

Pu Speaker, ka lawm e. Vawin niah The Aizawl Development Authority Bill, 2005 put luh ani thei hi lawmawm ka ti

a a changtu Minister zahawm tak a takawm hle in ka hria a. He thahnem ngaihna lo irh chhuah dan rawn move na a a rawn sawiah kan Chief Minister zahawm tak thahnem ngaihna he Aizawl khawpui tawt lutuk tawh tih ngaihna awm tawh lo a la tih theih mahna eng emaw chen hi chu ti a ngaihtuahna hmang chho tu tur atana ruahmanna hetiang kan Chief Minister zahawm takin a rawn hmang hi a lawmawm in ka hria a. Keini District Headquarters te pawh hian ngaihtuahna kan hmang nasa tan tawh a, tunah hian, tun atanga District Headquarters ahte pawh hian hetiang ang min huam ve tu turte pawh hi neih hma tha kan ti tawh khawp a. Kolasib te pawh khu a tlai tawh a ni, Serchhip te Champhai te pawh a tlai tawh zawk a, tunhna atanga lo kalpu tawh zawk tur ani a, ngaihtuahna uluk takin mi thiamten kan sorkar hnathawk expert tam takte nen ngaihtuah a siam chhoh a ni hi a bul tanna ani chho chauh mai pawh hi vawinmah ciuan tih ran tur niin ka hria a.

Keini thingtlang lam atanga lo kalte phehi hi chu duh anga Aizawl khawpui tawt lutuk leh traffic jam reng mai, in sak dan mumal loh avanga khawi lai emaw lo zau thut a, khawilai emaw lo zim leh ang chi in min tih buai nasat zia hi kan hre Chiang a, lehlan te kan duh thin a. Traffic avanga lang thei lo khawp a tlai phahnate kan nei thin ani. Chuvang chuan he Bill hi chhuanawm ka ti a. Tin, kan sorkarin Bill tam tak tun session chhung pawh hian kan pass ani a, nimin lawkah pawh VAT chungchang te kan pass a, ngaihtuahna kan Minister ten kan ram tana tha tur leh mipui tena kan chhawr tur kan himna tur chiak taka an ngaihtuah thin hi a ropui ka ti a. Pu Speaker, i volama thute pawn thil tha turah chuan an sawisel tam ngai lo ani a. Vawinniah pawh hian a hranga a sawiselna a awm chiah lova, la in zir Chiang deuh the ang u tihte ani main ka hria. Tunah hian chapter 2 The Aizawl Development Authority and its object tihah hian section 3 na te ah khan kan Chief Minister Chairman na tur tihah, khan who shall be the Chief Minister ex-officio tih ani a. Kan Saitual bialtu Pu Zira khan a rawn sawi a, MNF Chief Minister Chair na tur rengah a rawn sawiin ka hria a, kan lalna reng tura ngaihtuahna a lo hmang kha lawmawm ka ti a, kan la kal chho dawn zel ni te pawhin ka hria a, anni lamiin nini pui kha lawmawm hle in ka hria a, mahse, helaiah hian zau taka ngaihtuahna a awm ani, who shall be the Chief Minister a ti a, a tute pawh Chief Minister an la rawn ni ang tupawh an lo la sorkar thei ani, chungte chu zau takin a huap a, MNF Chief Minister ani chuang lo ani. Chuvang chuan, helaiah hian fimkhur takin a ngaihtuah a. Tin, a 4-na teah kha the appointment of the Vice Chairman the Town Planners members and the engineering be whole time, the Vice Chairman shall function an the Chief Executive of the authority a ti ani. Chuvang chuan, Vice Chairman a kha Chief Executive ani dawn ani a, full time in a thawk chho dawn a, a thawhpui tur mi thiam tak tak an awm mai bakah hian Mining Engineer te, kan ENC te mi chi hrang hrang a bika thiamna nei Chief Town and Country Planner te, Head of Geology and Mining te an tel dawn ani a, tin, mipui ten an duh taka an thlan kan MLA zahawm tak tak 3 an tel bawk dawn ani. Chuvang chuan, mipuite rahbehna leh tih bingna tur ang kha ani lo ani tih lai a kha kan hriat tlan a tha in ka hria a. Mithiam ten ngaihtuahna an hman theihna tura expert kan neih theih chian kha telh anni a, tin, Law and Order kenkawhna tur chungchangah pawh kan mi top hote an han telh a chumi mai bakah Aizawl khaw mipui ina duh taka an thlan MLA te an la tel bawk ani. Chutiang chu ani a, chuvang chuah hei hi kei a him

tawkin ka hria a, a tul tawh si a vawunni atanga kalpui nghal hi a ngai tawh in ka hria ani. Chuvang chuan hei engemaw linghing te pawh tawngthuche lovah kan tawng lovang tih pawh hi a sawi theih lova kan khawvelah hian. Tin leiminte nasa tak kan tawng thin a, hlauhawm tak tak vawiinniah pawh hian a in tam thum ani. Nichina kan Minister zahawm tak kan LAD Minister in a sawi ang khan tih ran hi a hun tawh ani, kan control a hun tawh a. Tin mipuite hian Committee ina (Authority ina) a function hunah pawh a mipuite rahbeh lohna tur atan pawh helaiah dan hrang hrangah Law and vet na chungchangah khan hmuh tur tam tak a awm ani. Mipuite pawn an sawisel vena tur tam tak a awm ani. Chuvang chuan helaiah hian mipuite zuk rahbehna tur bik ani lova sorkar intih bikna leh te reuh tea mipui control tunna ani lo ani tih hi a chiangin kan hria a, chuvang chuan he thil hi pawimawh tak zet zet ani a. Vawiinnia a hetiang kalpui ani thei hi lawmawm ka ti a. Mi ram khawpui te tunah hian a rawn thil telah hian Statement of objects & reasons tihah khanin a chiang em em a. Hei Delhi khawpui te tunhma 1957 khan an lo nei tawh. Hemi dan zul lohna tam tak awm avanga tih danglam anih te pawh a rawn ziak lang ani a. Chuvang chuan hei hi khawpui dangah pawh an khawpui onkawlna tur atan ruahmanna an siam a, body hrang hrang an lo din a, a mover ina kan Minister zahawm tak ina a sawi ang khan municipality te nen pawh hian in clash na tur in tihbuaina tur a awm hranpa lo ani. A hranpa in a rawn la ding thei a, hei hi a hranpa in a kal thei bawk ani tih hi a chiang em em a. Hmun dangah pawh an kalpui theih chuan keini pawh hian kan kalpui theihloh na tur hi a awm lovin ka hria a, chuvang chuan vawiinniah Pu Speaker, he Bill 'The Aizawl Development Authority Bill, 2005' hi pass ngei ila, hmang ngei ila sum leh pai chungchang thleng pawn ruahmanna fe tak a rawn siam ani a kalpui hma hi a tul tak zet zetin ka hria. Pu Speaker, ka lawm e.

**PU SAILOTHANGA SAILO**

Pu Speaker, tlem han sawi ve kan duh mai a nia, ka rilrua lo awm hmasa ber chu eng Bill pawh pass ila kan Aizawl

tan, kan ram tan a tlai chhe lutuk lo ang chu maw tih ngaihtuahna a rawn kal hmasa lo thei lo a. Hei Mizoram Municipal Steering Committee ten thuchhuah an siam a, an thuchhuahah chuan Mizoram

sorkarin Aizawl Development Authority siam tura ruahmanna a siam ta mai hi a lungchhiat thlak an tih chu ihuchhuah chuan a sawi a. Chutih rual rual chuan 'The Mizoram Municipality Bill' siam peih a, sorkarin a neih chu pass thuai turin sorkar an ngen nawwn leh thu an tarlang tel bawk a. Engpawh niselangin he 'Aizawi Development Authority Bill, 2005' siamtute leh a buatsaih tute hi an rilru leh ngaihtuahna zawng zawng an hmang ang tih kan ring a. Hah pawh an hah phah hle ang, amaherawhchu, duhtu erawh chu a sam lo deuh ani tihai kha han sawi lan ve hrim hrim kan duh a. Tih tak ve si-ah chuan a tak tak zawk 'The Mizoram Municipality Bill' hi han pass ta law law ila chuan a thawven thlak awm mang nge aw ka ti deuh a. Tin, he Bill-ah hian duhthusam han sawi leh lawk ilangin representation hian hmun luah tam thei deuh sela chuan a lawmawm khawp in a rinawm a Tichuan, Pu Speaker, hemi Aizawl Development Authority (ADA) a body han siam hi tlema han sawi hmasak kan duh leh bawk a. A body kalphung hrim hrim hi a thalo tihna lam ni hauh lovin representation hi hei aia tam deuh hian tih dan a awm lawm ni. Tin, mipui thlan MLA te hi body a member ni tura Aizawl khawpui chhung ami bik chauh mai han tihte pawh hi a zau fawk lo thei a. Aizawl khawpui chhung ami chauh tilo hian MLA tu pawh remchanna nei kha zawng zein leh Party pali atanga MLA kan lo awm anih chuan member pathum tel tur ni siah 4 kha chu a lo daihlo anih pawh party tin atanga 3 tal te kha chu he body-ah hian member nih theih dan hi zawn leh awa tha em aw ka ti a.

Tin, chulo lebah chuanin hemi object of authority han tih hi thu a nei fu mai dawn a. chuti laiah chuanin party hian kan kal leh palli ang em aw tih kha a hlauhthawn awm hle in ka hria a. Hei, kan kal tawh dan leh kan experience lai mekah hian party induhsakna a hluar hle mai a. Rawngbawltu pawh rawngbawltu nih kha a sawi thei bik lova, a hnathawhna leh a thil tihah chuan kohhran mi a nihna leh rawngbawltu a nihna kha a lang reng reng lo. 100% in party ani ringawt mai a ni. Kohhran tiang atanga han thlir chuan rawngbawltute an lo ni a. MLA/Minister te au lo nih chuan, "Ani chu rawngbawltu a ni a, a zia ang tiang ang em em hi chuan a ti velo ang, a kal ve lovang" kan lo tih thinte pawh hi an lo nih ve chiah chuan a zual zawpui vahhlehlo tih ang mai an lo ni tlat zel mai hi a mak ka ti a. Chutiang deuh chiah chuan helaiah pawh hian a objective of authority han en hian a powerful fu mai a, "Nang kha engatinge helaiah in i sak ngawt? Kan thiat dawn" a ti thei tlat a ni. "He i building, Assam type hi sorkarin a duh, kan nei dawn" a ti thei vek mai a ni. Chulaiah "E, nang chu kan ngaidam thei che" a ti thei che" a ti thei bawk ani. An thu em em mai dawn si a. acquire te leh



khami dispose-ah khan. Individual property-ah mihring property-ah minimal property-ah nasa takin hei thu a nei lawi dawn a. Helai tak mai hi kan misuse ang tih a hlauhawn mang e aw ka ti a. Dik chiah chuan helam atanga rawn thir chuan sorkar dan kan thiam tawk lova tupawh hi. Mihring kan nih chhungin kan pian tiri atanga kan thih ni thlengin, kan experience te, kan memories te a improve tur ani, kan zir chho tur a ni. Chuvangin helai ah pawh hian sorkar tlang atanga han thir hi chuan selfai viau thei a, thuneihna tlang atang chuan. Amaherawhchu, a dik a dawk, a ni em? nilo em? Tih tlang atanga han thir ve erawh hi chuan hlauhthawn tur tam tak a awm thung ani. Chuvangin helai hi fimkhur tak in, sorkarna chelhtu apiangte tan hian ngaihuahna hman nise a tha khawpin ka ring.

Tin, a dawt ieh atan chuan khawvela kan awm chhungin sum leh pai mamawhna tam tak a awm a. Hei hemi Aizawl Development Authority hian Financial Power sang tak mai a nei leh dawn phawt chu a ni a. Mahni ten emaw budget an siam hial ang a, tahchuan a crore tel emaw a tul dan a zirin kan pe chho dawn niin nghe nghe a. A bul fanna chu engzat pawh lo ni sela, he Financial Power hi a sang hle dawn a, hetah pawh hian tuna kan kal dan phung han on hi chuan a hlauhthawn awm khawpin ka hria. Zokhaw lama kan kal chuan BPL member ni tur ringawt pawhin kan thlem a. Party-ah kan lut duh a nisi lai kha hre reingin he Financial Authority a neih dan hi, nei tak mai tur an nih lai hi a hmangtute hian hmang thiam hram hram sela ka duhpui khawp mai a. Tichuan, kha inhmun lo ram pek nante emaw, vote zawn nante emaw an hman ber anih kha chuan he ADA hian a tum hi a thelh Chiang em em dawn a. Chuvangin thuneihna kan neih hian kan thiam tawk ve hauhlo ang a. Amaherawhchu, kan thiam lohna pawh hi zir tel zelin he kan ADA te pawh hi thil thar a rawn ni dawn a, Dan thar, thu thar, kal dan phung thar a lo nih dawnah hian zirtir tam tak hi a awmin ka ring a. Tichuan, Pu Speaker, a tawp berna atan chuan eng Bill mai pawh hi pass in eng Rules mai pawh hi hmang mah ila a hmangtute kan zir leh chuan a tha tak tak thei chuang lova, engpawhnise Bill hi han en chian leh a han bih chian leh phawt atan dahthat leh rib hi tha ka ti a. Tun atan hi chuan la pass lo deuh hiek ila, fello lai leh engemaw te hi awm thei ani a. A siamtute leh a titute hi an zahawm rual rualin la muang chan leh deuh hlek hi thain ka hria a. Tichuan, he ADA in a rawn ken tel tur tam tak hi fimkhur thei anga kan hman loh chuan sawi ang khan min hruai sual a, a nilo lama min hruaitu tur a ni ngei dawn hian a lang a. Chuvangin he sorkar pawh hian fimkhur zawkin

ngaihtuahna dang hmang lehn, a maikhat thei ang berm tihdan hi a zawng leh thei lawm ni? Tin, a body hrim hrimah pawh hian Representation hi a tel tam thei ang ber neih dan te ngaihtuah thar lehn, tin, a Bill hrim hrim hi from time to time a, amend theih anih pawhin amend zung zung te hi a lo remchang fo lo thei a, chuvangin tuna kan hman hma hian fimkhur taka han enchian leh phawt mai hi a tha e, ka ti a ni. Ka lawm e.

**PU SAIKAPTHIANGA**

: Pu Speaker, hun min pek avangin ka lawm e Hei Bill pawimawh tak mai vawinniah kan sawi hova, kan sorkar lam hi kan ring khawp mai a, Bill hmasate leh he House a thil lo lut tam takah hian hnial pawh hi kan hreh khawp mai a. Famkimlo deuh lai a awm pawhin siamthat leh theih thil tam tak awmin kan hria a, chutiang chuan he House-ah hian kan kal thui viau a. Mahse, vawinniah Bill hi rin aini a khauh dawn ta a niin a lang a hei kan han sawi dan atangin, kan han hnuhtirh atangin famkin lo duhte leh eng eng emaw tur tam tak a awmin kan hria a, kan Legislator Party atanga rawn sawi ber Pu Liansuama Phuidungsei bialtu zahawm takina a rawn rawt ang deuh khan a Bill-ah pawh lut thuk vak lo leh kan neihte pawh zu phawk chhuak tehchiam lovin hei hun hi a la awm bawk a, he Bill a lo luh tak avanga lirngching leh leimin han hlahu thar em em te pawh hi a hnungah hian engnge maw awm vang mai ma niin kan han ngai thar ve deuh zel a. Tichuan sawi tum vak lo pawhin kan ngaih pawimawhte sawi an tul chho ta a, Pu Speaker, tawitein han sawi ka duh a.

Aizawl Authority, Aizawl Development Authority "The Authorities shall consists of the following members" an tih 19 zet mai awm a mipui representative 4 chauh mai a lo lang ringawtah pawh hian Election dawn laia kan manifesto kha kan tlansan ta kha a ni tih kha a chiang khawp mai a. Election dawna laia kan manifesto-ah khan Aizawl Municipality kha kan sawi mek a ni. Chuvang chuan engvangin nge Election dawna kan dinna chu mai pawh nilo, session hmasaah pawh member zahawm takte zawina leh discussion-ah Aizawl Municipalities Bill hi peih tep a ni a rawn chhawp chhuah mai tura kan sawi a kha vawinniah hian kan tlansan

tak thut mai tih kha zawhna lian tak a lo kal ta a ni a. Kha Bill a kha a bul atanga tan tur emaw hun la duh rei lutuk tur nise chu a hmanhmawwh thlak vut vut nia kan hriatnate pawh hi a ngaihthiam theih viau a ni a.

Hei Aizawl khawpui ro min relsaktu tur Delhi Development Authority zulzui han tih lai pawh hi a in anglo nghal chat mai a. Anni chu an han tantirh phai khan an Lieutenant Governor Chairman a ni a, keini chu kan Chief Minister zahawm tak kan ring lo ni lovin, kan Chief Minister zahawm tak kan Chairman phawt a. Tichuan helaiah pawh hian thil Chiang lo la awm ka rinhlelh zawnga zu ngaihtuah chuan Vice-Chairman chu sorkarin a appoint tur a nia an han ti a, Vice-Chairman-ah hi chuan mi pawimawh tak leh mipui aiawh ngei appoint a ni ang tih hi chu kan ring sa mai a. Town Planner member to be appointed by the Government. B-naah An Engineer member to be appointed by the Government an tih laite pawh hi MBCC lama hetiang ang thiam chi te hi kan dah daih mai ang tihte hlauhawm deuh mai a ni a. Hei mithiam pakhatin thil a ziaak a, helaiah hian kan sawi ang a, tunah hian Aizawl neitu siam tumin hma kan la mek a ni a, ADA kuta kan dah chuan State sorkar mi leh sa ten a enkawl dawn a, Municipal kan din erawh chuan Aizawl mipui kutah Aizawl future hi a awm thung dawn a ni tih a ni, a Chiang khawp maia hei hian, mi ziah a ni naa ka ngaihdan dik tak a ni a.

Tin, DDA chungchangh a tir atanga DDA chungchang khaipa ber pakhat S.S. Safi phei chuan DDA hi khawvela in hmun leh in hmun lo ram sumdawngtu lian ber "Largest real estate Agency in the World" a ti a ni. Khangte pawh kha thleng thei ani he dan hnuaiah hian. Vawinniah hian neitu chan chang tak tak tena an enkawl tur ruahmanna a ni a. Tichuan hetah hian three members of the Mizoram Legislative Assembly from Aizawl City to be nominated by the State Government with the approval of the Speaker of the Mizoram Legislative Assembly an ti a, a tha khawp mai a. Hengahte pawh hian MLA te hi kan dah hnung lutuk mang e aw tihte chu ka rilruah a awm deuh a ni. A dik tak chuan Commissioner te, Director te kan zu engemaw lam ni lovin kan mipuite enkawitu tur member kan nihna ah pawh heti em ema hnunga min han dah nghala hi chu 17-naah a dik lo tawp ka ti. Chuvang chuan he Bill tha tak anga lang hi kan han sawi kan han sawi a, a behind-ah hian awm a awm a ni. Chuvang chuan en uluk lehzual kan deliberation, kan discussion atang hian en uluk lehzual a ngai ta em em a ni tih hi a lo

lang chiang telh telhin ka hria a. Chuvang chuan Pu Speaker, a Municipality kan tih mai hi Election laia kan dinna theuhah khan Ruling Sorkar lam kan ni ta zawk emaw opposition kan ni ta zawk emaw kan zavaia kan dinnaah khan ding ila hawh u ding ila kha kha i buatsaih mai ang u. A dang rek rek lo hian tih kha kan rawt duh a. Tichuan vawiinniah pawh dan kan nei a, dan nei reng reng lo anga in sawite hi a dik lo a. Dan kan nei a, hei hetah pawh bung 64-naah hian 'the provision of the Mizoram Urban & Regional Development Act 1990 as amended from time to time is so far as they relate to the matter dealt within this act are hereby repealed with effect from the date this act comes into force' a ti a. Hei hi kan nei reng ani tunah pawh hian Aizawl khawpui kan enkawl theih loh chuan Aizawl Development Authority atang hian thil danglam lutuk a awm lo mai ang a, tih a hlauhawm a ni. Entinan, Pu Speaker, kan Officer te, kan Sorkar hnathawk lian te, kan zu ring tawkle tihna lam ni lovin, anmahni appoint tute khu kan Officer te pawh hian an ring em em ang hian, keini pawh hi min thlang tlingtu hote hi chu kan ngai pawimawh em em mai a ni.

Hiemanniah ka bialah In a kang a, mi pathum an kanghlum a. Radio in a puang a, tanpuina an pek tawh thu, vawiinniah Mamit D.C ahte ka han enquire a sanction chu an lo siam tawh a ni. Mahse, kha kanghuma te chhung leh Phailenga dandawiina awmte khan cheng khat mah an la dawng lova. Kei chuan ka vei em'em mai a, ka neih chhun chhun ka zuk thawn daih tawh a. Chutiang chiah chuan Municipality leh he Aizawl Development Authority hi a danglam dan tur chu, tih chu an ti lovang tihna lam a ni lo. Mahse, a naka zen tute kha an tlem lutuk ka ti a, chuvang chuan Pu Speaker, he thil hi uluk takin kan sawiho a, kan sorkar lam pawh min hrethiam ve hram turin leh hei hi zir chian ho na atanah a pawimawh a. A chhan chu Mizoram Political Party zawng zawng hi kan mualpho dawn a ni. Election laia kan thutiam mipui hnena kan zawrh kha a ni a. Chuvang chuan, keini chu a pass naah hian kan tel thei dawn lova. Khatiang Party Party sawi lova kan tibkhawm hnuah NGO te, vawiinah pawl hrang hrangte nen hawh u le. Municipality hi kan la thei lo deuh anih pawhin, hetah hian i kai ang u, heiai te hi i siam uia ang u, tih a awm crawh chuan thudang a nia. Chumi a awm hmaa vawiinniah kan in namnul ang ringawt hi chuan Pu Speaker, min hrethiam sela Ruling lam pawhin kan Policy leh mipui hnena kan zawrh dik leh tha pawh nia kan hriat a ni a. Chuvang chuan, vawiinah he Bill hi kan thlawp mai thei lo a ni, tih ka sawi duh a. Chumi rual chuan, enchian deuh atan hun siam ila, a kawng chu Pu Speaker, min hriatsak zawk vek ang a. Subject Committee a thun luh kha a rem mai lo anih pawhin, a remdan kawng zawng tlang ila tih kha ka han rawt a ni e. Ka lawm e.

PU F. LAL THANZUALA

Pu Speaker, ka lawm e.  
He Bill tuna kan ngaih-  
tuah lai Aizawl Deve-  
lopment Authority hi kei

chuan Pu Speaker, thil tul tak niin ka hria a. Member zahawm tak tak ten an han sawi thin khan ka lo ngaithla a, Municipal Board kan neihna daltu angin an ngai niin ka hre deuh a. Mahse, kan Minister zahawm tak pawh khan a sawi chiang a. Hei hi anih lohzia a sawi a, thil hrang an ni a, he Aizawl Development Authority hian Municipal emaw kan neihna kha a dal chuang lo a ni. Mahse, hei Municipal kha chu a nature kha a politics ve riau a, inthlan te a awm dawn a. Tin, a chakawmna tak kha a awm ve a ni. MLA-ahte kan in ding daih lova, khatiang anih avang khan han chuh ve tur thil tam tak a awm ve a, Political decentralisation tha tak pawh a ni a. Khami awm tur kha he Development Authority hian a dal lova. Hei hian a tum chu Aizawl khaw chhunga khawpui lo zau zel te, In sak dan te, kawng siam dan te, than lendan thalo a kan than a, nakina thangthar lo kal leh zei tur tena harsatna tam tak kan lo neih theih tur sukiang tur khan he Authority hi a awm dawn a ni. Chuvangin, Municipality nen khan confuse tur a ni lova. A dal pawh a indal lo reng reng a. Hei hi chu a stop hmasa a ni tih a chiang a. Kan Minister zahawm tak pawh khan a chiang a ni. Chu chu a pawimawh hlein ka hria a. Municipality neih chu a pawimawh a, a sawi mawitu pawh an tam ka ring a ni. A chhan chu khatah khan din theihna chance tam tak a awm ve a. Member tam tak thlan a ni dawn a. A chakawm a, sawitu pawh an tam ang. Mahse, a nature kha a politic riau a, tuna mi erawh hi chu a nature hrim hrim hi a politic lova. Khami sorkarin Authority hmanga Aizawl khaw chhung a siam na thil thalo turte thandan dik lova kan thang turte mipui vantlang dip zawnga thil lo kal turte siamfel tura hnathawk turte khan a ti a ni. Chuvang chuan, MLA te tam tak zu inthunna tur chi pawh kha a ni hauh lo zawk a ni. Kan han sawi kan han sawi hian beurocrat lam leh mipui representative te inkarah hian thil lian tham tak a awm ni pawhin a puan theih lek lek a. Hei hi awm duh tak pawh a ni a. A nature ve hrim hrimah hian hei hi chu sorkar ban pakhat tur kha a ni a. Hemi Aizawl khawchhunga MLA te engemaw zat tel ve theihna kawng a inhawng kha a tha tawk em em a ni. Tin, hemi MLA te telve thei turah hian Ruling Party ami a ni ang, tih pawh a awm chuang lova. Tihian engemaw zat tunah hian MLA 8 lai awm a ni a. An zingah chuan a fel ieh a tha apiang kha thlan tur a ni a. Chuvang chuan, ka ngaihdaan chuan hengte hi chu han kher buai tehchiam ngaiyah ka ruat lova. A kaldan hi a thuangtlam tha em emin ka hria a ni.

Pakhata ka han sawi leh duh chu. Delhi Authority in zultui ang deuh a kan tih kan deuh dek dek a. Thil finthlak tak kan sawisel a. Delhi te chu khawpui rei tawh ani a, experience a nei tam tawh em em a. He Authority function a an kal chhohnaah khan thubuai tam tak a awm tawh. Court in thurem tam tak alo nei tawh a ni. Court in thu a rem tawh chuan dan ani ve tawh mai si a. Chuvangin buaina awm thei tur Court a in putlurna awm thei tur lakah khan thurem thui tak lo neih tawh te atanga kan Authority han duan a kha a finthlak em em a. Khami atang khan, Delhi nen chuan kan in ang lova, a buah pawh a ziak a, blind copy a nilo tih ani. Aizawl khawpui atan a inhmeh tur leh a appropriate a kha la in lokal tawkin harsatna alo tawh te Court a inkhin buaina awm then tawh te pumpelh theih nan hei hi an rawn duang zawk ani. Engatinge ni thil finthlak tak hi a sawitu hi kan sawi loh aw kati ani.

Tin, Municipal Authority hi thil chakawm tak ani a, kan han inthlang ang a, Staff tam tak te an nei ve ang a, sum leh pai tam tak a kal a ngai dawn a. Chu chu khawi atang nge ni ang. Anni khan chhiahte an siam leh em ni ang. Tahchuan, thil a tam rilru alo chhuak ta ani. Chuvangin a Municipality tak tak hi tunah hi chuan ti rihlo ila, kan ti dawnlo tihna ni lovin. Hei hi a hmasa a tih ani mai dawn a. Kan state sorkar kan la pachau a, Delhi chawmin kan awm a. Mahse, keimahni lamah kan in khawn ve sauh sauh a. An duh zawng leh titur a min tihte alo ni a. Budget-ah te kal tirin kan hmasawna awmia kan Delhi sorkar te an hirih in tiang khan tih chhoh zel ani a.

Khatiang anih laia expenditure nasa lutuk teh thut ai chuan Aizawl Authority atanga tan a, kan mamawh zual In sak thu-ah te kawng siam thu-ah te kan mamawh tawh a. Tin, limging hi tuna kan hlauh thut lam ani lova, kan hlau reng a, mahse, limging hlauhawm tak thleng thei laka in thiar fihlim dan kan tih hleih theih loh vang ani a, hei hi authority rang deuh tak nei ta ila. Tichuan, heng hlauhawm lo thleng thei sawi lawk theih siloh laka inbuatsaih theih nan thil tha tak alo ni ang a. Tunhnaiah phei chuan limging a zing em em a, tin, kan ram hi Global warming vang nge lei te hi a min duh ta reng mai a, ngaihtuah thar tur a tam em em a. Chuvangin Aizawl Development Authority kan tih chuan mi Insak dan rel sak theih alo ni ang a. A size leh sei lam thlengin safety alo thien dawn ani.

Chuvangin hei hian Municipality a dal si lova. Khawpui engemaw zatah a thiingin a awm ve tho a, engahnge a khawtlai zawnga kan tih ang? kan sitting-ah ngei hian pass ila tha in ka hria. Tin ram acquire thu te sawi chhuah ani a. Private ram an neih tawh sa laksakna kawng ni lovin ram remchang dan ang pangngai a neiin chungah te chuan in te sa in mi tam tak luahtheih tur ang chi te kha siam ve tur ani a. Calcutta-ah te pawh an siam a, sorkarin in a sa chiam a. Khatiang kha tih ve theihna kawng te a in hawng ve dawn a. Mirethei in sa ve theilo te tan luahmai theih tur tam tak a awm dawn ani. Chuvangin he Bill hi lungrual taka pass a tha hle in ka hria, Pu Speaker, ka lawm e.

**PU ZODINTLUANGA**

Pu Speaker, hei vawiinah a hma a sorkar te pawh in kan lo nghahfak thin Municipal Bill te kan chai dawn emaw tih lain Aizawl Development Authority Bill kan chai ta zawk a pawh ka ti hle mai. Kan Opposition Leader khan kan Speaker zahawm tak thlanna neih tum khan, kan sorkar chu a tul leh ram tana tha tur atan chuan kan support tlai dawn che u a tih kha ka la hre reng a. He House zahawm takah pawh hian ram tana thil tha Bill tha kan ngaih chu lungrual takin kan pass pui thin che u ani a.

Vawiinah member ten an sawi nual tawh a. Aizawl khawpui hi chei that a ngai a, kan hriat angin chhiat rup lo thleng se engtingge ni ang? Han in chhanchhuah ngaihna awmlo khawpin a awm a. Mahse mihring chengte khawpui cheibawl leh enkawlna atan chuan Municipality zawk hi ani tlai ani. Vawiinah hian kan sorkar hi hmanhmawh lovin, Aizawl Development Authority Bill buaipui lo hian, ka member ruling lam atang pawhin an duh Municipalities that ziate an sawi a. Khatiang ang nghak tur zawk khan kan sorkar hi ka rawn ngen duh a. Chuvang chuan Pu Speaker, thil thaah hi chuan kan support thin a. Hei vawiinniah pawh hei hi chu a la tha love, hmanhmawh lo deuh ang u, a tha zawk Municipalities law law te hi nei ila kan ti a ni mai a. Chutiang angah chuan kan Bill move tu ngei kan Minister pawh kha tlawmah la lovin kan member zahawm tak tak tena an rawn rawtna ang Select Committee ah khanin dah leh phawt nisela tha in ka hria a, tawite in ka rawn sawi a ni.

Tin, kan Bill a chapter two a te pathumna hi tlem han sawi ve ka duh a. Hemi a body tawn siani chungchang hi, nichinah kan Saitual bialtu zahawm tak khan a sawi tawh a. A Chairman atana kan Chief Minister an awm tlat mai hi keipawhin awm lo ka ti ve deuh hlek a. Chief Minister a ni reng mai ang tihna lampang nilovin, ram pum Chief Minister, Department leh kan ram enkawl tuin helai khawpui chhung pakhat mai Development na tur anga Chairman an ni te hi a tul awm lo mang e aw thildangah ngaihtuahna tur leh hna a ngah si a tih kha kan sawi ve leh duh a.

Tin, Salary hi nuai 57.57 leh motor leh thil eng eng emaw lei nan kumkhat chhungin nuai 45 dawn lai mai hetah hian ruahmanna an rawn siam a. Hei a Bill Body kan en hian a tam zawk hi chu sorkara hlawh sang tak tak nei deuh vek an ni a. Hemi act ina a pek theih, Salary a pek tura hi chu Vice Chairman leh Secretary leh Staff tlemte han ni mai awm a ni a. Chutiang angah chuan in kan pawisa hman belh tur te hi tiang anga body lian siah hian, a body-ah pawh member sorkar hnathawk hliir tamnaah hian pawisa hi a tam lutuk em aw tih hi ka rawn ngaihtuah a.

Tin, hemi pathumna tho P.Q.R hi Head of the Geology & Mining tih te, MLA leh prominent tih te, MLA leh prominent citizen te hi clause paruknaah hianin allowance eng eng emaw he Authority atangin an nei thei ang tih chauh a ni a, 'd' na hi Head of the Geology & Mining a ni a, sorkar hnathawk tho mai. A dang zawng zawng pawh hi Head Director te an ni a. a ni bik hi engnga ti bik nge ni allowance hmu tura kan tih bik tih lai hi ennawn leh tul in ka hria a. Tin, nichinah an sawi tawh a. Aizawl khawpui chhung atanga MLA pathum member an ni ang tih lai hi vawiinnia he Bill rawn siam tute hianin Pu Speaker, an ngaihtuah dan hi an rilruah an dah lutuk in ka hria. Vawiinniah hian MLA chu Aizawl khawpui chhungah pathum chiah kan nei a, a dang zawng hi chu Minister an ni a ni. Anaherawhchu, he bill ang hian lo kal tlang ni ila, Minister Aizawl khawpui chhung a mite hi Minister an nih vek loh hun te pawh a awm thei a ni, chutiangah chuanin MLA pathum chauh kan han dah hi a body zau zawka a number anga dah lovin khawpui chhung atangin MLA a tul ang in dah a ni ang ti ang zawng te pawn dah ila, pathum anga kan tih chuan vawiinnia kan sorkar body ang hian rilru hi an pe lutuk em ni chu aw ka ti a. Chuvang chuan hengte pawh hi ennawn leh atan a tha in ka hria a. He kan Act in a sawi he



ADA hi a lalin thuneihna a inpe nasa em em mai a. Helai tak hi nichin a kan member dangte pawhin an hlauhthawna lai a ni. Executive body, sorkar ina a form, a chairman leh vice-chairman executive authority tura a dah atanga a dang zawng hi sorkar hna thawk salaries, sorkar atanga hlawh neia awm an ni. Heng hian thil tam takah an power hi mis-use sela, hlauhna tur hi an nei tlat lo. Mipuite emaw Municipalities chu nita ila mipuiten an thlang ang a, thil tha emaw thil tha lo an tihnaah pawh khan accountability, mipui te laka action an va lakna atang khan accountability an nei ang a, an thil tih turah pawh an fimkhur ngei dawn a ni. Amaherawhchu, vawiinniah chuan heng kan power pek zawng zawng te hi an ni ang tan chuan hlauhna tur an awm lova, a dik in hna nghet an nei sa tawh a, mi pawl va sawi ta nisela, an power atangin thil tam tak tih theih a ni a. Hengte hi a that lohna a ni a. Chuvang chuan Pu Speaker, he kan bill hi hun remchang zawk a ngaihtuah leh atana Select Committee a dah atana ka rawn rawt ve leh a ni e. Ka lawm e.

#### PU LALTHLEGLIANA

Pu Speaker, ka lawm e. Hei kan Aizawl khawpui mangan thlak tawh zia leh a dinhmun te han hawi velin thaw a ipik thlak zia te kan hre vek mai a. Chutih lai takin Aizawl Development Authority Bill, helai house zahawm takah putluh a lo ni hi lawmawm hle in ka hria a. A sorkar tawh apiangin kan vei a, Pu Speaker, I veilam a mite pawh khan an vei a, an hun kum 10 chhung khan helai Panchayati Raj te an ti a, Chaltlangah te khan Workshop te an han nei a. Khatih lai khan an Chiang lo nge ka hre lova, Panchayati Raj phei hi chu Nagaland leh Mizoramah hi chuan hman loh tura tih a ni a. Amaherawhchu, kan duh ta ngang a nih chuan Assembly-ah pass in chumi hnuah kan duhna te India Sorkarah thlen thei kan ni chauh mai a. Chutiang chu a nih lain khatih lai khan Workshop te dinin nasa takin an ti dawn ta emaw tih tur khan an bei nasa a, a bute pawh an siam a, keipawh in ka la kawl a. Pu Chawngthuama te pawh khan a bu kha an han buatsaih a ni a. Chutiang chuan Municipalities te pawh hi a lo ri thin a. Vawiinniah kan bill leh municipality hi chu a inang lo em em a. Sawi in an kan han tum deuh thuak thuak a, kha kha a ni lova, an in an loh dan hi Hlawng vuaka mat dap ang deuh a ni a. Mahse, tunah hjan kan Aizawl khawpui dinhmun te, kan chep tawh zia te kan Chief Minister zahawm takin a vei hle a. Car parking te,

Aizawl khawpuih Kulikawn atangin Bawngkawn thlengin hmun remchang i dap ang i ti a. Tichuan dapin kan han bei a. Chungte chu loan tam tak tak pek tum an ni a. Mahse, Car parking pawh kha lo ti ila, kawnga kal hrim hrim hi motorah pawh kan han tawh phawt a. Tin, heng motor te lo tawhna chhan hi engvang nge kan tih chuan PWD in kawngpui reserve an nei phawt a. Mahse, chung chu encroachment hi kan bei vek a ni a. Alkatra chim chin hi, a dum lo china hi chu mahni zawna tih luh tum vek mai, kan kawt kariah thirhri ban a awm chuan chumi chin chu hung tum tlat mai kan ni a. Tuna Town and Country Plan, hengho te hian an ngaihtuah tak tak hlei thei si lova. Thuneihna an nei hniam em em a. Tin, hmanni lawk khan sawlai vengah sawn an hming chu sawi lo mai ila, in hnawksak takin an sa a, V/C ten an va sawi a. Officer pakhat chuan khatiang khan stay order te kan han pek tak na che a, V/C ten an sawi si a, "Lo sa mial mial mai rawh u" an han ti a. Khatiang khan ro a rei hleih theih tawh meuh lova. Tin, PWD in an ram humhalh tak tak an tum lova, revenue in chutiang bawh chuan tu zawk tih tur nge tihah hian kan buai chho a ni a. Anmahni pawhin inkian tawn siin tuma ven lohin kan ram hi kan khawpui hi a awm ta a ni. Chu chu a dinhmun a ni a. Tunah hian mi tam tak ngaihtuahna kei pawhin ka tuipei em em Aizawl khawpui thar hi din ila. New Aizawl tih rawtna te pawh hi ka nei thii a. Amaherawhchu, lo din dawn pawh ni ila, kum 20 bawr vel hi chu he Aizawl khawpui hi Aizawl a ni reng dawn a. Tin, khawpui thar pawh lo ding sela Commercial Centre hi chu a ni reng dawn a ni. Chulaiah chuan helaia kan in leh lo sak dan te, hmanna kan member zahawm tak tak ten he House chhungah ekin rimchhiate leh sa talhna hmun an han sawi te. helaia House a uar taka kan han sawi anga te kha heng ang hi a lo awm chuan ziaawm takin kan kal thei turah ka ngai a. Tunah hian duh tak tak ni ta ila, Municipality te angte pawh hi kum 10 chhung kha chuan Pu Speaker, i veilama mite khan dinna hun an neiin ka hria a, an din lohna kha an demawm ka ti chuang lova, a chhan chu Mizoram sum harsat dan te, hetiang hi lo din ila, helai khawpui chhung hi inthlang ramah lo siam ta ila, a sum ken te leh a nek nawka kha a tam em a, harsatna tam tak min thlen thei ala ni rih si lova, kan la afford lo a ni lawm ni tih hi vawiin thleng pawh hian ngaihdanah a piang lo thei lova, chumi chhung chuan kan ziaawm deuh dah lawm maw tiin helajah kan sorkarin nasa taka ngaihtuahin hetiang anga thu neihna powerful deuh kan han pek chuan kan Aizawl khawpui te pawh hi kan in control thei ang a. Kan ziaawm deuh ang tih kha ngaihdan an neih lo piang chhuak ta hi a ropui hlein ka hria a. Delhi-ah Mizoram House kan nei a. Khu pawh khu kan compound chhungah

pawh extent dawn ila, Delhi Development Authority phalna lo chuan a tih theih reng reng lo a ni. Tunah chuanin kan han sa a, V/C te an inllifak buai lai emaw, inthlan lai tumah khawtlangan thu nei vak an awm loh lai chuhin kan duh duh lai kan pawm mai a ni. Chutiang chu kan nih avangin vawunniah hian kan Aizawl khawpuih hianin thawkehham lek lekin kan hawi tawh a ni ber a. Chuvangin chuan kan damna tur hi kan zawh hi a ngai tawh hrim hrim a, chuvangin he bill hi a tha tawh em em mai a, vawunniah hian sawisel vak loin pass mai ila, hun lo kal zelah kan budget te pawh a lo pung zel a, kan sumte pawh hi a lo tam ta bawh a. Chuvangin, "Municipality te pawh hi kan nei a hun tawh lawm ni?" kan tih hunte pawh a lo thleng a, chutah chuan a hunin min la rawn nawr chhuak ang tih pawh hi ka ring a. Hei hi a tha lo kan ti hauh loya, tin, Municipality Bill lo chhuak dawn anga he Bill lo chhuah avanga han ngaihthatna tur pawh kha awmin ka hre lo. Chuvangin tuna kan kai phunga hi a tih ngaihna a awm tawh loh avangin, he Bill kan pass thei a nih chuan, heta tang hi chuan kan Aizawl khawpui inenkawl dan tur hi tha zawkin, in leh lo sak that danah te thuneihna sang zawk, tin, kalphung tha zawk a lo awm chuan kan ziaawm ang a, ongemaw tiin kan la insiam rem thei ang a, kan tawt lutukna pawh hi ziaawm lam pawh a pan ang a, a tul nek ngaite nek turin khang kha a pawimawh a ni. Amaherawhchu, hengah hian Pu Sailothanga rawn sawi pawimawh laite pawh ka nei a. A chhian chu mipui an thuhmun fo lo tih angin kan sorkar hnathawk han tiar vakah te pawh hian, tam tak fei em em an awm lain, thenkhat chu Social Worker ni lo, khawilanga inhmang lo, khawilanga kan hmuh ngai loh, Office-ah nilengin an thu a an lo hawng a, an inah an tawm a. Zingah an Office leh ringawt. Chuti teh chiamin kan Aizawl khawpui pawh hian vei lo, an in leh an compound an vei duh viau a ni. Heng ang thil kan tih dawn tak tak chuan tunah pawh hian khawpui MLA bik pathum han tih laia kha Rules te kan la siam dawn a, kan Chief Minister zahawm tak pawh hian lo ngaihthatna seia, kha aia tam te kha a that ka ring a, tin, khawpui chung MLA kha, khawpui siam kan tum anih chuan, hetah hma han la tak tak dawn ila, a bialah mi luhlul tak, hausa fu si, Party lama thil tihei tak a awm thei, chumi nek pawh chu alo harsa viau mai thei a ni. Chuvangin khawpui chung MLA ti kher lo khan helaia Chapter - 2 (Q) a a ziak hi 3 members of the Mizoram Legislative Assembly from Aizawl tihlaia hi, hemi bik laia pawh hi tlem a tihdanglam deuh chu nisela a tha khawpin ka hria a. Tin, hetah Ruling Party emaw, Party lo emaw pawh kan awmpawh te pawh a tha ang a. Khawpui siam hi kan duh tlang a. Tin, thawl theih pawh hi kan duh a, kan khawpui hi a him pawh kan duh tlangin a

lang a ni. Chu chu anih theihna turin helaia hi chu enchtan deuh hlek, in helaiah Bureaucrats kan hian tiha te pawh hi lehlamah chuan Social Worker, a ram mipui vei chi an ni nge vantlang tana nung anihthe pawh hi kan thir tel a ngai a. Nihna nei mah ita thinlung ina kenloh chuan thil tih hi a har fo thin a ni. Chu chu vawiinniah hian hengte hi chu a tlangpuiin a Bill ruangam hi a tha em em a, helaia Committee han form dan leh engemaw laiah hian engemaw siamthat theihthe ani em? tih laia te erawh hi chu min han hrilh sela, Pu Speaker, i veilama mite pawh hian lawm takin he Bill hi min pass pui theiin ka ring a ni. Nakinah chuan Municipality te pawh hi kan la nei em em ang. A hunin min ia rawn neihtir mai dawn niin a lang ani. Ka lawm e.

#### PU LALHMINGTHANCA

Pu Speaker, ka lawm e. Hei, Aizawl Development Authority Bill, 2005 hi nia kan Minister zahawm tak LAD changtu hianin mumal takin a rawn buatsaih chho va, a taimakna te leh tin, a buatsaihtu Department te pawh an fakawm ka ti em em mai a. Tikhan lawnthu kan hrilh duh a. Amaherawhchu, thil hi enchian a pawimawh khawp mai a. Hei, Mizoramah hian Dan hi kan siam zauh zauh va, hemi recruitment rules te pawh hi Department hrang hrang te hian an siam a, tunhma lam atangin. Amaherawhchu, chutah chuan thil lo in zep tel engemaw hetia vantlang ina han ngaihtuah a, va hriat phak chiah siloh, kawh leh tum bik, mimal emaw engemaw te alo neih palh hianin pawl thui deuh hi a awm fo mai a, a hnuah kan buaipui fo hlawm a, chung chu mi tam tak hei member ten an hre em em in ka ring a. Hetilai han en vang vang pawh hian a Authority consist of the following members, namely - a ti ta a, hetah hian Chairman-ah Chief Minister zahawm tak an dah a, kan House Leader zahawm tak mi buai tak ani a. Chief Minister nihna dinmun hi State pakhatah chuanin a sang ber leh a lal ber leh a buai ber a ni a. Hemi Chairman anih hi a fello em em in ka hria a, a lalber anih tlat bawh avangin. Heta a function dan tur han sawi hian, an sawi hi chuanin hemi Vice-Chairman hi Executive Head ani dawn ta a, chuan meeting neih reng a ngai ang a, Chief Minister hi chu a tel hman tak tak dawn lova, chuan a function dan tur han en hian kan rama lalber, tumah ina kan huaisen phak loh leh khatiang ang tawh kha, ama hming hawh hianin he thu neihna sang tak hi Aizawl khawpuiah hian an exercise dawn ta ani a. A Hall hi a zau leh lutuk a, a sorkar dinglai tan pawh. Tin, a

mimal/Chief Minister mimal tan tak pawh khan hei hi chu a thain ka  
lure lo iak tak a, ka chhina leh tha hriatna zawng zawng a kan  
ngaituah pawhin.

Tin, Vice-Chairman atan hian  
sorkar in a Appoint ang han ti ta a, khalai tak te kha a Democratic  
lohna lai ani a. Tichuan, Town Planner Member Appoint tur ani a. Tin,  
Engineer member te appoint tur an ni a. Hengah te pawh hian an huai  
lawk sa thilte pawh awm thei ani tlat mai a, nichina kan sawi ang  
khan, recruitment rules ahte pawh hian thil fello hi a awm thin.  
Khatiang ang lai mipui influence tak tak turah engemaw Individual  
Influence alo inzeh palh hian a khawhpawia hi a thui lutuk thin a.  
Chuvang chuanin heng a dang Ex-officio tur Chief Secretary tihte leh  
Commissioner tih, Dy. Commissioner tih ang zawng zawng. Bureaucrat  
kan han tih hi chu officer duansa hlawn an ni a. Annahni pawhina  
hna tam tak nei, kan ram develop na atana Aizawl chauh pawh nilova  
a pumpuia mawhpurhna neite an ni a. Ex-officio an han nih khan Idea  
Contribute tur tha tak tak pawh an nei ang a. Thil hialawn lomloh  
tak te pawh a ni ang a. Tin, a thuneihna han pechhuak tura hi a Source  
of Authority tak tak a chu he House hi anilo theilova. chutah chuan  
heta 3 members chauh heta tanga lo chhuak tur, chutah pawh a order  
of priorities-ah hianin a ABC a han chhian thlak a Q-neah chauha han  
dahte hi kan hrinchhuah tur siah chuanin thil inmillo deuh mai ani a.  
Hetilai House atanga member an awm anih chuanin a order of  
Presidence ah chuanin a sang tur ani a. A chhan chu, a bring chhuaktu,  
a parents kha khami representative tur hetilaia dah pawh hi a fuh ta lo  
hrim hrim mai a. a construction kalhmang leh hetiang angah hian.

Tin, heta Aizawl khawpui  
chhunga mi anni tur ani han tih kher laia pawh hi nichina ka sawi  
ang deuh hlek a, engemaw rilruk awmsa kha a ang tlat mai a, tuna kan  
House Composition te leh member Aizawl khawpui chhung atanga thlan  
tiin kan awmdan te. Tin, chuta tanga Minister awm chhoh dante,  
chuvang chuanin thil hrisei zawka a kal theih nan hengah te hian  
Political recognised party atang zela pakhat emaw pabnih emaw chuti  
zawng a kal chi chu niin ka hria a. Tichuan Authority lan kan zuk en  
hi chuan, hei hi vawikhat kan hman tawh chuan Aizawl khawpui ah hi  
chuan talber te talber anni dawn ani. Chu chuanin kan Chief Minister  
kha, Chairman a nih bawh si chuan, engpawh hi lo ti sela tumahin a  
chunglamah pellet Authority tih leh Authority dang pawh hi han awm  
reng pawh nisela, a aia sang tur hi a awm dawn lo ani. Chuvangin a

pianto ah hian thil thenkhat khang hrisello han siam that ngai laite kha a awm tlat mai a. Kan member zahawin tak Phuldungsei bialtu, a rawn sawi hmasa bertu in a sawi ang khan. Hei hi Select Committee-ah khamiah danin a phut ang taka substantial motion a te kha chu, a lo lut lo chung pawh hian. Pu Speaker, Minister zahawm tak leh kan Chief Minister ka ngen duh a, Select Committee-ah refer nisela khan ang member ten doubt an neihna ang kha sawi ho ta ila. Khatah khan kan House representative hi awm ta theuh ila. Nangmah pawh kha kha chu, Minister leh House Leader ten rem an tih chuan min constitute thei ma a Formalities lo deuh pawhin House in rem a tih chuan, kan lo ti tawh thin a, tunhma lamah te pawh. Term hmasa pawh khan, Land Tenure Act, kan revenue Minister zahawm takin a rawn putluh khan, hei hi chu dan rawn lut a ni a ramin Land Reforms hi a mamawh a, kan land tenure system te pawh hi tih danglam a ngai tawh a. Mahse, a awm dan han thir leh, hei tendency han tih te hi, democracy term ni tawh lo kalsan tawh deuh te kha a ni a. Siam that ngai lai lai siam that nisela. Select Committee-ah hian refer ta ila, House in rem a tih chuan. Substantial motion chu a lut chuang lova. Mahse, House in rem a tih chuan, Speaker te, Minister te leh House Leder te rem tihna khan kan han function chho a, kan revenue law hi tha deuhin kan han duang ta a, lungrual takin House a pen a nih kha. Chutiang chuan, tunah pawh hian heng hi thir tlang ta ila. Tin, mipuiin an enghelh ber kha corporation kan tih, Indian Constitution amendment 74 na in a kentei, India Constitution Article 243-a lo lang ang te pawh kha. Hei nen hian a inkalh lo, tin, kan Minister te pawh khan a clarify-a engpawhnise Aizawi khawpui a mi leh hemi kan roreina chhung ami ngei pawhin. Tin, Mizoramah hmun dang amite pawhin, khawpui hi V/C hrang hrangah inthen darh a mumal neilo a awm der ai chuan, khatiang ang, Municipality kha mahni tawka lo beiseina leh duhna thirlung a lenlai tak lo ni bawk si. Tichuan, comprehensive deuh tak pawhin a thir theih ang a, thil inkalh lo pawhin a siam theih ang a. Tichuan la hla deuh pawh hian tih dan awm se a tha in kemi Legislature Party chuan kan hria a. Tunah pass mai lovin, kha kha kan ngaihdan nghet deuh mai a nih avangin a detail a a chhung zuk luh a ngai em em a, kan ngai lova. Tichuan he thuneihna ang hi, thuneihna sang tak mai, sorkar chhungah sorkar leh ang deuh awm thei ur a nih vang hian, simkhur a ngaiin kan hria a. Tichuan a Authority lai tak, helaia englote pawh hi uluk zawka thir a, tulin ka hria a Delhi-ah Development Authority khu, Zoram House kan sak lai vel khuan a Minister-in-charge kan ni a. Kan indawr nasa khawp mai a. Khu pawh khu a fuh zan lo a ni, Authority kal hmang a kha thu an nei lutuk a, tichuan Indian

Constitution-ah tih danglam an han duhna laiah pawh khan, land dealing leh engkimah pawh khan, an thuneihna sang lutuk kha mipuite tan hnawksak deuh tlat mai a ni. Chu chu keini pawhin kan experience deuh a ni kan tih vel lai khan. A hminga PWD Minister leh Revenue Minister ka nih avang khan ka dawr nasa em em a. Chuvangin hei aia refine deuh zawk a, kan ram mil hi tha in kan ring a, keini Legislature Party hian khati zawng ni lova, a ban tam zawnga kan in nawr a kan pass mai dawn a nih chuan, a pass nash hi chuan keini chu awm loh te pawh kan duh a. Mahse, Select Committee te pawh kan nei a, khatianga kan tih kha chuan, kan ram tan a tha ber hi kan tih chhuah ka ring a. Hmanah pawh land revenue bill thilah khan, kan House Leader, Chief Minister na hnuaiah hian kan tih tawh a ni. Chutiang chuan precedent a lo awm tawh a, ngaih dan kan han nei a. Kha kha kan thlir dan pawh a ni a, Pu Speaker, ka lawm e.

**SPEAKER** : Heta tang hi chuan ngaihdan hi a chiang tawh khawp mai a. Hei ADA hi ka veilam atangin an duh tawk lo deuh ani, Municipal hi a ni lawm maw ni le. tin, a dan pawh hi han en ila, a dan duan a hi engemaw enchian deuh ngai lai te a awm a, Select Committee ten la ti ta sela a tha lawm maw ni le? tih ngaihdan kha a awm a. Ka dinglam atang chuan A! hei hi a hun tawh hle ani, pass tawh mai ila tih kha a ni a. Select Committee chungchiangah kha chuan leh thildangah pawh hian dan kha lalber sela. House Leader ten emaw i ti ang hmiang an tih kha chuan House thu thu kha a ni ang a. Chumi anih loh kha chuan kan ngaihtuah zingah kha chuan a tel chiah lo ani tih kha ka'n sawi duh a. Tikhan kan ngaihdan kha a chiang tawk ve ve tawh a, kan englo dawn em niang? Nge ni kal zel phawt ila kan ti em ni? Pu Duha hi a phar hmasa berin ka hria. Pu Lalduhoma ilo sawm ang.

**PU LALDUHOMA** : Pu Speaker, ka lawm e. Hei Aizawl khawpuiah hian Zoram mipui 1/3 vel lai kan cheng a. India rama khawpui thang

chak ber kan ni bawk a. Kan khawpui kan sawi sak thin danah hian kan lung chu a awi lo ihcuh ang a. Himun lo ram kan inpek thin danah te, sorkar ram te a building chawp hial te pawhin inpek changte a awm thin a. Chuvang chuan enkawltu kan mamawh tih hi chu phat thu a cheng hauh lova. Hei khawpui Plan tha tak mai te chu kan han hmuh phak ve chinah pawh mipui leh traffic te semruah a ni a, inchhawng sang te pawh awm phal lovin, khu Chandigarh te pawh khu traffic jam pawh awm hlei thei lo turin an han duang a, a tha hle mai a. Tin, School te pawh hi School bus ngai hauh lova a area amite kal mai theihna tur te in an ruahman a. Market te pawh hi Market pui stak chu awm tho mah selangin, veng tin maiah mipui mamawh chi hrang hrang awm kim tur tawk veng mal bik market te an dah vek mai a. A ruahlah thlak khawp mai a Chutiang chu kan mamawh tawh ngawih ngawih a, a hmanhmawh thlak ani tih hi chu kan pha hauh lova. Amaherawhchu, kan thai ta sa sa a, kan harsatna a mal te te a sutkian kan tum hi a dikin ka hre lova, a ruahlah lak kawp a, kan harsatna tam tak hi chin fel theih a niin ka hria a. Hei Village Council Act te kan sorkar hian an buaipui a, a V/C a lawng lawng kha a hranpa in zuk siamfel an tum ta ani. Chutiang chuan kan khawpuiah pawh Aizawl chauh kan han buaipui leh ta ani. Tunah hian khawpui dang tam tak Thingtiang khua thlengin Plan mumal tak neia kal a tul vek tawh lai hian a mal te te in thil kan han ti a, chubakah Municipal kan mamawh kan ti a, neih tha kan ti em. khawi khawiah nge kan neih a tihte pawh ngaihtuah fel a nih hma a Aizawl Development Authority neih hmasak tum mai hi a felhlel deuh lo maw? Heng thute hi heti maia ngaihtuah chian hma a kalsan chi niin ka hre lova, sawifel hmasak ngai kan nei a ni. Tin, Panchayati Raj te hi tha in kan hre tlang a, party tin pawhin kan Manifesto ah te kan telh a, mahse, hei kan han zir chho zel a. Pachayati Raj hi chu a vai dan khawp mai. hmeichhia chuti zat an tel tur ani tih leh eng engemaw zawm loh theih siloh, keini tana remchang zan lo te pawh hi a lo tam ang reng viau va. Sixth Schedule hnuatah hian keimahn Legislative Assembly hian a tlukpui hi tha takin kan duang thei tho ani tihte a lo ni chho zel a. Hengte pawh hi Pu Speaker, zir chian phawt a ngai ka ti. Panchayati Raj nge tha a Sixth Schedule hnuatah keimahnin kan ram ta tur kan siam mai hi tih te pawh hi inhawng takin sawi tlang ila. Tha zawk kan tihah kal ila, hei hi kan zir chian phawt a ngai rih ka ti a ni. Chuvangin, hetiang a a mal te te a la lo hian zoram puma administration a kan harsatna sukian tur hian Local Self Government hi introduce tawp chi ani zawk ani (Kan ram pum huapin). Village level-ah, Block level-ah, District levelah, State levelah, heng tuna kan sawi lai zawng



zawng rawn khawih nghal tur hian grass root level administration atanga rawn intanin kan rampun tuam tur Local Self Government Bill kan sorkar hian rawn ngaihtuah zawk sela, chumi hma chuan Party tinin concensus te pawh nein ngun takin ngaihtuah tlang ila, kan ram lana a tha tur tak tak kha ngaihtuah ila a tha ka ti a. Chutilova vawiinnia hetiang a mal te te a kan tih zeuh zeuh a, nakina siamthat ngat leh mai tur chi buaipui to mai hi a tha ka ti lo a ni.

Tin, he Aizawl Development Authority Bill hi han en reng reng hian a Autonomous lo lutuk a. Tunlai khawvelah de-centralisation zawnga mi an kal a, thuneihna insem sawm an tih a, Panchayati Raj te pawhin a tum ber chu thuncihna sem sawm anih laia helaia thuneihna pumhmawm thei tur zawnga Bill a lo lut hi a vanduai thlak ka ti khawp mai. Pu Speaker, dik tak chuan hei hi lo awm ngat sela, a area chhunga V/C te thuncihna chu a nep ngawt tawh ang. A bialtu MLA hi member anih loh vek vek chuan a nep ngawt tawh ang. Khami area theuh va Department te hmalaknaah pawh Department ten thu an neilo hle tawh ang. Chuvangin, he ADA hian thu a nei dawn em em a, centralisation in khawvel kalhin kan kal dawn ani. Hei hi a dik lo ani. Tin, a member zawng zawng hi appoint tur vek an ni a. A tam tak te hi chu mi buai em em te an ni a. Chief Minister a Chairman ang a, meeting chu a khat fu emaw alo ni ang a. Vice Chairman leh Secretary leh Staff tiem te khanin Executive Work hi an khawih dawn a. Khami te kha an thu em em dawn ani. A mihring tur pawh tute emaw rilru-ah chuan an hual sa tawh mai thei Pu Speaker, chutiang chu anih avangin mi tlemte kutah kan Aizawl khawpui hi a awm dawn ani. Vawiinniah hian engatinge kan sorkar hi a hmanhmawh thut? Kan Aizawl khawpui harsatna rilru thianghlim taka chintel hmanhmawh thlak an tihna kan percentage nge sang ang a, mi tlemte in Aizawl Development hi han khawih ila, NBCC leh eng eng emaw kan ko lut a nga sum siam nan in che tak tak teh ang an tihna percentage hi? Hmanhmawhna tha loin a tur hmanhmawh zawk em niang tih hi ka rilruah a lian tlat Pu Speaker, ka ngaih hi a tha mial lo, chuvangin, he ADA hi, "A aw chu Jakob-a aw, a kut erawh chu Esauva kut" a ni tlat. "Kawng dik emaw kan tih diklo si hi, rinna mitin min hmuhfiah tir ang che" tih tunlai hia ang deuh hi a ni. Rinna mitin hei hi kan hmu fiah tlat a ni, dik anga lang, dik miah silo ani a, an nghahhlelhna chhan pawh hi a hrisello tlat Pu Speaker, chu chu thil awnzia chu a ni. Chuvangin, Pu Speaker, i ding lama ihu member zahawm tak tak te pawh hian thihlung chhungrilin ngaihtuah se ka tih em em chu, he Bill vawiinnia pass an chak ngawih ngawih hi

opposition an nih hunah tha an la ti zui reng a ngem? Nge, nakinah hian a hnawk ti berah an la tang ang tih hi inngaihtuah teh se, vawiinnia tute emaw tan chauha tha ringawt ni lovin hun kal zela kan ram tana tha chauh hi helaiyah hian lungrual a pass i tum teh ang u. Nakina hnawk kan la tih leh tur si hi vawiinniah hian kan lo sawi mawi palh ange. Chu chu in ngaihtuah se ka duh ngawih ngawih a ni.

Tin, ADA Chairman tur hi Chief Minister apiang an ni dawn a, an la in thlak zel tur phei chu a nia. Mahse, kan Chairman hmasa ber tur chu vawiinnia kan Chief Minister hi a ni dawn tlat a ni, hei hi ka ngaihtuahin reservation ka nei deuh tlat mai a, Pu Speaker, nikum khan Delhi ah Estimate Committee in Mizoram House sak thar khu zuk endik tumin an kal a. Dan ang chuan Estimate Committee member te chuan Engineer te kha an thutpui a nga, an ko a nga, an duh duh an zawt a nga, minutes engkim record an nei vek tur a ni, mahse, kan Chief Minister hian keiman ka escort ang che u a ti a, a lo hruai ta vek mai a. Heng Engineer ho hian engmah an hrelo, hei hi ka thiat tir a, hei hi ka sak tir a, tiin hma a hruai a, a kawhhmuh ta vek mai a. Tichuan Estimate Committee chu an tih tur ti thei lovin amahin a lo pusum tel ta vek mai a, kalphung thar mak tak a ni.

**SPEAKER**

Kan House Committee performance sawi vak kha chu a remlo ang a.

**PU LALDUHOMA**

Pu Speaker, chu chu ADA a kan Chairman hmasa ber alo nih dawn si chuan, Aizawl kan han Plan tak tak a nga, kan

Town Planner leh kan Engineer te aia thiam mah kha Chairman kan han nei a nga, Estimate Committee ang mai khan, an ai awh zo leh vek ang a, an khawih hlei thei lo leh a nga. Chutiang Engineer lutuk mai Chairman a neihte chu a tuhloh palh ka hlau deuh a ni. Chu chu ka hlauhthawma pakhat a ni a.

Tin, hei a member te hi han en ila, Senior pui pui hliir an ni a, humanio tak tak tur, a tak tak a hna va thawk a, va execute tu atan chuan kut ke dang an mamawh dawn hle in a lang a. Entiran, Aizawl Road Protection Squad kan tih ang chi te hi an la mamawh dawn a ni. Chuvangin Staff te pawh an la lak belh vak mai thei a. Tin, Committee hrang hrang he ADA hnuaiia ding tur hi eng emaw zat a awm dawn niin a lang a, chung Committee din dan tur leh a composition leh an member lak dan tur engmah a awmlo va, an term pawh a awmlo a ni. Thunaituten an duhdan dan a khawih theih turin langsar lo tak siin dah niin ka hmu a, hei hian ngaih a ti thalo hle in ka hre bawk. Chuvangin, Pu Speaker, conclude-na atan chuan nimin maiah to pawh Bill lungrual takin kan pass a ni. Kan ram tana tha nia kan hriatah chuan kan pass pui fo mai a ni. Heti taka keini helama thu tena thalo a kan ngaih ngawih ngawih thil hi chu min kaltlang pui lui lo sela ka duh tak zet zet a. A puluttu Minister hi a zahawm em em a, Bill dang tha tak tak a rawn pulut tawh thin a. Mahse, vawiina a Bill putuh kher hi chu kei ka duhdan tak phei chuan Select Committee pawh thlong lovin withdraw rih selangin, tichuan Zoram pum huap Local Self Government Acts hi duang zawk ila. heng zawng zawng huam tur hian. chu chu muang chang deuh pawhin ala ngaihtuah theihin ka hria a, kan tlai ta sa sa bawk a. Chutianga titur chuan ka ngen a, a withdraw theilo anih pawhin Select Committee ah tal dah phai thei se, ka duh ngawih ngawih a, ka ngen a ni. Thalo kan tih viau na na na hi chu alo thalo thin. He Bill pawh hi a tak tak a kan hman hun chuan, "E, khai, an lo sawi dik ngei mai" an ti ang. A system-ah hian corruption a hluar dawn tih hi a lang reng a ni, centralised power a nih dawn avangin. Chuvangin, a system hi ka duhlo a ni. Tuna a chelhtu turte hi ka zuk sawisel ani chuang lo, hun alo kal zel a nga, tupawhin chelh ila, hetiang system-ah hi chuan thlemna a sang sa lutuk a, a fuh lovang, kal sual a awl ang tih hi ka ring a, neihloh zawk hi a tha em em ang tih hi ka ring tak zet a, eng ang pawhin rawn sawi mawi selangin, min convince chuang lovang. Chuvangin he thil hi kal tlang lo se ka duh a, kan Minister pulut tu pawh ka ngen ani. Ka lawm e.

**S P E A K E R**

Kan House Leader kha nichin khan in a rawn phar a, kan hunte a tlai lam tawh bawk si kan sawi tawh viau tawhin a

lang a, House Leader hi a sawi duh dante ngaithla ve ta ila chumi zawhah Minister sawm ila kan ti tawp thei tawh mai a ngem? A nih leh khi dar 4 kan pelh hmel deuhva, pel deuh mah ila kan kal tlang nghal mai dawn em niang? A nih House Leader i lo sawm ang.

**PU ZORAMTHANGA  
CHIEF MINISTER**

Pu Speaker, ka lawm e. Hei kan Aizawl Development Authority Bill kan han khel tauh tauh a, a lawm-awm khawp mai a, kan mamawhna a vei tawh a. Mahse, kan duh angin kan chingchip hman lo tih kha chu a dik a. Mahse, kan mamawh si a. Chuyangin tunah rawn putluh a ni a. Kan mamawh zia hriattlan vek anih avangin mamawh na hi chu sawi pawh tulin ka hre lova. Kan kalkawngte maintain dawn a P.W.D. lam atangin Road selection squad te luah ila an nin a clear na tur chin chu an han clear a. Lehlamah chuan harsatna awm chu Revenue Department in an ram pek chin a lo awm a, chumi anga In sa tur chuan mitinin mi ramah phei chuan In sa lova, anmahni ram chhunga an In sak dan tur a ramri dep chiah mai a ban han phun te, kawng area rawn nekna te, a min mai thei em? a foundation a thuk em? eng anga chhawng sang tur nge tih zawng zawng pawh chung chu ngaihtuah angai a, leimin nen, In chim nen, Bang leh bang insi tukverh hawhna pawh awm lo karah khan kan Aizawl khawpui a development hi a kal a ni a. Chu chuan nikhat pawh hi a rei a ni, hetah hian Co-ordination han ti dawn mah ila, Revenue Department te, Aizawl D.C. te, P.W.D. lam te, Power Department te, P.H.E. lam te, chung chu Co-ordinate a, thutkhawm reng reng turin thil tih hleihtheih a ni lova, engemaw han thukhawm zawk mah sela, enkawl zui reng tur chuan a tih theih lova. Khami Law enforce tur chuan khawi dan ber nge kan hman ang, thuneihna keng turin mumal taka a Dan hman tur kha adap kual chhungte a lo harsa a, kan Dan neih pawh a chiang tawh lova. Chutiang chu keini chauh ni lo, mi khawpui te pawh an lo ni vek a.

Chumi anih avang chuan a develop-na tur hian development authority din a lo ni a. Hetah hian thil pahnih hriat loh a awm palh ang tih ka hlauh chu kan Member thenkhat ten kan hrechiang tawh lo em ni tih ngaihtuahna min pek chu municipality function leh development authority function hi a dang daih a. A dip pawh a indip lova, chuyangin khalai kha a engmah kha ain dip loh avangin a aw kawp a. Delhi ah te, Guwahati ah te pawh a awm kawp vek a ni tih ka sawi leh duh a.

Development authority in a function tur chu a structure pui kawng a kaldan tur atir a, plan ang tak leh a tul anih leh plan siam tharin, In sak dan tur a rinawm dan tur rawn encroach loh dan tur, a san lam leh a hniam lam, tin khami a scheme leh a project a kha a kal dan dan tur Engineer te leh mithiam ten a him an tih angin a kal tur ani tih zawng zawng a ruangam pui enkawl tur leh a scheme buaipui tur leh enforce tur kha Development Authority a ni a. Pu Speaker, member pakhat ang khan ka sawi ve a ni a, a Minister pawh ka ni love, chuvangin a clarify na kha tu Demand emaw a sawinaa kan va clarify ang kha a ni love, member pakhat ang khan ka sawi a ni a. Vawinah chuan member angin ka sawi a ni. Chumi a structure a dinna chungah kha chuan Municipality kha chuan a thianghlimna turte, tin, hetah a market maintain-na tur te, tax leh fee lo khawn dan tur administration kha a keng dawn a ni. Chuvangin a pahnih hi indip hauh lo a ni a. Engemaw chenah Municipality hna hi thawkzo chiah lo mah se, kan V/C te hian thui tak an thawk a, Sanitation te nen kalin, a tawk chu a tawk hauh lo. Mahse, tuna Aizawl khawpuiin kan mamawh ber hi chu a kawng an rawn encroach em? In sak kha a hlauhawm em? Tin, khami dan kha an zui em? A ruangam pui, a structure pui khami kha tuna rel fela khami bawhchhiate kha zu khapna kha tuna kan Aizawl khawpui ina kan mamawh ber, kan mamawh ngawih ngawih, chawlhkar khat pawh a rei kan tih hi anih avangin hei hi hmanhmawh pawh kan hmanhmawh a ni. Chuvangin hei hi Municipality khawih chi a ni love. Development Authority khawih chi a ni a. Delhi ah pawh an khawih a. Guwahati ah pawh an khawih a, chu chu akal dan a ni a, kan member zahawm tak kum tam tak service a lo awm tawhte phei kha chuan an hrechiang turah ka ngai a, khalama kha min rawn hrilhfiyah Chiang lo zawk a, keini aia hrechiang zawk zawk tur an ni a. Kan member zahawm tak kum tam tak service a lo awm tawh te phei kha chuan an hrechiang turah ka ngai a, khalama kha min rawn hrilhfiyah Chiang lo zawk a, keini aia hrechiang zawk zawk tur an ni a. Chuvangin khalaiah khan a function tur kha a dang daih a, a ruangam pui tura kha siam that phawt a tul a ni. In sak dan, kawng tih dan, hetia kal dan dik leh dik lo, chumiah chuan Municipality in a enkawlzui dan, athianghlim leh thianghlim loh leh thil dang an rawn thawk tur a ni a, chu chu a kal dan tur a ni a. Chuvangin khalaiah khan a function tur kha a dang daih a, a ruangam pui tur a kha siamthat phawt a tul a ni. In sak dan, kawng tih dan, hetia kal dan dik leh dik lo, chumiah chuan Municipality in a enkawlzui dan, a thianghlim leh thianghlim loh leh thildang an rawn thawk tur a ni a. Chuvangin hei hi kan hmanhmawhna cbhan a ni.

Tin, a dawt lehah hemi a Authority  
siam chungchang thuah Chairman kha, tuna kan Chairman hi Chief  
Minister kha a ni dawn si a, engtia Lal leh Chhandamtu nih fawm tur ang  
mai, M.N.F. Chief Minister Chairman-na han tih kha, hlauhthawn reng reng  
hi chuan Chief Minister hi chuti kawnga zuk thlir chuan a ni thei tho mai  
a, amaherawhchu, Guwahati Development Authority a an Chairman khu  
Chief Minister kha khutah pawh khuan a chairman ve thova. Chuvangin a  
hlauhawm vaklo a nih ka ring a. Guwahati Mizoram House kan sak dawn  
khan a san lam pang turah khan midang han chen phalo tur khan min rawn  
khap sak avangin khuta kan L.O. ten min rawn sawm a, Assam Chief  
Minister hi Guwahati Development Authority hnenah hemi a phalna petu  
ah hian min lo sawisak teh an ti a, ka va sawi sak a. Ni e, kan lo pe ang  
che u an ti a, tikhan thil engkim an lo enfel a ni a. Chuvangin a chairman  
kha chu ex-officio ani a, tupawh Chief Minister se an Chairman-na tur a ni  
a. Guwahati Development Authority pawh an awm a, khatah pawh khan an  
chairman ve tho a ni a. Khulama kan hlauhthawnpui vak loh chuan  
helamah pawh hlauhthawn pui vak tur a awm chuangin ka hre lova. Delhi-  
ah erawh chuan kan hriat angin hetah national capital pui te a nih avangin  
hetah L.G. ten a an awp lai a nih avanga L.G. an tih tir te an awm a. Tin,  
Advisory Board te Council te an awm a, a chhan chu National Capital tak  
tak a nih avang khan an ni chu a dan a dang deuh a. Tin, heta kan en hi  
Delhi development authority atlangpuiin kan en a. Guwahati Development  
Authority te pawh kan en a, a dang te pawh theih ang ang kan en a,  
chumi mil tur a Mizoram tan a, Aizawl tana tha nia ka hriat kan siam a ni.  
Tin, a hming ziak tlar chungchangthuah hi chuan hei hi order of precedence  
a ni lova, organisational set up system a ziah a ni, a lal dan indawt kha  
chuan ziak dawn ila, chairman Chief Minister a ni ang, adawtah khan MLA  
te kha a lal dan indawt tur a ni a, Vice Chairman awm hma khan MLA kha  
tlar phawt tur ani a. Chuvangin hei hi chu order of precedence a lal dan  
indawt a ziakna a ni lova, organisational set up system a ziah a ni.  
Chuvangin hmun dangah pawh heng hi chu, Chairman Vice Chairman,  
Secretary ti a tlar thlak thin ang khan tlar phawt a ni a. Chutah Ex-Officio  
nilo ti mai ila, hemi Office chelh te nilo a member dang tur a te kha  
Aizawl khawpui chhung atanga member 3 kha pawh MLA ni tur a, MLA  
tih khan thenkhat khan kan ngai thiam lo a Minister te kha telh theih loh  
kan ti emaw ni chu aw!! ka ti a, Minister te hi MLA vek kan nih avangin  
Minister pawh Aizawl khawpui atanga thlan MLA te chu tel thei vek an  
ni tih kha kan sawi leh duh a ni.

Tin, chutiang bawkin MLA 3 prominent member hemi expert kha duhthusamah tak chuan ni thei sela an ti a, chutiang pathum nen tin, NGO lama mi nen 7 dang member official nilo kha an tel dawn bawk a ni. Hei hi a policy siamtu tur hlawm a ni a, chuvang chuan Chief Minister khan han tih apiang a buai em em a awm a ngai lova. Chief Executive Officer tur ber a kha Vice Chairman full time a thawk tur ho khan Engineer te, town planner te, member an awm dawn bawk a. Chubakah full time Secretary leh Staff te an awm dawn bawk a. Khang te ina an mamawh ang zelin department a mi kha chu atul angin hman tur a ni. Chuvangin khalaiia kha pakhatnaah kan hrevokin ka ring a. Development authority hi a democratic e tia election a kal tir chi ani lova, Delhi ah leh hmun dangah pawh an kal tir lo tih kha chu kan hre vekin ka ring a, a democratic zawng a clection a kal tur chi chuan Municipality lam a ni a development authority hi chu hmun dangah pawh election a kal tir a ni lo. Hemi a MLA a kan inthlan na pangngai angah tih loh chu tih kha chu kan member te chuan kan hre turah ka ngai a. Chuvanga democracy lam term a tih tur a ni lova heng hi chu.

Tin, chu lo leha kan sawi leh duh chu heng a official pawimawh a P.H.E., L.A.D. Revenue te, Transport te, Town & Country Planning, Geology & Mining concerned te, hetah Chief Secretary te leh Finance lam pang te nen khang a concerned department kengtute kha hetah hian member an ni mai a. Tin, pawn lam atanga an rawn kal theih nan a bialtu hemi Aizawl khawpui bialtu MLA hmun dang ami kha chu a rem chiah lova, chuvangin hemi hi Mizoram tana siam ani lova, Aizawl tan siam a nih avangin, Aizawl atanga aiawh mipui thlan pathum pawh an tel dawn ani. Chuti zawng chuan a democratic khawp a lawm kan duh chuan kan ti thei alawm. Tin, chubakah midang pathum ruat tur ani a, Prominent person te leh NGO te nen chuvangin helaia a body kal tura kha chu a policy making body a ni ang a, an mamawh hun apiangah an inkhawm ang a, kha miin a policy asam a kha khami ang khan hei clean Mizoram -ah a body a awm a, a hnuaiah CEO te an awm ang hian a policy siamtu body hemi authority ina a policy siam chhungah CEO hovin an thawk dawn a ni a, chuvangin khalama kha chu engmah lal lutuk tur leh va tal tur anni hauh lovang tih kha Guwahati/Delhi ah an lal lutuk a tha lo tia a thiat emaw, khu chen lo kal tawh te khuan an ti hauh lova, a tul zia an hria a, kan hriat pui tlang a ni.

Tin, chulo leha ram duh duh Revenue Department ang mai a function a mi ram chhuh sak a tute emaw va pe a, In hmun som turah emaw kan ngai path ang tih ka hlau va, an ni hauh lova, Revenue Department leh Department dang chuan an function pangngai ang

thlakin an kal anga hei hian he development authority hian khawi ram mah a chhuh sak dawn lova, compulsory acquisition a tul a nih chuan sorkar chauhin dan angin a acquire ang a, chu pawh chu development authority-ah hian adil a a pe duh a nih chuan aleiin development authority hian a lei ang a, chuta tang chuan khami D.C. development kha asiam ang a, a mahin a development kha akal pui thei ang. Ama ram lei tawh chhungah tih chauh a ni. Chuvangin department dang hnathawhna kha kha tah khan a va enproached in a tibuai lo. Chutiang chuan mi khawpui ah pawh an kal dan ani. Amaherawhchu ram ruak a lo awmin lein emaw, a lei tawh a ma ram chhungah erawh chuan development scheme te kha siamin Housing Society te emaw, hmun danga an tih ang chuan a ti thei bawh ang.

Tin, chu lovah chuan hemiin an hnathawhna tur hrim hrim hi Aizawl Master Plan a awm ta a Aizawl Master Plan chhunga chumi anga thawk tur a ni. Amaherawhchu, ram a lo changkan a, a lo danglam chuan siam that ngai a awm chuan siamthat theihna erawhchu a awm a ni. A tul ang zela siamthain chumi Aizawl Master plan chhungah Master plan ang khan kawng kal dan tur te In sak dan tur te kha duh duha miin an lo lak kawia sak phallohna hmuna lo sa leh ringawt thin te an awm loh nan Aizawl Master chhungah hei hian a thawk dawn a ni.

Tin, a dawt lehah chuan mi thuawih lo an lo awm chuan Aizawl Master anga kan thawh dan chhungah dan lo anga mi lo ti an ni a, chumi chu In thiat sak a ngai a ni tih khan kan dan hian statutory order an pek theihna turin keimahniin kan Legislation a kan empower a ngai ta a, thuneihna kan pek angai a. Chuvangin hei pawh hi dan anga House a put luh a ni a. Tin, miin tha tawh lo an tiha appeal duh a nih chuan High Court emaw High Court Judge qualify emaw chu chu appealed Authority a dah tur ani a, political portion duh duh a tih ngawt theih pawh kha ani lova, appealed kha court anga function tur anih avangin. Government of India Addl. Secretary rank chin aia hniam lo te pawh a ngai nghe nghe a, khawilai political leader emaw dah ngawt theih pawh ani lo tih te a ni. Aizawl khawpui hian naktipah hian kan mamawh tawh anih avangin tunah hian kan nghakhlel hle tawh ani. Kawng sir emproachment ten nasa lutuk a kan In sak te pawh in enpui a ngai a chu chu mi ram khawpui pawhin an neih vek khawlian chuan an neih vek loh theih loh a an ngaih nan keini hian kan nei tlai zawk a, nei thuai thuai ila chu chuan kan kawng kan In te min duansak hnuah chungga enzui nan chuan Municipality nge tul kan tih ve te a tawh lo em tihah kha chuan a chhunga hnathawk leh tur anih avangin kha lama kha chu ati buai hauh lo a ni. Hei hi kan Zoram Aizawl mipuite hian kan nghakhlel ber anih avangin



vawiinah pawh hian Select Committee ina han ngaihtuah leh a an tih pawh kha a tha em em a, mahse, a fel fai famkim lo deuh hlek a awm anih pawhin heng hi chu kan amend thei zel a cent percent in a fel kan ti hauh lova, fel lo lai pawh a awm ngei ang a, chung zawng zawngah chuan a la amend theih zel a. Chuvangin, hei hi chu kan Aizawl khawpui hian nghakhlel taka a thlir nia kan hriat avangin vawiinah hian pass ngei ila tih hi Pu Speaker, kan dilna ani e, ka lawm e.

**PU H. VANLALAUVA  
MINISTER**

Pu Speaker, vawiinniah ka Bill 'The Aizawl Development Authority Bill 2005 hi member 13/14 lain an sawi a, sawitu zawng zawngin object lama

sawi an awm lova, lawmawm ka ti a. Hei hi kan hriat lawk vak loh anih avangin min barakhaih deuh niin a lang a, han zir chian rih a tha mang e. Chumi atan chuan Select Committee-ah pawh pek nimai sela tih leh withdraw rih a uluk zawka inrawn tlan nisela tiin rawtna erawhchu kan dawng a. Pu Speaker, vawiina ka bill hi Bingtaii ni lovin Mauruangi ngei a ni tih kha kan sawi nawn duh ani. Kawng dik nunna kawng ani tih pawh ka sawi nawn duh bawka. A awmzia chu kan hretlang vek ang tih pawh ka ring a ni. A Bill hi erawhchu, famkim lo deuh te, lo tihfuh tawk chiah lohte chu a awm ang tih ka ring a. Tin, hengah hian han siamthat nghal mai pawh atul alawm han tih tur te pawh a inzep thovang tih pawh ka ringhlel chuang lova, amaherawhchu, vawiinnikah hian kan ramin a kan mamawh tawh dan zawng zawng han thlir hian kan ngaihtlak tawh angin Municipal nen a function hi adang daih a, Municipal pawh kan mamawh a, tin, Sorkar pawhin theihtawpin hma a la zel thove. A, han sawilan takah chuan sorkar hmasa pawhin a Bill (Municipal Bill) pawh putluh ani a. Member ten an rawt angin ka hriat dan a sual loh chuan, Select Committee ah pek a ni a, chapter 12-a Select Committee in an en hman niin ka hria a, mahse, an sorkar nawn leh khan take-up zui a ni ta em em lova. Chu chu MNF sorkarin bawhzuiin Bill lo buatsaih tawh te en thain mithiam bik nia kan ngaihte pawh OSD a ruaiin hma lak chhoh ani a. Vawiinniah pawh hian atlangpui chuan kan han peih thawkhat. Amaherawhchu, haw lam pawhin min han ensak a, ennawn ngai nia hriatte an la nei a. Chutihlai chuan Session hmasaah pawh Member zahawm tak tak ten House-a Bill putluh anih hmian zirtlan deuh te pawh atha lawm ni tih rawtnate pawh kha a awm a. Chung pawh chu sorkar rilruah Law lamina han ennawn tura min tih ang te, han ennawn zawh anih chuan zirtlan te pawh kha tha hle turah kan han ngai a. Heng hi sorkarin a hlamchhiah hauh lo tih kan sawi tel duh ani. Chumi anih avang chuan vawiina ka Bill "The Aizawl Development Authority Bill,

2005" hi erawh chu a function tura kha thil hrang daih a ni a. Hei hi kan mamawhin kan nghakhlel takmeuh meuh a, a dik tak chuan tunah pawh hian thal a thlamuang em em a, hlim taka awmte kha khua a lo fur ang a, thlaphang thlabarin veng tam takah chuan thinthi pawha mu thei lovin, mahni Inah pawh riak ngam lovin kan tlanchhe leh dawn a ni tih a lang reng a. Heng zawng zawngah hian chhiatna rapthlak kan tawn hmaa The Aizawl Development Authority Bill-ina heng a venna leh a control-na engkim mai a ruahman hi kan mamawh takzet a. Hengah hian sum leh pai han hailuhna tur emaw mahni hmakhuaa hlawkpuina tur thil emaw a awm hauh lo tih hi vawiinniah kan Member ten min hriatsak ka duh a. Chumi anih avang chuan a bill awmzia leh a function dan tur zawng zawngte pawh kha kan House Leader zahawm takin a rawn sawifiah vek tawh a, sawithui pawh ka tum tawh lova. Hlim taka vawiinniah kan pass ka duh a. Kan House Leader leh kan Speaker te pawhina Session kan zawha zanriah kan kilhona tur an lo buatsaih te hlim taka kan kiltlan pawh hi thil paiwmawh tak niin ka hria a. Kan Demand han sawiah te lungrual takin kan kaltlang a, tin, Bill kan hmachhawn tawh zawng zawngah pawh lungrual takin kan pass a. he ka Bill ah pawh hian "remti" tih kha a harsa deuh anih pawhin lo ngawi mai ta sela, hlim takin zanriah kil tura kan kal theihna turin vawiinniah he ka bill hi opposed lutuk lova min kal liampui theih kan beisei a, chuvang chuan Pu Speaker, vawiinnia ka bill han putluh "The Aizawl Development Authority Bill, 2005" hi lungrual taka min pass pui turin he House zahawm tak hi kan ngen a ni e, ka lawm e.

**SPEAKER**

Awle, Minister zahawm tak khan pass a rawn dil mauh mai si a, kan buk a ngai dawn a, kan tih thin angin a hlawma a close by close a pass kan tih kha hlawm thumin kan buk ang a. Tunah Section 3-na atanga Section 64-na thleng Body of the Bill kan tih he Aizawl Development Authority Bill, 2005 Section 3 atanga 64 hi pass remti apiangin 'Remti' ti rawh u le, remti lo kan awm em? Remti lo kan awm chuan 'Remti lo' ti rawh u le. Awle, a ring deuh tak em maw ni chu le. Mahsela engtingnge ban pharin kan ti a nge. A.. aring deuh em maw ni chu aw tih theih khanin a ri deuh si, a bass te kha atha deuh emaw ni? Le, ban phar ngai lovin kan ti ang a, han en khanin remti ti lam kha an tam deuhin ka hria a. Ban phar kherlo mai ang aw. Anih "The Aizawl Development Authority Bill, 2005" Section 3 atanga 64 chu House-in a passed ta a ni. Heihi Bill a tel a ni.

Tunah Section 1 short title leh Section 2 Definition te hi pass remti apiangin 'remti' tirawh u le. Remti lo kan awm em? Remti lo tirawh u le.. awle, a hma ami ang bawk khan a nia, remti ti kha kan tam deuh a ni awm e. Awle, 'The Aizawl Development Authority Bill, 2005' Section 1-na leh Section 2-na chu House in a passed ani. Hei hi Bill-a tel a ni. Tunah Preamble hi kan la leh ang a, "Aizawl Development Authority Bill, 2005" Preamble hi pass remti apiangin 'remti' ti rawh ule. Remti lo kan awm em? Remti lo kan awm chuan remtilo tirawh ula. Awle, a hma ang bawk kha niin ka hria a, remti ti lam kha an tam hret niin a lang e. Vote la kher lovin "The Aizawl Development Authority Bill, 2005" Preamble chu House-in pass a remti ani. Awle, tikhan "The Aizawl Development Authority Bill, 2005" chu House-in a passed ta a ni.

**PU H. VANLALAUVA** : Pu Speaker, ka lawm e.  
**MINISTER**

**SPEAKER** : Awle, vawin leh tun tuma kan Session a kan business te chu kan lo zo dawn ta a. Kan tindarh hman report pek tur ka nei a, chu chu kan pe lawk a nge. Summary of Bussiness transacted during 5<sup>th</sup> and Budget Session from 15<sup>th</sup> March, 2005 to 31<sup>st</sup> March, 2005. Tun tuma kan Session hi ni 17 chhung awh tura duan a ni a. A vawi ngana niin Budget Session a ni bawk a, kan Budget 2005 - 2006 pumpui te, sawiin tluang takin hun kan hmang chho thei a, vawin hi kan tawp ni a lo ni leh ta reng mai a. Tichuan, a tlangpuiin Session chhunga kan hnathawhte chu hetiang hi a ni. Zawhna chungchangah Starred Question lut zat = 402; reject - 16; Admit - 386; clubbed - 22, List of Business a dah zat 200; House chhunga chhan zat - 63; House chhunga chhan hman loh zat - 137 from Starred Question Unstarred-a leh zat - 158; Unstarred Question lo lut zat = 152; Reject 1; Admit - 151; clubbed - 17; House Table a dah zat 286; hei hi Starred Question Unstarred a leh a tam vang a ni. Nitina average a zawhna House a chhan hman zat chu - 6 chhang zel ang kan ni a, nikhata Starred Question House-a chhan tam ber chu 12 a ni a, chu chu March, ni 18 khan a ni. Ninia average a Unstarred Question House Table a dah zat chu - 30 zel ang a ni. Special Mension Member zahawmtak Pu R.Lalzirliana'n Public Health Engineering Department a M/R basis-a rawih Skilled - II anga


rawih Pu V.L.Lura ban anih chungchang House-ah special mension a hmang a. Minister PHE changtuin a chhang nghal a ni. Private Members Bill pahnih awm sa ah Pu Andrew Lalherliana Bill "Fiscal Responsibility and Budget Management Bill, 2004" chu sawiho ani a, mahse, a tlang zo ta lo ani. Pu Liansuama bill "The Mizoram Right to Information Bill, 2004" erawh chu la pending a ni. Tin, Private Member Resolution- 20 dawn a ni a, pakhat reject a ni a, Resolution te hi hunin a daih loh avangin sawiho ani ta lo a ni. House-ah hengte hi present ani bawk. Speaker-in "Business Advisory Committee Report" tun Session atan ape a, 2. Pu Zoramthanga, tuna Chief Minister zahawm takin 2<sup>nd</sup> Supplementary Demand for the year 2004 - 2005 leh Annual Budget for 2005 - 2006 with allied papers" a pharh. 3. Pu R.Lalzirliana, Member-in 6<sup>th</sup>, 7<sup>th</sup> and 8<sup>th</sup> Report of Public Accounts Committee" a pe a. 4. Pu Lalduhoma, Member-in 9<sup>th</sup>, 10<sup>th</sup>, 11<sup>th</sup>, 12<sup>th</sup>, 13<sup>th</sup>, 14<sup>th</sup> and 15<sup>th</sup> Report of Public Accounts Committee report ape. 5. Pu Andrew Lalherliana, Chairman-in 1<sup>st</sup>, 2<sup>nd</sup> and 3<sup>rd</sup> Report of Subject Committee a pe. Heng ahnuai mite hi House Table ah Lay anni. 1. The report of the Comptroller and Auditor General of India on Appropriation Accounts, 2003 - 2004 leh Mizoram Finance Accounts, 2003 - 2004 relating to Government of Mizoram. 2. Annual report of Mizoram Public Service Commission for the year 2003 - 2004 13<sup>th</sup> report. 3. The Mizoram Legislative Assembly grant of Loans and advance to members 2<sup>nd</sup> Amendment Rules, 2005. 4. 9<sup>th</sup> and 10<sup>th</sup> Annual Report of MIFCO for the year 1998-99, 1999-2000. 5. Copy of Correction of Answer to Starred Question No. 146.

Bill - Tun Session hian Bill 10 a lo lut a, avaiin pawm a ni a. Member ten thahnemngai takin sawilan a ni a, tichuan heng bill te hi House-in pakhat chauh tih loh chu lungrual takin a passed a ni. 1) "The Mizoram Value Added Tax Bill, 2005". 2) "The Mizoram Salaries and Allowances of the Minister 2<sup>nd</sup> Amendment Bill, 2005." 3) "The Mizoram Salaries and Allowances of the Speaker and the Deputy speaker 2<sup>nd</sup> amendment Bill, 2005". 4) "The Mizoram Salaries and Allowances of the Govt. Chief Whip and The Deputy Govt. Chief Whip 2<sup>nd</sup> amendment Bill, 2005". 5) "The Mizoram Salaries and Allowances of the Leader of Oppositions 2<sup>nd</sup> amendment Bill, 2005". 6) The Mizoram Pension for Members of the Defunct Mizo District Council and of the Defunct Pawih, Lakher, Regional Council amendment Bill, 2005". 7) "The Mizoram Passenger & Goods Taxation Bill, 2005". 8) "The Mizoram Appropriation No. 1 Bill, 2005". 9) "The Mizoram Appropriation No. 2 Bill, 2005". 10) "The Aizawl Development Authority Bill, 2005".

Tin, Bill passed tawh Governor assent dawn tawh te chu henge hi an ni. 4<sup>th</sup> Session leh tun Session ami- 1) "The Mizoram Oil Palm Regulation of Production of Processing bill, 2004" 2) "The Mioram Appropriation No. 5 Bill, 2004" 3) "The Mizoram Appropriation No. 6 Bill, 2004" 4) "The Mizoram Water Supply Control Bill, 2004" 5) "The Mizoram State Commission for Women Bill, 2004" 6) "The Mizoram Value Added Tax Bill, 2005" 7) "The Mizoram Salaries and Allowances of Ministers 2<sup>nd</sup> Amendment Bill, 2005". 8) "The Mizoram Salaries and Allowances of Speaker and Deputy Speaker 2<sup>nd</sup> Amendment Bills, 2005". 9) "The Mizoram Salaries and Allowances of Govt. Chief Whip and Dy. Govt. Chief Whip 2<sup>nd</sup> Amendment Bill, 2005". 10) "The Mizoram Salaries and Allowances of Leader of Oposition 2<sup>nd</sup> Amendment Bill, 2005". 11) "The Mizoram Pension for Members of Defunct Mizo District Council and of the Pawi, Lakher and Regional Council Amendment Bill, 2005". 12) "The Mizoram Appropriation (No. 1) Bill, 2005". 13) "The Mizoram Appropriation (No. 2) Bill, 2005".

Heng bakah hian tlem han sawi duh ka nei a, pakhatnaah chuan DPC ah khan hun kan ngah theih zawk nan Minister ten zawhna kha repeat loh nise kan han ti a, mahse, thenkhatah chuan an repeat lo lutuk a, awm awm lo tih ngawt te khan alang deuh thin a. Chuvang chuan, hun lokal zelah chuan entirnan, zawhna kha Durtlang leh Bawngkawn inkar kawng khi zauh leh tumna aawm em? tihte kha lo ni ta sela, "awmlo" han tih ngawt ai khan zawhna repeat chiah ni lo khanin tlema a zawhna kha la telin tunah rih chuan Durtlang leh Bawngkawn inkar zauh leh tumna aawm lo emaw han ti ta ila, achiang deuh hlekin arinawm a. Kan Minister zahawm tak te khanin a chhan dana kha bung lutuk lo deuh khanin han siam chhuah dan inthiamin ka ring a, Chutiang tur chuan kan ngen duh che u a. Tin, zawhna siamtute kan taima viau lain Department kha kan tichiang lo thin a. Thenkhat chuan Department pahnih te kan han ziak kawp a, a khawi zawkah nge thawn tur kha a hriat tawh lova, kan buaipui viauin ka hria a. Concern lo Department a ni lawm ni tih pawn an lo inzawt chawp ve ang a, supplementary lam kan tlachham deuh mai ang chu, kan han inti chung pawh hianin Department pahnih te, tin, a thenah chuan Department of Chief Minister tih ngawt te kha a awm a, khalaiah khan fimkhur tlang deuh ila, chuanin, kan zawhnate a nun tam theih a beiseiawm a ni.


Tin, kan Speaker hmasa ten Member te thurawn an lo pe thin a, chu chu kan Rules of Procedure and Conduct of Business Rules tihte khang ang kha chhiar uluk turin min chah thin a, tunhma kha, chu chu yawiinniah hian kan repeat leh duh a.



A tawp berah chuan, thinlung takin lawmthu inzavaia chungah ka sawi a, hei, ni 12 lai ro kan rel hova, chutih chhung chuan dawhthei takin, taima takin member zawng zawng ten ro kan rel niin ka hria a. Loh theih loh tih lohah chuan kan inngai pawimawh a, thu kan sawi tawh dawn lo tih pawh inhre reng chungin Minister te khaikhawmna te pawh kan inngaihthlak sak hram hram a, tin, mahni hun kan nei chep hle mah sela, laklawh hle loh chuan chumi chhungah chuanin kan han ti hram hram te hi alawmawm takzetin ka hria a. Hetiang tur hianin kan rilru pawh inbuatsaih chho zel se ka duh takzet a ni. Awle, tunah chuan tun tum kan Session atana kan tihtur kan lo tizo ta a, The House is adjourned sine die.

Housae adjourned at 4:30 P.M.

T. SAIKUNGA  
Secretary.



Faint, illegible text at the top of the page, possibly a header or title.

M.P. 09/11/1971

LIBRARY  
12920

